






13-9. d. 21

XIX of 103 of ve



# TRACTATUS

DE

## Mutatione ultimæ voluntatis

IN QVO

Materia mutationis succincte & eleganter explicatur. Omnibus in scholis & foro versantibus Advocatis & Judicibus, in veris & Juridicis modis testamenta murandi pernoscentis, causis ejusmodi defendendis & judicandis, non solum utilis sed pernecessarius,

COMPOSITUS

à

DN. PETRO PANHUSIO

Curie Brabantie Senatore primario.



HAGÆ-COMITIS,

Apud JOHANNEM VERHOEVE, 1653. 1~





*Epistola dedicatoria*

AD LECTOREM.

**B**ENEVOLE LECTOR, Liber hic an  
multa vel multum contineat ac-  
curatæ judicii tui limæ submit-  
to. Censorem non exspectat. Nihil  
est ab omni parte beatum. Tractatus  
hic continet materiam utilem, quo-  
tidianam & in foro non raro occur-  
rentem. Quotusquisque enim non facit  
testamenta, occasione quæ docta ea non  
revocat? Quæ mutatio utrum secundum  
legittimos juris tramites fiat, nec ne, hic  
tractatus docebit. Nullum casum quem  
ingenii mei imbecillitas percepit inde-  
cilum reliqui: cætera quæ deinceps mi-  
hi in judicando occurrent appendicis  
modo supplebo. Sed quia hic libellus

ut & omnia facta hominum caninis invidiæ dentibus plerumque veniunt dilaceranda, cum quantum in me est ab ea vindicare conabor.

Obijciat mihi forte practicus, vel quasi; hæc mea scripta magis tyronem jurisprudentiæ quam Senatorem redolere. ignoscant mihi in hara ignorantia nati: Leges satis multas hic allegavi: sed credant earum contemtores, Authores legum Romanarum Illustrissimos viros fuisse. Papinianus, (ab illo enim incipiam) ab Imperatore dicitur esse vir acutissimi ingenii: amicus summus fuit Imperatoris Severi, qui moriens ei suos filios commendavit; quamvis Alexander pro beneficio maleficio reddiderit. Quid de discipulo ejus Domitio Ulpiano dicam? Is ab Alexandro principe, varias leges de jure populi & fisci sanciente & septuaginta jurisperitos adhibente, cæteris fuit prælatus. Non loquar de Iulio paulo, Ulpiani coassessore, qui Prætor, Consul



Consul & postea Præfectus Prætorio factus fuit. Cæterorum virtutes recensere volenti citius vita quam scriptura deficiet.

At instabit quis, me in hoc libello non bene cum Bartholo, Baldo, & ejus ævi Heroibus in omnibus convenire. Sane eos magni facio, sed non tanti, ut credam eos debere rationem vincere aut legem. Amo scientiam,

*Nullius addictam jurare in verba Magistri.* Addamus in iis allegandis nos sæpe hallucinari, quia consuetudines suæ patriæ nos latent: quæ si nobis obviam forent, dicta eorum generalia ad eas restringendi nobis ansam præberent.

Sed quidam non contemnendi viri putant nimis servile esse, se ita juri Romano astringere, ut non aliquid detur judicio proprio. Non infiteor viros magnis animi dotibus auctos minimo negotio ambigua causarum fata dirimere posse.

Sed non cuivis homini contingit adire Corinthum. Quid sane fiet de Diis minorum gentium, ad Divæ Themidis sacerdotium promotis, an non sine istarum vel municipalium legum auxilio iudicia eorum fluxatque Zephyro leviora erunt? Agnoscamus itaque & exosculemur æquitatem scriptam, non scriptam cane peius & angue odio prosequamur: nam alioqui nihil erit in iure certum nihilque perpetuum quibuslibet causarum statum ad imaginariam æquitatem detorquentibus. Vale amice Lector, & hoc libello alium expectando frueri.

*Tibi addictissimus*

PETRVS PANHVSIVS.

*In*



*In Nobilissimi Amplissimique Viri*  
**D. PETRI PANHUYSEN,**  
Cronesteynii Domini, Brabantiae Curiae, qua  
Foederatis paret, Senatoris primarii.  
**TRACTATUM**  
DE  
Mutatione ultimæ voluntatis.

**I**nclute Panhuyssii, cui non mutata voluntas  
Pergit & egregias carpit anhelata vias,  
Quid resides trahis in meritum præmia Musas?  
Quid me vis positam sollicitare chelyn?  
Pars vita jucunda, fuit. Deferbuit ardens  
Spiritus & geni prima favilla mei.  
Est aliud quod totus agam. Sed nec tibi deses  
Esse velim; in laudes quin juvat ire tuas.  
Grande Senatorum columen, cui prima ferenti  
Vota suis plaudit gestibus ordo sequens,  
Incipe maturo famam debere labori,  
Nec tua, qua profint omnibus, acta preme.  
Qua medio constans urfisti pulchra Senatu  
Iura, per Advaticas cerne valere plagas,

Et

*Et recti Cynosura viget, qua Belgica concors  
Se Brabantinis explicat ampla jugis,  
Iustitiaque regi Populos jubet, & sibi bello  
Subdita praeclaris legibus arva ligat.  
Eugè, Vir excellens, qui sordes & mala sacri  
Crimina juridico vis procul esse foro,  
Publica fac, qua privata laevare sub umbra,  
Sola nec ipsa sibi, quod facit Aula, sciat.  
Hic legum latoris honos, hac gloria summa est,  
Iudicibusque nihil clarum esse potest,  
Quam definitis lucem concedere causis,  
Et se cunctorum subdere judiciis.*

● C. BOYVS.

Index



## Index Capitulum.

### C A P. I.



*Aput continet prafationem de mutabilitate  
actionum humanarum tam contractuum ma-  
trimonii, quam testamenti.*

Fol. i

### C A P. II.

*Vtrum testamentum reciprocum inter virum & uxo-  
rem revocari possit.*

6

### C A P. III.

*Continet Arresta & rationes pro irrevocabilitate te-  
stamenti allegatas.*

10

### C A P. IV.

*An contractus in testamento celebrari possint.*

18

### C A P. V.

*De Arrestis duobus quibus hac sententia videtur posse  
probari, & iudicio authoris de iisdem.*

24

### C A P. VI.

*An testamentum reciprocum exstantibus liberis sit re-  
vocabile.*

29

### C A P. VII.

*Vtrum testamentum conjugum in Brabantia partibus  
confectum, ubi obtinet ius devolutionis, revocari possit.*

34

C A P.

INDEX CAPITVM.

C A P. VIII.

*Vtrum testamentum ad pias causas sit mutabile.* 40

C A P. IX.

*De testamento jurato utrum id revocari possit.* 46

C A P. X.

*De clausula Derogatoria, clausula cassante & irritante, item de clausula omni meliori modo.* 53

C A P. XI.

*Vtrum clausula in testamento secundo non solemniter posita, qua vocantur successores ab intestato, revocet primum.* 61

C A P. XII.

*Vtrum per declarationem contraria voluntatis cum solemniter numero testium facta testamentum primum censetur esse revocatum.* 67

C A P. XIII.

*De revocatione testamenti qua fit ex vi legis Sancimus. C. de testam. item per secundum testamentum factum ad interrogationem alterius.* 73

C A P. XIV.

*De effectu revocati testamenti, & an censeantur etiam esse revocata omnia legata & fideicommissa in eo contenta.* 79

C A P. XV.

*Propositio rationis superioris effectus qua ulterioribus legibus defenditur.* 83

C A P.

INDEX CAPITVM.

C A P. XVI.

*An repetitio fideicommissi censeatur intervenisse si in secundo testamento adjecta fuerit clausula codicillaris.* 99

C A P. XVII.

*Quo objecta contra hanc sententiam refutantur.* 69

C A P. XVIII.

*In quo refutatur opinio dicentium fideicommissa esse favorabilia.* 101

C A P. XIX:

*In quo enervantur responsiones ad textus quibus probatur odiositas fideicommissorum.* 110

C A P. XX.

*De modis mutandi testamenti per actus facti per cancellationem, abractionem, &c.* 115

C A P. XXI.

*De modis mutationis testamenti provenientibus citra testamentum.* 123

C A P. XXII.

*De aliis modis ejusdem natura mutandi testamentum.* 129

C A P. XXIII.

*De effectibus causatis ex mutatione ultima voluntatis per actus facti.* 137

C A P. XXIV.

*De effectibus causatis ex actibus facti extra testamentum.* 141

C A P.

INDEX CAPITVM.

C A P. XXV.

*Vtrum testamentum primum, revocetur per secundum  
signatum à testatore & post ejus mortem inventum aper-  
tum in domo mortuaria.* 151

C A P. XVI.

*Vtrum testamentum ligaturis, quibus inter sigilla erat  
perforatum, scissis subsistat.* 155

DE






# DE MUTATIONE TESTAMENTI.

- 1 *Omnes Actiones Humanae sunt mutabiles.*
- 2 *Contractus difficulter, Matrimonia difficillime mutantur.*
- 3 *Rationes cur testamenta facillime mutantur.*
- 4 *Qua certa est interpretatio Novel. 22.c.2.*
- 5 *Differentia inter Testamentum & legem.*
- 6 *Casus in quibus Testamentum praevalet legi.*
- 7 *Ratio cur voluntas Testatoris sola sit illi mutatisissima, & explicatio §. 2. Instit. de donation.*
- 8 *Quanam obligatio contrahatur inter donatorem, & donatarium.*
- 9 *In Testamenti factione non est reciproca obligatio.*
- 10 *Regula: Testamentum est ius; quomodo intelligenda.*
- 11 *Instantia contra solutionem ad objectionem*  
A desum-

*desumptam ex l. 2. c. de jur. & facti ignorantia.*

12 *Solutio ad Instantiam superiorem.*

13 *Conclusio pro mutabilitate testamenti, & ratio desumpta ex l. si quis in principio c. de legat. 3.*

1  Mnes Actiones Humanæ fundantur in voluntate. Hæc est libera, facitque quidlibet, nisi si quid vi, aut jure prohibeatur. §. 1. *Instit. de Jur. Person.*

Ergo quatenus jus permittit erit mutationi obnoxia, quæ in quibusdam negotiis difficilior, in aliis autem facilius fieri potest.

2 Contractus sane ultro citroque obligatorii, duobus vinculis colligati, eodem, vel ut quibusdam placet contrario modo dissolvuntur. l. 1. C. *quando licet ab empt. recedere*, & l. 35. ff. *de R. l.* Matrimonium sane sacrosanctum negotium difficillime dissolvi potest, quia habet legatorem Deum, & mandatum, quod homo non debeat separare, quod Deus conjunxit.

3 Sed mirum est, quod jura permittant ultimam voluntatem, ordinantem, vento leviorē esse posse, & quotiescunque testator velit, eam mutari: cesset sane admiratio. Nam liberum esse debet, non quod reediturum est arbitrium, l. 1. C. *de sacrosanct. Eccles.* An limitata est voluntas hominis, quæ sit in vita? nullo modo, §. *unic. Inst. de l. sus. Canin. tollend.* Cur itaque in extremo vitæ articulo constitutus libertate sua privabitur.

Obji-

Objiciunt quidam voluntatem Testatoris esse 4  
legem per *Novell. 22. cap. 2.* in verbo, disponat, frustra sane; quia ille textus loquitur de ultima voluntate, in qua Testator usque ad finem vitæ perseveravit: ea enim transit in statum irrevocabilitatis. Præterea, bene intelligendus est hic Textus, Testamentum enim & lex non conveniunt in omnibus.

Illud enim in vita testatoris facile mutatur, lex 5  
vero difficilior quia in ea mutanda requiruntur eadem solemnitates, quibus opus est in nova edenda; scilicet potestas, & voluntas condentis, promulgatio, qua non facta, nullas ea habet vires, per *Novell. 1. cap. 4. de Hered. & falcid. & cap. 3. §. 1. distinct. 4. in Decret.* & legis æquitas, honestas, posibilitas, & manifestus sensus.

Testamentum quidem præsupponit potestatem Testantis. Verum tamen ea non requirit tam illustrem, quam illa, quæ in legum conditoribus esse debet. Majorem enim hæc quam illud habet molem, nec tam facile movetur. Res enim periculi plena est in Republica, crebra legum mutatio. Hoc enim modo incerta omnia fiunt, & nervi regiminis dissolvuntur. Cum voluntatem Testatorum mutari paucorum intersit. 2. Publicatio ultimi elogii requiritur, per *l. 1. C. Testament. quemad. aper. & l. 2. C. de Testament.* Sed ut notum est, nec probatione eget, multitudinem hominum convocare non est necesse. 3. Hic sane videtur legi prævalere postrema dispositio: licet Testatoribus loqui abusive, per *text. in l. non aliter. de legat. 3.*

- 6 præterea verba impropriantur potius, quam ut ea intereant. *text. in l. 34. §. 1. de leg. 2.* Id profecto neutiquam attribui potest legi. Si enim ea sit omnium divinarum, atque humanarum rerum Regina, *l. 2. §. de legibus*; non esset decorum, eam non posse explicare, quomodo ei gerendus mos sit.
- 7 Sed dicet quis, testamenti variationem, tam absolutam, & nullo modo limitatam contra jus videri esse, cum donatio inter vivos non nisi ob unam causam, id est, ingratitudinem revocari possit. *§. 2. Instit. de donation.* Solve tum eam proprie non mutari, sed donatarium ea se indignum reddere, & sic in nihilum redigi.
- 8 Nam quamvis inter donatorem, & donatarium proprie non contrahatur obligatio civilis, attamen subest quoddam vinculum juris in naturali affectione fundatum; cum enim ille liberaliter dona effundit, hic sane benevolum, gratumque animum reddere tenetur, quo deficiente, jure suo donator uti potest. argumento *l. 3. §. 5. ff. de bonor. possess. cont. tabulas.* eumque donis privare.
- 9 In testamenti autem factione nulla elucet reciproca obligatio; sed ille qui instituitur heres (si extraneus sit) nudum beneficium à Testatore accipit, quod perfectum cum sit demum post mortem hujus, tum nullam ingratitudinem contra defunctum committere potest.
- 10 Ultimo pro immutabilitate Testamenti allegari posset, hoc esse jus, quod cum sit certum, ut habet *Text. in l. 2. ff. de iuris*, & facti ignorant, illud quoque immutabile videbitur esse, sed respondeo;

T E S T A M E N T I. 5

deo ; Jus ibi dici certum non absolute, sed comparate respectu facti ; habetur enim sub titulo de juris, & facti ignorantia ; Indicatque errorem juris difficilius excusari, quam facti, quia jus, præsertim publicatum, certum est respectu scientiæ hominis : factum autem eo intuitu incertum est cum secreto quædam fiant, quæ difficile ad notitiam hominis perveniant.

Sed contra hanc solutionem dari potest hæc <sup>11</sup> instantia. Jus à Justitia appellatum *l. 1. ff. de Instit. & iur.* Hanc autem esse constantem, & perpetuam voluntatem jus suum cuique tribuendo ; ergo hæc est certa in se absolute, & non respective.

Solve ; hunc textum loqui de jure determinato, <sup>12</sup> Testamentum autem, quatenus morte Testatoris non est confirmatum, non continet jus determinatum, sed determinandum ; ideoque id usque ad illud tempus mutari potest *per l. 32. §. 3. ꝛ. de donat. inter vir. & uxor. & l. 4. in fin. ꝛ. de adimend. vel transferend. legat.* Ratio est, quia nemo sibi in testamento potest imponere eam legem à qua ei recedere non liceat. *l. si quis in principio testamenti. ꝛ. de legat. 3.*

Concludendum itaque est pro revocabilitate ultimæ voluntatis, eaque opinio firmiter, & sine ullo scrupulo est tenenda, ut inferius in multis, & variis casibus\*, sequentibus capitibus recensendis, apparebit.

## CAP. II.

Utrum Testamentum reciprocum inter virum & uxorem revocari possit.

1 *Propositio Status questionis, & resolutio generalis affirmativa.*

2 *Ratio responsionis, sive resolutionis prædictæ.*

3 *Duobus simul testantibus altero præmortuo, testamentum in hujus bonis tantum confirmatur.*

4 *Explicatio l. quoties. de Rebus Dubiis, & similium locorum.*

5 *Distinctio ad majorem elucidationem explicationis superioris.*

6 *Potest fieri, ut duobus testamentis factis primum subsistat, & quomodo.*

7 *Leges, quæ pro irrevocabilitate Testamenti militare videntur.*

8 *Explicatio, l. Pompejus. de Negot. gestis.*

9 *Explicatio, l. cum pater. de leg. 2.*

10 *Item: l. 11. C. de fideicommissis,*

11 *Illatio desumpta ex prædicta lege, ejus enervatio, & ratio enervationis.*

1 **I** Am ad particularia descendamus, examinemusque an testamentum in quo vir uxorem, & uxor virum

virum reciproce heredem instituit ab uno ex superstitibus præmortuo revocari possit? Affirmativam resolute tenendam judico.

Ratio est, quia illud, in una tabula scriptum, perinde habetur ac si duo testamenta separatim facta essent, per ea quæ tradit *Faber in Cod. de Testament. defn. 8.* Quo casu quin mutationi obnoxia sint nemo negabit, cur itaque idem jus non obtinebit in iis, quæ fictione juris pro talibus habentur, cum fictio in casu ficto tantum valeat, quantum veritas in casu vero, *text. est in l. unic. C. de Rei ux. actione.*

Præterea si duo testentur, & alter moriatur, testamentum in ejus bonis tantum firmatur, *text. in l. Lucius. §. Cajo Sejo. π. ad Trebell.* ergo in reliquo potest mutari. Hoc itaque pacto in materia testamentaria bene quis argumentabitur; si illud quod mutatum non est non prohibetur stare, ergo illud, quod stat non prohibetur mutari.

Sed hic fortiter resistere videbuntur omnia jura, quæ volunt, in dubio eam interpretationem esse admittendam, quo actus potius valeat, quam pereat, ut habetur in *l. quoties π. de rebus dubis.* Respondendo hunc textum loqui de ambiguitate verborum, quæ est in una voluntate postrema, & an ea propter eam deficiat, nec ne, est distinguendum.

Vel enim verba ad voluntatem illam accommodari nullo modo possunt, tum voluntas, ut plurimum, deficit. *per l. Labeo de supellest. leg. l. si alii. π. de usu, & usufr. leg.* secus si verba per improprium sensum ad eam accommodari possunt. Sed non versamur in casu in quo sunt duo testamenta: Ita-

que hæc obiectio non multum ad rem facit.

6 Non tamen negandum, quin fieri possit, ut duobus testamentis existentibus primum subsistat per *l. si jure x. de leg. 3. in verb. fortassis ideo*. Sed id fit, quia in dicta lege præsupponitur testamentum posterius non jure esse factum, tum enim prius stare debere notorium est, neque probatione indiget.

7 Hanc opinionem, ut ut firma sit, conantur labefactare Galli J.C. & etiam Johannes Deckerus in suis dissertationibus, utentes juribus incivilliter contortis, & arrestis; sed ea generali solutione enervari possent dicendo ea intelligenda de jure singulari suæ Patriæ; inter quod, & jus universale magna est differentia. Non enim trahi potest ad exemplum, *argumento cap. per venerabilem extr. qui fil. sunt legit. c. §. 6. Inst. de jur. natural. civil.* quod attinet ad jura à dictis authoribus allegata, ea consistunt in tribus legibus. 1. *est lex Pomponius x. de neg. gestis, ibidem dicitur*: Non licere probare semel improbatum.

8 Sed sciendum subjectam materiam istius legis esse Titulum *de negot. gest.* ibique dici negotium, licet male gestum, à domino probatum, postea improbari non posse, catenus, ut evitet restitutionem sumptuum in gestione factorum, vel ejus, quod hujus intuitu amisit. Nam post eam statim oritur actio directa, & contraria, resque integra esse desinit. Quod non habet locum in testamento ob rationes antea allegatas, ad quas lectorem brevitatis causa remitto.

Secundo allegant, tenentes irrevocabilitatem prædi-



prædictam *l. cum pater. §. libertis. π. de leg. 2.* Sed quamvis textus ille loquatur de fideicommissio relicto; ideoque magis videatur ad subjectam materiam appropinquare; attamen propositio nostro neutiquam inservit; Nihil enim aliud dicit, quam Testatorem fideicommissio pluribus sub conditione relicto, neuinem ad id invitasse, nisi qui iudicio paruit; sed quomodo hinc inferri possit, testamenta conjugum esse irrevocabilia, non video. Nam intentio Testatoris non fuit revocare fideicommissum respectu ejus, qui paruit. Sed id voluit subsistere, & morte confirmavit.

Eodem modo quo consistit actus habens conditionem, ea purificata *arg. l. 1. C. de his, quæ sub* 9  
conditione.

Sed fortius videtur pro illis urgere, *l. 11. C. de* 10  
*fideicommiss.* ibi dicitur, quod omnibus, qui ad fideicommissi petitionem aspirare possint, vendentibus, aut si quidam venditioni aliorum consenserint, contractus autoritas convelli non debet.

Hinc videtur argumentandum esse, quod si vir 11  
uxori, & uxor viro consenserit, ut testentur de bonis mutuis, quod tum revocatio fieri non possit. Sed ratio differentiarum maxima est in utrisque, nam in casu legis testamentum in quo fideicommissum relictum est, jam erat morte confirmatum, sicque illud jam transierat in proprium patrimonium omnium; quod quia sorte dividere non poterant, vendere ipsis consultius videbatur, vendiderunt, cur ille contractus factus post testamentum stare non posset, quia res desit esse integra, quo casu

revocationi locum non esse ad nauseam antea dixi. Sed in casu quæstionis nostræ testamentum reciprocum non desinit esse integrum, aliquo ex testatoribus supervivente, respectu sui ultimi elogi, ut antea probavi, sed tantum respectu præmortui: cum itaque hi casus inter se sint diversi ab uno ad alium affirmativa argumento fieri nequit.

## C A P. III.

In quo allegantur rationes, & arresta pro irrevocabilitate Testamenti allegata.

- 1 *Rationes pro irrevocabilitate Testamenti allegata.*
- 2 *An reciprocum Testamentum induat naturam contractus negatur.*
- 3 *Objection contra negationem, & solutio objectionis.*
- 4 *Explicatio, l. 9.  $\pi$ . de duobus reis continens objectionem contra Thesin. n. 2. positam, & solutionem istius objectionis.*
- 5 *Argumentum pro immutabilitate testamenti reciproci.*
- 6 *Solutio argumenti prima.*
- 7 *Secunda, & ratio.*
- 8 *Arrestum propositum pro testamenti immutabilitate, & authoris ratio.*
- 9 *Solutio ad rationem supradictam.*

Obje-

- 10 *Objectio, & solutio per argumentum de-  
sumptum ab absurdo.*
- 11 *Instantia contra datam solutionem, & re-  
sponsio ad prædictam instantiam.*
- 12 *Verba legis, ex quibus infertur hæc corre-  
spectivitas.*
- 13 *Ratio fundamentalis ejus & interpretatio,  
l. 28.*
- 14 *Argumentum à minori ad majus.*
- 15 *Objectio impugnans correspondentiam, &  
solutio ad objectionem.*
- 16 *Distinctio sub qua est recipienda l. Illa au-  
tem.*
- 17 *Exemplum ad illustrandam distinctionem.*

**E**Xaminatæ sunt leges, quæ pro irrevocabili-  
tate testamentorum supradictorum allegan-  
tur, jam pergendum est ad rationes quæ sunt  
ponderande, quæ in finem prædictum à D. D. qui-  
busdam proponuntur.

Prima & præcipua est quod ejusmodi ultima  
elogia dicantur inducere naturam contractus, i. ha-  
bentur pro eo ac si Testatores contraxissent, quod  
non revocabunt hæc post mortem. Sed pace eo-  
rum dixerim: Hæc optimo erronea est, & falsa,  
confutaturque manifestissime per. l. 20. c. de verb.  
signif. ibi dicitur, verba contraxerunt, & gesserunt  
non pertinere ad jus testandi, id est, dissentire ab  
eo, & diversa esse. talia autem se mutuo nitrare  
ne-

nequeunt, *arg. l. 119. ꝑ. de Reg. Iur. & penult. §. latius verb. quia non ut ꝑ. de Except. rei. judic. & in l. 14. ꝑ. de Re judic.* Præterea contractus habent maiorem firmitatem, quam testamenta, quia colligatio eorum est fortior, ideoque & dissolutio difficilior. Hæc enim duo mutuo sibi esse proportionata manifestissime infertur *ex l. 35. in fin. ꝑ. de Reg. Iur.*

3 Sed contra primam rationem obstare videtur, duorum frumenta permisceri posse, *arg. §. 28. Inst. de rer. divis.* responsio facilis est, quia nos loquimur de iis, quæ differunt essentia, textus autem de iis, quæ tantum numero differunt.

4 Contrariæ tamen sententiæ fautores putantes se legibus non destitui utuntur. *l. 9. ꝑ. de duobus reis,* ubi dicitur duos reos debendi fieri posse nō tantum stipulationibus, sed in cæteris contractibus, veluti emptione venditione, locatione, conductione &c. testamento, ibi ajunt, testamenta accensentur contractibus. Contractus autem unus in alium intrare potest, verbi gratia, depositum intrat contractum mandati *per l. 8. in principio. ꝑ. mandati: locatio, & conductio affinis est emptioni, l. 2. ꝑ. locat. & cond.* Ergo contractus quoque in naturam testamenti intrare poterit. Responde, vocem Testamenti, non ad antecedentia, sed ad consequentia esse referendam, adeo ut hic subaudiri debeat particula copulativa, &, *ut tenet Rebuff. ad d. l. 20. quæ conjunctio copulat diversa per l. 1. §. fin. cum duab. ll. sequentib. ꝑ. de R. I.* Jurisconsulti enim nostri non tam verborum sensum litteralem, quam natu-

naturam, & energiam rationalem respiciunt; & sic sæpe evenit, ut conjuncta pro disjunctis accipiantur *per l. 53. §. de verb. sign.* Imo in testamentis aliquando à proprietate verborum receditur, ut mens fervetur ejus testatoris, qui non manifeste contrarium voluisse probatur, *l. 9. §. 13. §. de hered. instit. l. 69. §. de leg. 3. & l. 32. §. 6. §. de aur. vel argent. leg.* Manifestissime itaque errat Boërius in decisione 155. num. 9. & *Math. de afflict. decis. 260. n. 6.* pessimeque eum in finem allegatur, *l. omnem. §. de iudic.* ibi enim dicit, omnem obligationem pro contractu habendam, testamentum autem esse obligationem respectu Testatoris, nemo sani Judicii affirmare audebit; Nec sententiam prædicti Doctores adjuvant verba finalia legis, quæ tantum possunt extendi ad donationem, & similes casus. Sed excusemus Authorem, dicendo eum secundum consuetudinem Patriæ suæ loqui, facit enim mentionem constitutionis Regni, quæ incipit: Instrumento Robur: Et secundum eam dicit statutum impediens mulierem alienare sine mundualdo extendi ad testamentum.

Præterea fortissime pro hac opinione urgere 5 videtur, *text. in l. 27. §. de mort. caus. don.* ex qua ejusmodi formari potest argumentum Donatio causa mortis habet se ad instar ultimæ voluntatis *per l. fin. C. de Codicill.* Illa autem potest constitui irrevocabiliter per hunc textum, videbitur igitur postremam sententiam de bonis post mortem immutabilem effici posse.

Sed respondeo, Thema propositum loqui de 6  
successio-

successione universali legem autem pro objecto habere rei particularis donationem, est igitur magna inseparabilitas inter hanc, & illam; sed si hæc solutio minus placet, alia invenienda.

7 Dicendum est itaque hanc legem æquiparare donationem in ea contentam donationi inter vivos, quæ appellatur irrevocabilis, non absolute, sed comparative, quod non tam facile est revocabilis, quam aliæ. Hanc autem distinctionem probò in jure fundatam esse, eaque apparet *ex l. 5. de concubin.* ubi dicitur: honestius esse patrono libertam concubinam habere quam matrem familias. Hinc sane non infertur honestum esse concubinam habere, sed minus dedecoris esse *text. innuere vult.* Ea comparatio apparet ex ultimis verbis legis. Ideoque nec inter virum, & uxorem valere potest.

8 Alii non quidem ignobiles Jurisconsulti inter quos unum tantum recensebo, quia cæteros Gallos, quorum multi mordicus hanc opinionem tenent, non legi. Is est Julianus Brodæus, Advocatus Parisiensis, qui ad arresta Loueti animadversiones scripsit; Is ad arrestum 10. verbo Testamenti dicit: Testamenta reciproca irrevocabilia esse, quia ex quo donatio facta est in testamento, præsumitur facta ut ultima voluntas, & pars testamenti.

9 Sed donatio, quia est facti non præsumitur, at probari debet, *arg. l. cum de indebito, vers. fin vero ab initio. x. de probat.*

10 Ne objicias donationem causa mortis, qualis hæc

hæc videtur esse, præsumi; *text. est in l. 42. §. de mort. caus. donat.* quia id dictum concedi posset, non tamen inde sequeretur superstitem testamentum suum revocare non posse.

Nec me movet si quis resplicaret, licentia hac <sup>11</sup> data superstiti, quod tum ille, vel illa locupletaretur cum heredum ab intestato prædefuncti jactura, quia supervivens non posset suum testamentum revocare, quin quoque amittere debeat lucrum, ex prædefuncti testamento sibi destinatum, *arg. ducto à correlativeis; quorum ea est natura; ut sublato uno tollatur & aliud. text. est prelegans in l. fin. C. de pact. inter empt.*

Energia argumenti, ex hac *l. desumpti habet in* <sup>12</sup> *verb.* quod si non impleta promissi fide, dicendum igitur, si supervivens revocet suum ultimum elogium in præjudicium successorum prædefuncti, quod tum illi idem jus in superviventem, quoad hereditatem acquirendam, vel forte acquisitam statuere possint. Ita consului in lite corano Curia Hollandia introducta inter heredes priores, ab una parte & successores secundi mæraeti Cornelia van der Hooge species facti talis ercet.

Josephus Mathias & Cornelia van der Hoogen conjugio juncti, reciprocum testamentum fecerunt quo se invicem heredes instituere dando super viventi jus dominii in bonis defuncti ita tamen ut bona superviventis non habita ratione unde venerint, ac ubi sita sint inter prædictos conjugum proximos amicos pro dimidia parte dividi debeant. Primum fato obiit Josephus, Cornelia secundo

cundo marito sociali conjugio jugata Petro Co-  
 ctori cerevisiario secundum reciprocum testa-  
 mentum condidit in quo eum pro dimidia parte  
 bonorum suorum heredem instituit, & alterius di-  
 midia partis usumfructum ei reliquit sub hac con-  
 ditione quod post mortem Petri prædicta dimidia  
 pars ad amicos Cornelia pervenire debeat quæsi-  
 tum fuit an Cornelia ejusmodi secundum elogium  
 facere potuerit. Respondi duas opiniones posse  
 defendi utramque heredibus prioris mariti utilem  
 esse, si enim tueri velimus primum testamentum  
 transire in vium contractus, & per consequens esse  
 irrevocabile, tum secundum fieri nullo modo po-  
 terit. Melius tamen est militari pro communi opi-  
 nione, dictante testamentum primum per secun-  
 dum revocari potuisse sed tum, uxore id mutante,  
 alterum quoque respectu heredum mariti esse ru-  
 ptum censeri debet. Propter rationes in hoc tra-  
 ctatu relatas ad quas lectorem brevitatis tautho-  
 logiæque vitandæ causæ remitto.

- 13 Ea correspectivitas fundatur in mutua dilectio-  
 ne viri, & uxoris, *arg. l. tutor. 28. §. quæ tutoribus 1.  
 . de excusat. tutor.* Nec refert hunc textum loqui  
 de parte, & filio, non autem de viro, & uxore, quæ  
 tantum est affinitatis principium, *Menoch. præsumpt.  
 89. n. 63. lib. 4.* Quandoquidem quoad ultimam  
 voluntatem proximis æquiparatur, *l. cum rem alien.  
 C. de legatis.* Quod si verum sit naturam inter ho-  
 mines, vel extraneos, cognationem quandam in-  
 stituisse, ita ut alteri alterum insidiari sit nefas, *l. 3.  
 . de Instit. & iure*, multo magis ea regula inter  
 arctissime



arctissime conjunctos virum & uxorem obtinere debet. Insidiæ autem fiunt in vitam alicujus, etiam in bona, & facultates : qua enim facie poterit quis commodum assequi sine incommodo ei annexo, *arg. l. secundum naturam. §. de R. I.* Non me mo-<sup>15</sup>vet in contrarium regula J.C. institutiones debere esse gratuitas, non ex cupiditate lucri proficisci, *arg. l. illa. a. §. de hered. instit.* nec illatio Alciati in *l. licet. n. 6. C. de pactis.* dictans uno conjugum testamentum suum revocante, alterum non videri esse revocatum ; quia lex allegata non obtinet, quando una dispositio est temporis præteriti, altera est temporis futuri, quo casu lex dicit ejusmodi institutionem captatoriam non esse : Alciati autem illatio<sup>16</sup> desumpta ex dicta lege, non procedit, nisi in revocatione, quæ fit utroque conjugum vivente, tum enim recte dicitur unum testamento stare posse, altero in contrarium vergente, quia hic in præjudicium suum ei stare vult, potestque juri pro se scripto renunciare, *l. si quis in conscribendo. C. de pactis.* Exemplum hujus meæ positionis adferam.

Si quis alicui vendiderit fundum sub illa condi-<sup>17</sup>tione, ut si emptor intra statutum tempus pretium non solverit, venditori liceat fundum prædictum revendere ; Hic tamen tempore elapso poterit contractui stare, nec ad revenditionem cogi poterit. Plura exempla adferre possem, sed ne volumen hoc longius excrescat, studiose ea prætermittam.

## CAP. IV.

An Contractus in Testamento celebrari possint.

- 1 *Propositio status questionis.*
- 2 *Responsio sub distinctione.*
- 3 *Interpretatio l. 21. =. qui testamentum facere.*
- 4 *Distinctio nova authoris, & ratio in qua illa fundatur, & de primo membro.*
- 5 *Contractus qui tendit ad perversendum testamentum in eo non est celebrandus.*
- 6 *Inter reciprocos testatores non contrahitur mandatum.*
- 7 *Mandatū exstinguitur morte mandantis.*
- 8 *Negotium reciprocorum testatorum esse indivisibile videtur.*
- 9 *Negatur, & ratio negationis.*
- 10 l. 12. §. fin. non habet locum in executione testamenti defuncti per superstitem facienda, & ratio.
- 11 *Inter reciprocos testatores non contrahitur societas, post mortem unius ex conjugibus.*
- 12 *Nemo potest renunciare societati, ut lucrum solus habeat, idem dic de superviventis testamento, & ratio.*

13 Se-

- 13 *Secunda ratio desumpta ex l. 32. & ejus applicatio ad casum nostrum.*  
 14 *Petri Peckii opinio contraria refutata.*  
 15 *Refutatio primi argumenti.*  
 16 *Supervivens, revocando suum testamentum, favet suis successoribus.*  
 17 *Non præsimitur mutuum amorem conjugum obesse amori quo unusquisq. eorum fertur erga justitiam.*  
 18 *Refutatio secundi argumenti.*  
 19 *Superstes revocando suum testamentum & retinendo relicta in testamento defuncti, injuria afficit defuncti heredes.*  
 20 *Præsumptio militans pro conservatione legum præsertur præsumptioni mutuae dictionis, & quare.*

**D**icet quis, etiamsi ultima voluntas reciproca diffideat à contractu, tamen non absurdum videri esse, si defendamus contractum in eo intervenire posse.

Hæc quæstio ventilata fuit ab aliquibus eruditiss, quidam distinguunt utrum contractus pertineant ad testamentum, nec ne; primo casu affirmativam tenent, utunturque ad patrocinium suæ doctrinæ, l. 21. §. fin. x. qui testament.

Sed pace tantorum ingeniorum, tamque elaborate eruditorum dixerim, eam legem noluere intelligere: ea enim loquitur de actibus continuis circa testamenti consummationem, quod non de-

beant intervenire extranei : nulla hic mentio fit contractus, quem multum à testamento differre antea probavi. Hisce neglectis ego aliter distinguo, aut enim contractus pertinent ad securitatem relictī in testamento, aut non : primo casu resolute affirmativam teneo, secundo negativam defendam, & secundum utramque judicare audeam : pro prima facit, *l. non est mirum, ꝑ. de pignorat. action.* ibi dicitur : testamento pignus constitui posse. Facit præterea ratio juris : pignus enim, & fidejussio æquiparantur, *arg. l. 1. ꝑ. qui satisdare.* hæc autem cuilibet actui accedere potest, *arg. l. 1. ꝑ. & §. 1. Instit. de fidejuss.* Tertio pro hac thesi facit *l. 8. §. 15. ꝑ. de transact.* inde collige pignus constitui posse in transactione, quo cessante fundus non erit obligatus. Ne objicias ea quæ tradit Bartholus hic. nam inde non inferitur prædia pro alimentis tacite esse oppignorata : quia textus in *l. Lucius*, quo utitur : dicit testatorem eum obligasse.

Si autem contractus tenderet ad pervertendam naturam testamenti, verbi gratia, si quis vellet ut non recedatur ab eo, tum nullius esset momenti, *per text. sape allegatum in l. si quis in principio testam. ff. de legat. 3.* Sed pergamus examinare frivola argumenta Gallorum Jurisconsultorum, ad defendendam hanc irrevocabilitatem excogitata. Dicunt inter hujusmodi reciprocos testatores contrahi mandatum ; sed non video quomodo id defendi possit, nam negotium gestum in hoc judicio ordinarie est mandantis ; quod autem supervivens gerere præsupponitur, est heredis : hereditate enim

appre-

apprehensa, ea transit in proprium ejus patrimonium, coalescitque ipso jure cum bonis, quorum dominium ante habebat, *arg. l. cum heredes, π. de acquirend. vel amitt. possess.* Hic vides lector humanissime differentiam inter prædictum contractum, & ultimam voluntatem: aliam præterea dabo, sed quæ requirit difficiliorem sui exitum. Mandatum 7 extinguitur morte mandantis, *l. 15. C. Mandati*; Ne objicias rem hoc casu non esse integram: quia negotium horum reciprocorum testatorum videtur esse indivisibile, possetque color queri ejusmodi 8 fucocallico obductæ opinioni ex *l. 8. §. 17. π. de transact.* quia quando jura loquuntur de cognitione causæ, semper volunt, eam omnibus numeris esse absolutam: sed in casu nostro sunt duo diversi actus testandi, qui nunquam ita conjungi possunt, quin singulis testatoribus maneat voluntas illæsa de rebus suis legitime disponendi. Distinctionem 9 enim dominii, quæ originem habet à jure gentium, necessario admittere debemus; itaque etiam effectum istius separationis denegare non possumus. Sed nondum negotium nostrum peractum 10 esse videtur. Restat enim scrupulus fundatus, in *l. 12. §. fin. π. Mandati*, ibi dicitur, quod mandatum etiam post mortem effectum habere potest, cur igitur non testamentum defuncti à superstite executioni mandabitur? Solutio facilis est: argumentum hoc procedere sub illa limitatione, nisi hic voluntatem suam revocaverit, tum enim sequitur ultimi elogii prædefuncti irritatio, ob rationes prædictas; quibus addo ea quæ tradit Faber in suo

codice. *tit. de testam. lib. 6. de fin. 18. & in not ejus n. 14.*

- 11 Eadem solutio etiam valebit contra illos, qui volunt inter ejusmodi reciprocos testatores censeri initum contractum societatis; paululum tamen apparentiori ratione uti videntur, quia uxor dicitur socia mariti, in *l. 1. in pr. ꝑ. rer. amor.* item socia divinæ & humanæ domus suscepta, *l. 4. C. de crim. expil. hered.* ideoque ea in dubio præsumitur quid acquisivisse ex prædicta societate, *l. 51. ꝑ. de donat. inter vir. & uxor. Bald. in l. cum oportet. in pr. C. de bon. qua lib.*
- 12 Angel. *conf. 146. Sylv. Nevisan. lib. 4. n. 10.* Verumtamen ea societas morte unius ex sociis dissolvitur. §. 5. *Instit. de Societate.* Nec mihi objicias aliter inter putatos socios videri convenisse: quia ea conventio esset callida, si nimirum aliquis renunciaret societati ut lucrum aliquod solus haberet §. *manet. Instit. dict. tit.* ideoque supervivens non potest testamentum suum revocare, ut lucrum ex testamento mariti solus habeat, sed teneretur id saltem cum heredibus mariti communicare. Hæc sunt verba expressa, *d. §. manet.* Ratio præterea desumenda ex *l. 32. ꝑ. de reb. cred.* quam sic formo: petunia ibi mentionata à detentore erat reddenda vero domino, quia apud illum erat sine causa eadem etiam ratione lucrum prædictum heredibus defuncti est reddendum, quia apud superstitem est sine causa fictione enim juris alterum ex ejusmodi testamentis alterius contemplatione est factum; ut
- 14 tradit Faber. in suo *Cod. loc. præalleg.* Nec me movent in contrarium ea, quæ tradit Petr. Peck. de *testament. conjugum. lib. 1. cap. 43.* quæ antea capite supe-

superiore leviter attigi, & hic accuratius examinare, qua tamen potero brevitate, proposui.

Negat sane alterius conjugum institutione revocata, alteram censerī esse revocatam, sed examinemus ejus rationes, & argumenta.

Primum desumptum est ex loco ab absurdo, 15  
quasi diceret affirmativa posita : institutiones ejusmodi ex cupiditate lucri originem habere censendas esse. Verum hanc absurditatem putativam vera absurditate refellam : supervivens revocando 16  
suum testamentum favet suis successoribus, qui ejus personam repræsentant, reliquum relinquit successoribus defuncti : sic cum omnia maneant in vera æquitate, nemo sani ingenii potest dicere, hæc præjudicare mutuo amorī conjugum, quia præsumendum est hunc non obesse amorī, quo 17  
unusquisque trahi debet adversus justitiam, quæ est constans, & perpetua voluntas unicuique suum tribuendi : cum itaque omnia manent hac sententia salva in vero juris æquilibrio, hæc nullius absurditatis argui potest.

Sed pergamus: unusquisque, inquit author, præsumitur illam viam elegisse, per quam judicia sua non subvertantur. Fateor, si modo sine alterius injuria stare possint, id autem in casu nostro fieri nequit, nam superstes revocando suum testamentum, & retinere volens relictum in testamento defuncti, præjudicat ejus heredibus, facit enim ut careant successione sibi à lege debita. Dicendum igitur præsumptionē mutue dilectionis, & fidei per præsumptionem militantem pro conservacione legum 18  
quæ-

quæ, quia publicam utilitatem concernit, præfer-  
tur utilitati privatæ, ut docet Tuldenuſ in ſuo Cod.  
ad tit. de teſt. & præſumptio, quæ juri communi in-  
hæret, judicatur firmior, quam quæ inhæret juri  
ſpeciali; multo magis, ſi illud jus non nitatur ex-  
preſſa lege, ut in caſu noſtro, per ea quæ tradit  
Menoch. de præſumpt. lib. 1. quæſt. 29. n. 6. text. eſt  
egregius in l. ſi miles. 7. ff. de injuſt. rupt. vel irrit. fact.  
teſtam. quia jus commune eſt potentius, l. 34. §. 1.  
c. de militar. teſtam.

## CAP. V.

De arreſtis duobus, quibus hæc ſententia  
probari videtur.

- 1 *Transitio, & ratio cur in hoc capite mentio  
ſiat arreſtorum ante dictorum, & de eo-  
rum authoritate.*
- 2 *Legibus non exemplis eſt judicandum.*
- 3 *Minima circumſtantia mutat rem.*
- 4 *Aliud judices in judicando movet, quam  
argumenta Advocatorum: an bene, vel  
male, author non decedit.*
- 5 *Multi ſub prætextu aſſertionis pernicioſe  
errant.*
- 6 *Nihil in jure eſt liquido contrarium.*
- 7 *Doctorum traditiones fragiles ſunt.*
- 8 *Reſ judicata non omnino rejicienda:*
- 9 *Primuſ arreſtum pro irrevocabilitate te-  
ſtamenti.*



- 10 Superstes ibi videbatur approbasse testamentum & quomodo.
- 11 Ex testamento falso legata non debentur.
- 12 Ex testamento nullo debentur.
- 13 Dispositio de acquisite partem non infert additionem hereditatis, & ratio.
- 14 Apprehensio mobilium sine confectio inventarii quid arguat.
- 15 Fundamenti hujus arresti fragilitas declarata.
- 16 Secundum arrestum quas habeat rationes.

**I**N summario capitis tertii mentionem feci de arrestis, quibus hæc opinio probari posse videtur, nec in eo ea aperui, quia illud & quartum, subsequens rationibus & legibus fuit completum; ideoque ad hoc caput ea reservavi, sed antequam ad eorum examinationem progrediar, præmittam, an, & quænam auctoritas arrestis in judicando sit attribuenda.

Legibus sane, non exemplis judicandum esse 2 docemur in *l. nemo. 13. C. de sentent. & interlocut. omn. judic.* quid autem arresta aliud sunt, quam exempla, judicum sententiæ, & præjudicia, quæ non semper in omnibus, & per omnia conveniunt, nam quamvis idem videatur casus, tamen minima circumstantia latens in angulo jus mutare solet: Ratio est, quia nihil est, quod perpetuo stare possit: 3 multas enim formas novas natura edere properat, ut dicit §. 18. *l. unic. C. de vet. jur. enucleando,*

ideoque novum remedium à principe aliquando est impetrandum. Præterea facta sunt diversa, ideoq; etiã diversum jus oritur, *l. 5. §. 2. ff. ad l. Aquil.*

- 4 Sæpe etiam accidit, ut aliud quid iudices in iudicando moveat, quam id, quod à causarum patronis in iudicium deducitur: quod nescio, an bene explicare possim: neminem enim malitiose peccare est certissimum: multo velo æquitatis errores suos obtegere solent, putantes indignum esse, se hisce, vel illis legibus nisi à suis superioribus latis astringere, prætexentes in illis inveniri multa contraria. Cum tamen Imperator Justinianus asserat, nullam Codicis antinomiam aliquem locum sibi vindicare debere, *ut habetur in constit. Deo nobis. §. 8. & in constit. Dedit. §. 15. Cod. de vet. jure enucleando.*
- 6 Et revera statuendum nullam in Jure Civili demonstrari posse liquidam contradictionem, sed si quid occurrat, quod nõ bene videatur aliis cù locis convenire, demus potius aliquid justæ interpretationi; diversitati nimirum personarum, causarum, loci, temporis, stricti Juris, æquitati, juris novi corrigentis & veteris correcti, quam jura, tantis laboribus digesta, contrarietatis macula cõspurcemus.
- 7 Quidam iudices fundamenta juris flocci pendentes, ubi cruda studia protruserunt in forum, in hujus, vel illius doctoris verba jurant, auctoritate ejus moti, eique attribuentes Papalem perfectionem, ac si errare non posset; Animi mei sententiam non dicam, sed audiamus loquentem doctissimum Jurisconsultum Hottomannum *in quest. illustr. quest. 6. ubi in principio arguit pragmati-*

gmaticos imperitiæ, adolescentumque simplicitatem, qui ex illorum lacunis Juris Civilis disciplinam hauriunt: hæc sunt expressa hujus authoris 8  
verba quæ utrum vere ab eo fuerint prolata, judicet unusquisq; prout ei consultum videtur. Quamvis hæc ita sint, tamen fateri debemus, exempla rerum judicatarum, etiam in jure multum momenti habere, ut apparet *ex l. 1. §. 27. ff. ad SC. Sylaniam, & l. 6. vers. Antoninus autem Judicav. ff. de usur. l. 22. verb. Scævola Divum Marcum ff. ad Trebell.* Sed 9  
non lubet ulterius judicandi munus exagitare; Pergendum itaque est ad examinationem duorum arrestorum Louëti, & videndum, quomodo hæc irrevocabilitas testamentorum facta, testata per ea remanere possit. Primum judicatum fuit in Parlamento Pariensi 5 April. 1583. pro irrevocabilitate testamenti reciproci, ibidem relati, cum dono mutuo de omnibus constante matrimonio acquisitis, & mobilibus, ut supervivens ea haberet, tanquam propria, & domini jure.

Ratio irrevocabilitatis fundata fuit in genere, 10  
quia superstes approbaverat testamentum prædefuncti. Postea in dicto arresto assignatur specialis ratio; quia disposuit de parte acquisite prædictorum, & apprehendit mobilia sine confectione inventarii. Hæc sane sententiæ meæ nullo modo possunt præjudicare. Distinguendum enim, quatenus illa approbatio testamenti facta fuit: vel quia aliquis dixit illud non esse falsum, vel inofficiosum: vel quia dixit minus solemne. Primo casu 11  
jura docent legatum quidem non deberi, quia per falsita-

falsitatem, & inofficiositatem corrumpit totum testamentum, & quia de jure veteri legata ita connexa erant ei, ut inseparabilia viderentur: ideo sublato uno tollebatur & aliud, *arg. l. 29. ff. qui testam. fa-*

12 *cere.* Secundo casu non fiebat amissio legati, *l. 24. ff. de his, qua. ut indignis*: Hæc sane parum ad confirmationem prædicti arresti faciunt. Hactenus merito nobis licet non intelligere, cur ob dictas causas ultimum elogium superviventis non potue-

13 rit revocare prius mutuum testamentum. Neque rationes subsequentes multum ad casum nostrum faciunt; dispositio enim de acquirentium parte non infert aditionem hæreditatis, quia hæc non est tam facti, quam animi, *text. est in l. pro herede. 20. & in l. 88. ff. de acquirend. vel amittend. hereditate.* Nisi itaque dicti iudices habuerint meliores rationes, quibus arrestum hoc nixum fuit, non video,

14 quomodo ab errore se potuerint excusare. Apprehensio mobilium sine confectioe Inventarii nihil aliud arguit, quam causam quandam, in qua jus  
15 proprietatis fuit positum: Præterea animadvertendum, quam fragile, & fluxum sit fundamentum, quo nititur hoc præjudicium: cum ab eo fuerit petita revisio, inventaque tanta inter dictos dominos opinionum contrarietas, ut lis hæc transactione fuerit sopita.

16 Secundum arrestum dicti authoris easdem habet rationes, & præterea favorem liberorum; unde oriri posset hæc quæstio, utrum mutuum testamentum existentibus liberis sit revocabile. Sed de ea capite sequenti longe lateque dicemus.

## C A P. VI.

An testamentum reciprocum exstantibus  
liberis sit revocabile.

- 1 *Magnus favor testamentorum inter parentes & liberos.*
- 2 *Continent divisionem hereditatis.*
- 3 *Hereditas inter virum & uxorem pacto non transfertur, & ratio.*
- 4 *Parentes non ita praesumuntur amare liberos, ut juri suo in immorigeros castigandos intelligantur renunciasse.*
- 5 *l. 7 de bonis damnator: limitativa interpretatio.*
- 6 *Quomodo intelligendum sit: filios vivente patre quodammodo dominos esse bonorum paternorum.*
- 7 *Parentes possunt filios legitima privare certo casu.*
- 8 *Alimenta non requirunt magnam bonorum quantitatem.*
- 9 *Ius naturale quatenus est immutabile.*
- 10 *Interpretatio restrictiva l. fin. C. de impuber. & al. substituit.*
- 11 *Solutio ad tradita à Guilhelmo Benedicto.*

**M** Agnum in jure favorem habere testamentum inter parentes & liberos respectu solemni-

Iemnitatum, nemo qui sacra Deæ nostræ Themidis exosculatus est ignorat.

- 2 Id non tam heredis Institutionem, quam divisionem hereditatis continet, *arg. l. 14. in pr. C. fam. l. errisse.* ergo qualiscunque est servanda *per text. in l. fin. C. eod. tit.* imo pacto hereditatem ad liberos transire vult Guilhelm. Benedict. *ad cap. Raymit. in verb. duas habens filias. n. 200. per l. 5. C. de pact. convent. tam super dot. contra. l. fin. C. de pactis.* Imo ejusmodi pactum valere inter virum & uxorem irrevocabiliter vult idem author *dict. loc.* Veruntamen ego, pace tanti viri, contrarium tene-rem; Ratio est, quia parentes non coguntur liberis absolute totam hereditatem; sed poterant de jure digestorū eis quartam relinquere *per l. 8. §. 8. ff. de inoffic. test.* quam eis relinquunt ex vi electionis quam habent; quæ tota est voluntaria, neque aliam legem habet, quam ipsa sibi constituit. Hanc quartam jure Novellarum in trientem vel semissem mutatam esse nemo ignorat. In parentibus plane debiti ratio, & liberalitas concurrit, *l. ult. vers. utramque C. de dot. promissione.* Avus dicitur posse jure suo uti, nepotemque exheredare, *text. in l. 3. §. 5. ff. de bonor. possess. cont. tab.*
- 4 Nihil refert, quod parentes præsumuntur amare filios, *t. isti quidem. §. fin. ff. quod metus causa,* & quod verba hæc cum effectu sunt accipienda, *l. 1. §. 2. ff. quod quisque Iuris in alium statu, & l. 5. §. 2. ff. ne quis eum qui in jus vocat:* unde videtur inferendum, quod eis de necessitate debeatur hereditas parentum. Sed respondeo filios non ita præsu-

præsumi amare parentes, *§. fin. Inst. de Noxal. action.* ratio est, quia plus perseverantia invenitur in patre, quam in filio, *gl. in. d. l. isti quidem.* qui si probetur improbe se gessisse adversus illum, cur non eo casu parens jure suo uti posset *per text. in d. l. 3. §. 5.* Præsumptio enim hæc dilectionis parentum est præsumptio juris, quæ admittit probationem in contrarium *l. generaliter. C. de non numer. pec.* quam filius immorigerum se gerendo edidit. Hisce non refragatur *l. 7. ff. de bonis damnatorum*, ubi dicitur, naturalem rationem liberis parentum bona addicere: Illa enim lex est intelligenda secundum quid, non simpliciter, ac si diceret; contra naturam esse, bona parentum ob horum delictum liberis à fisco auferri; Nec refert, rationem hanc sub verbis generalibus conceptam esse: quia illa generalitas non extenditur ultra casum habilem: subiecta materia hujus tituli est publicatio bonorum, ideoque ea ad id est limitanda.

Hæc interpretatio mea justificatur per rationem subsequente[m]; Ne inquit alieno admisso gravio[re]m pœnam luerent, quos nulla contingit culpa, ad egestatem nonnunquam deveniendo. Ne dixeris extra hunc casum filios familias vivente patre quodammodo dominos esse bonorum parentum; Item eos post mortem patris non dici hereditatem percipere, sed liberam bonorum administrationem consequi, *l. 11. ff. de lib. & posth.* quia hæc lex continet jus vetus: suorum enim appellatio venit ex *l. 12. Tabularum Continuatio* hæc domini, de quo text loquitur cōsistit in juris nudo; & puro

& puro intellectu, ut tradit glossa ad hanc legem, *verb. quodammodo*, nec est certa & immutabilis, ut apparet ex dicta lege, in verbis finalibus. Nec obstat. Atqui magnus est favor dispositionis parentum, qui in odium retorqueretur, *contr. l. quod favore π. de legibus*. si tam facile parentibus revocationem jura permittant; Non sane, quia parentes suo jure utuntur, quod habent in personas filiorum, & bona propria, ideoque eos odium incurere dici non potest.

- 7 Imo quod magis est, possunt filios legitima privare, si nimirum pater omnia sua bona vendat, ut post mortem fiat traditio, & probari possit pretium revera patri fuisse numeratum: Ratio est, quia legitima dicitur deducto prius ære alieno.

Ne objicias parentum bona liberis alimentorum loco cedere, & quod necari videantur, quibus alimenta denegantur, *l. necare π. de agnoscend. vel aliend. liberis*, quia alimenta sunt, quæ dantur ad sustentationem vitæ tantum, nec opus est ut tanta sit eorum quantitas. hanc parentes ob justas causas minuere possunt. Nec refert, quod eorum præstatio est juris naturalis, quod est immutabile, §. *pen. Inst. de jur. natur. gent. & civili*, quia principia, Theses, ac regulæ juris naturalis mutari non possunt contrariis regulis; verum in hypothesei ab eo recedi posse dubium non est: quomodo enim aliter constitueretur jus civile, quod à tenore ejus defleat ob certas causas.

- 10 Ne objicias patrem & filium in jure haberi pro una eademque persona, *text. est in l. fin. C. de impuber.*



*ber. & aliis substituit.* Quia id verum est in substitutione pupillari. Nam pater hoc modo filio testamentum facere dicitur. *l. 2. in princ. & notabiliter §. 2. π. de vulg. pupillari substit.* Non autem eo casu, quo controvertitur, utrum illud in præjudicium liberorum revocari possit. Tandem non in à sententia hâc dimovere queunt tradita à Guilhelmo. Benedict. *ad cap. Raynut. n. 200. extra de Testamentis: verb. duas habens*, quia loquitur secundum mores Patriæ suæ, quos extendendos non esse antea dixi, & probavi, lectoremque eo brevitatibus causa remitto. Nec est quod tantopere laudet illam consuetudinem, qua vir & uxor reciproce pacto irrevocabiliter transmittant hereditatem, dicens eam fulgere summa æquitate respectu liberorum, quia tendit in præjudicium autoritatis, & respectus parentum, qui quoniam procedit ex jure naturali, cum consuetudo prædicta oriatur ex jure speciali, civili nimirum, major est æquitas in illo quam in hoc, per ea quæ tradit Alciatus, *de præsumptionibus, præsumpt. 36. in princ.*

## C A P. VII.

**Utrum testamentum conjugum in ea Brabantia parte, ubi obtinet jus devolutionis, revocari possit.**

*1 Testamentum conjugum in Brabantia, ubi urget jus devolutionis, revocari potest, & ratio.*

C

2 Con.

- 2 Coniuges constante matrimonio possunt testamentum mutare in præjudicium devolutionis.
- 3 Hoc ius habet formā clausule derogatoriæ.
- 4 Ius devolutionis per modum consuetudinis introductum est ideo tacita ejus renunciatio sufficit.
- 6 Ius hoc est successionis anticipatio.
- 7 Induit naturam successionis legitimæ, & quare.
- 8 Ius proprietates pendet in aëre, secundum quorundam opinionem.
- 9 Proprietas cum plenario effectu transferatur secundum alios.
- 10 Fideicommissum adjectum testamento conjugum potest à supervivente, non obstante devolutione, revocari, & quare.
- 13 Influxio juris devolutionis in testamentum secundum à Dekero inventa, reprehenditur.
- 14 Pacta Gentilitia in usu sunt inter Germaniæ magnates.
- 15 Fideicommissa perpetua pro conservatione familiarum introduci possunt.
- 16 Ratio cur influxio illa fieri nequit.

**A**Ntequam huic materiæ revocationis mutui conjugum Testamenti valedicam, examinanda est hæc quæstio loco Thematis proposita.

Affir-

**A**ffirmativam tenebo motus ratione sequenti, quia hoc jus affectat certos gradus personarum descendendum, nempe liberorum ejus ad quos post mortem unius ex conjugibus bonorum utriusque proprietas ad liberos transit, remanente superseliti usufructu bonorum præmortui, quem hæreditarium Practici Brabantici appellant, quia ad eum vi successionis consuetudinarię fingitur pervenisse.

Si itaque hic quæstio oriatur de revocatione, 2 distinguendum videtur, aut constante matrimonio conjuges testamentum faciunt, aut eo soluto supervivens testamentum suum mutare vult. Primo casu affirmativa est tenenda, ratio est, quia proprietas eorum adhuc erat penes parentes, cur itaque non licet ipsis de bonis suis pro libitu disponere. Secundo casu frustra dicta quæstio proponitur, quia supervivens non potest de suis bonis disponere, ergo non potest dispositum revocare. Non enim id præstat impedimentum quod de jure non sortitur effectum. Sed quomodo testamentum hoc fit in præjudicium juris devolutionis? respondeo, moribus patriæ nostræ conjuges sibi invicem, uter eorum supervixerit, solent potestatem dare de mutuis bonis disponendi, & tum id facere possunt, nec tenentur æquales partes liberis assignare, alioquin enim inutile hoc privilegium foret, si præcise portionem legitimam sequi parentes tenerentur. Nec obstat eos præsumi liberos ex æquo diligere, quia ea præsumptio enervari potest per rationes supra dictas, quas hic non repetam, ne lectori crambem bis coctam offeram.

Secundo principaliter quæro, an in testamento secundo revocante primum requiratur, ut expresse annihiletur jus devolutionis, vel an tacita derogatio istius sufficiat. Prior sententia ponderanda.

3 secunda itidem examinanda. Qui illam tenere vellet, deberet dicere hoc jus induere naturam clausulæ derogatoriæ, & tum per secundam voluntatem non posset fieri mutatio prioris sine expressa revocatione istius juris. *Præf. in loc. ab express. ad tacit. n. 12. cum aliis ab eo alleg.* Sed hoc non bene, & Juridice potest dici: ratio est, quia prædictum jus per modum consuetudinis in certa loca Brabantix introductum est; Ea autem inducitur tacito populi consensu, ut est juris notorii; eodem igitur modo potest mutari. *arg. l. secundum naturam. x. de R. I.*

Quæ variatio cum fieri possit per tacitam legem, cur idem non erit dicendum de tacita dispositione testatoris, bona enim est argumentatio à lege ad ultimam voluntatem, quia parificantur per ea, quæ tradit *Præf. in d. loco.* Præcipue quando inter hanc, & illam est eadem causa finalis, nimirum utilitas

6 privata, ut in casu nostro. Adde jus devolutionis esse anticipationem successionis parentum, *ut tradit. Kinschotius in responsis.*

7 Cum itaque illud hodie non amplius ut consuetudo transeat, sed in locis Brabantix, ubi viget, in scripturam redactum sit, necessario concludendum est, id induere naturam successionis legitimæ, quæ per solam dispositionem testatoris in contrarium tendentem tolli potest.

8 Tertio principaliter quæro, quid si unus ex conjugibus

jugibus post bona devoluta testamentum suum revocasset, & postea liberi præmorerentur, an tum revocatio illa ex post facto reconvalesceret? affirmatur. Ratio est, quia illi sunt persona, quæ dat locum huic privilegio, quia autem præsupponitur hanc cessare, ideoque etiam beneficium hoc cessare est dicendum, text. est rotundus. *in l. 68. §. de Reg. Juris.* Præcipue quando ea est causa impulsiva privilegii, *arg. l. Pactum ejus ff. de hered. inst.*

Sed major est difficultas, si liberi post factum testamentum ex suo matrimonio suscepissent liberos, qui superventium essent nepotes, & filii morerentur ante testatorem, utrum tum hereditas rediret ad parentes, vel descenderet ad nepotes: anceps quæstio est, quia secundum illos qui dicunt jus proprietatis, ex jure devolutionis causatum, esse in pendentem, prima opinio prævaleret, quia ejusmodi actus æquivaleret actui conditionali, cujus existentia dependet à purificatione conditionis, & sic bona illa redirent ad parentes, quia illa fuit primæva eorum natura. Secundum alios, qui dicunt, jus illud proprietatem cum plenario effectu transnittere ad filios, secunda sententia est amplectenda, bonaque ad descendentes pervenirent, quia jure illo morte unius ex conjugibus statim omnia jura, etiam sine ullo facto filiorum, ad eos transeunt. *arg. l. cum heredes, de acquirend. vel amittend. possess.*

Quarto, & ultimo quæritur, quid si duo conjuges testamento facto adjecissent ei onus fideicommissi in præjudicium filiorum, an tum supervivens

in bonis suis posset illud per secundum testamentum adimere. Respondeo affirmative, quia etiam  
 10 per actus contrarios juri civili licet filiorum conditionem meliorem facere. *arg. §. 1. verb. namque placuit Instit. de auctor. tut. item arg. l. si à furioso. 12. vers. nam ex quibus causis ignorantibus ꝑ. de rebus creditis.*

Præterea clausula hæc fideicommissaria est accessoria, potestque à testamento separari; talia autem accidentia non sequuntur naturam sui principalis, *text. est elegans in l. 9. §. 4. ꝑ. de usufr. qua limitat. l. 2. ꝑ. de pecul. leg. Item l. 25. 68. ꝑ. Aedilit. edict.* Præcipue quia ea est odiosa.

- 13 Non me à veritate prædicta dimovent ea, quæ tradit Decker. *dissert. 1. lib. 1. sub. n. 5.* Dicens, testamentum factum secundum jus consuetudinarium ita influere in ipsam dispositionem, ut ea quæ dispositioni propria erat cum devolutione communicaverit. quia ibi loquitur de casu particulari nimirum de testamento mutuo facto inter Ducem Aerschottanum, & dominam Johannam de Halewyn, quæstioque erat de Ducatu Aerschottano, ex genuina & naturali familia evocando; contra leges, & pacta gentilitia in ejusmodi familiis observari solita. • Ea inter Magnates Germaniæ passim in usu esse testatur Gail. *lib. 2. observat. 127. & passim feudista ad cap. filii nati. si de feud. controversia.* fideicommissa quoque perpetua intuitu conservationis harum familiarum tolerantur, ut tradit Grot. *de jure bell. & pac. cap. 7. num. 27.* imo fideicommissum conservandæ agnationis causa dici-
- 14
- 15

dicatur esse favorabile per ea quæ tradit *Mamic. de conjectur. ult. voluntat. tit. 1. num. 44.* Hisce rite examinatis dicendum est hunc authorem referre casum aliquem privilegiatū ex quo resultat jus aliquod speciale, quod ad exemplum trahendum non est, *text. est l. 1. §. 2. π. de Const. Princ.* alio sane modo ejus effata excusari nequeunt: ille tamen vult hic loqui generaliter, & efficit certam aliquam influxionem unius Juris in aliud. Credo eam in cerebro ejus instar fungi una nocte esse natam, ante eum enim, nemo, quem legi, hujus juris mentionem fecit, fideicommissum enim, & jus devolutionis differunt forma, quomodo igitur duæ formæ, & quidem diversæ in uno, & eodem subjecto diverti poterunt. Ne dixeris illud esse accidens, huic sub- 16  
jecto agglutinatum, quia prædictus Deckerus non recenset jura per quæ ea conjunctio, siue confarctio fieri potest. Sed quid si allegaret consuetudinem, respondeo, quod ei, ut pote singulari doctori, non esset credendum per ea quæ tradit *Mynsing. cent. 6. observ. 68. n. 3.* Sed hanc opinionem, utpote Juri civili contrariam, neque moribus patriæ stabilitam rejiciamus.

## C A P. VIII.

Utrum Testamentum ad pias causas sit mutabile.

- 1 *Testamentum ad pias causas est mutabile, pia causa est favorabilis.*
- 2 *Pia causa præfertur liberis.*

C 4

2 Non

- 3 *Non valet, ubi deficit voluntas testatoris, exemplum pro illucidatione regula.*
- 4 *Explicatio Barth. ad l. 1. C. de sacrosanct. eccles.*
- 5 *Relictum pro elemosyna non revocatur.*
- 6 *Voluntas testatoris habens conditionem illicitam in meliorem potest converti.*
- 7 *Iura adversantur destructioni actuum.*
- 8 *Alimenta equiparantur pia causa.*
- 9 *Relictio alimentorum improprie dicitur esse mutabilis.*
- 10 *Alimenta non sunt praestanda quando pupillus se alere potest.*
- 11 *In Iure civili vel Canonico contrarium non invenitur decisum.*
- 12 *Relicta ad pias causas apud pontifices irrevocabilia esse, ob eorum conscientiam.*
- 13 *Filius familias ne quidem potest testari ad pias causas de bonis adventitiis in quibus patri ususfructus non acquiritur.*
- 14 *Objectio, hos authores loqui de jure communi.*
- 15 *Bartholi verba disjunctive sunt intelligenda.*

**H** Actenus diximus de certis personis efficientibus, & objectis, circa quas testamentum versatur, probavimusque eas, eaque revocationem



nem eorum impedire non posse, jam examinandum est an non id posset continere materiam favorabilem, nimirum rem, ad piam causam relictam, quæ à mutabilitate id vindicare posset. Ad-  
 huc sane in negativa persistam; nam quamvis Jurisconsulti piam causam esse admodum favorabilem dicant, & Tiraquellus centum & sexaginta septem privilegia ejus referat, tamen in *d. Tract. de privileg. pia Causa. privileg. 52.* non negat, quod testamentum solemne secundum primum æquè solemne, in quo extranei sunt vocati, non possit revocare. Videtur tamen esse in ea opinione, quod 2  
 pia causa præfertur liberis, quia liberi habent legitimam, extra eam enim prædicta conclusio non procederet. Imo relictum hoc non valet, ubi de- 3  
 ficit voluntas Testatoris, puta si filius, quem se habere quis ignoravit, vel posthumus sit præteritus *arg. l. si unquam. C. de revocand. donation.* bonaque est argumentatio Bartholi *ad l. 1. C. de sacros. Eccles. n. 59.* si donatio perfecta inter vivos in causum 4  
 liberorum postea existentium revocari possit, quæ tamen vix mutabilis est, ut est juris notorii, multo igitur magis relictum variari poterit: Ne objicias ante allegata, quia locum hunc Bartholi perlegenti, commodumque sensum ex eo construenti, apparebit hanc esse ejus mentem testamentum prædictum non irritari, ubi filio aliquid relictum fuerit, per ea quæ ipse tradit. *d. loc. n. 62* secus si nihil habeat: illo igitur casu id multo magis revocari potest; Hoc tamen singulariter limita, si aliquid particulare relictum sit pro elemosyna, tum enim

id nullo modo revocari potest *Barth. in l. privilegia. C. de sacros. Eccles. in pr.*

5 Ne objicias, quod Episcopus non potest mutare relicta ad pios usus *Clement. quia contingit. de relig. dominus*, quia ibi loquitur de bonis datis in elemosynam, & alimentum pauperum, dicens Episcopum ea in alium usum convertere non posse.

6 Nec ea, quæ tradit Barthol. *ad l. legatum Civitatis. 16. π. de usufr. legat.* Quia ibi voluntas testatoris habebat conditionem illicitam, tum enim ne illa fiat caduca, dicit text. quod in alium usum licitum potius converti debet. Præterea ex verbis textus inferitur voluntatem prædictam male executioni fuisse mandatam, debuit igitur corrigi illud in quo peccatum erat, Jura enim adversantur destructioni actuum, antea à me ad longum allegata.

7 Eadem responsionis fidelia dealbandum est quod tradit Barth. *ad l. legatum. π. de administ. rer. ad civitat.*

8 Non est negandum alimenta in Jure nostro æquiparari piæ causæ. videatur. *Everard. in loc. ab aliment. ad piam causam. per totum*, ea autem præstanda esse irrevocabiliter certissimum est, ergo relicta ad pias causas sunt eodem jure censenda, sed respondeo relictionem alimentorum in primo testamento factam per secundum improprie dici irrevocabilem esse, quia alimenta debentur jure naturæ. *Inst. de jur. nat. civ. & gent. in princ.* provisio autem hominis hic mentionata tantum confirmat prædictum jus, *arg. l. fin. C. de pact. convent. tam super. dos.* conformabitque itaque hoc se illi, aliment-

alimentaque relicta tam diu præstari debebunt, I  
quam pupillas se alere non potest. l. 5. §. 19. in fin.  
\*. de agnoscend. & alend. liberis. secundum quid igitur,  
& non absolute alimenta & pia causa comparatur,  
neq; semper ab uno casu ad alium argumentatio firma est. Pro irrevocabilitate relictorum II  
ad pias causas quoque facit illud, quod in toto jure civili vel canonico contrarium non invenitur esse  
decisum, nimirum ea irrevocabilia esse teste Jason.  
ad l. sancimus C. de testamentis. Standum itaque  
erit Regulæ l. nam quod liquido §. fin. ff. de pen. legat.  
& text. in l. quasit. §. denique in fin. \*. de fundo instr.  
ubi enim lex non distinguit, nec nos distinguere  
debemus. l. 10. & ibid. gl. ff. de public. act.

Neque obstat esse qui dicunt relicta ad pias 12  
causas irrevocabilia esse, quos citat Ias. ad d. l. sancimus  
C. de testam. limitat. 3. n. 15. Quia illi loquuntur  
in casum conscientie, & ad avertendam flammam  
purgatorii, natibus enim suis admodum verentur:  
sed nobis, quibus sanior mens est ejusmodi inneptiis  
refellendis inhære non vacat. O utinam illi verum  
refrigerium præferrent huic ficto. Sanguinem nimirum  
servatoris Nostri Jesu Christi: tum enim illi ejusmodi  
dona in Helluones presbyteros erogare desinerent,  
seque sempiternis ærumnis expedirent.

Sed quid dicemus de filiofamilias, qui testamentum  
fecit de bonis adventitiis ad pias causas, an ejusmodi  
testamentum per secundum revocari poterit.

Respondet primum non valere, id. c. que revo- 13  
catione

catione non egere, *text. est in c. licet. de sepultur. n. 6.* in verbis *tamen pro anima*, quæ sunt tam clara, ut iis non possit contradici, adde ea quæ tradit Philippus Francus ad sextum *Decretal. ad rubr. de testam. n. 46. & 47.* qui dicit filium fam. indistincte sine patris consensu testari non posse ad pias causas, sive ususfructus patri in iis acquiratur, sive non.

- 14 Nec objici poterit hos authores loqui in eo casu, quando filius testatur jure communi, nec tamen inde sequi hunc virtute privilegii piæ causæ testari non posse: Hanc opinionem videtur tenere Barth. in l. *qui in potestate n. 2. ff. de testamentis allegans l. fin. in §. 5. vers. filius à familias C. de bonis quæ liber.* verum hæc lex neutiquam ejus opinionem justificat, verba enim *sine voluntate* non sunt referenda ad priora, nimirum ad testamenti factionem, ut Bartholus videtur fecisse, & hinc ex prava legis interpretatione hunc errorem natum esse suspicor, sed disjunctive sunt intelligenda, & posterioribus verbis adaptanda, idem itaque est, ac si sic loqueretur textus: filius-familias non potest testari parentibus viventibus de iis quorum ususfructus est apud eos, nec sine voluntate parentum ea poterit alienare. Hæc ultima verba sunt præcipuum subjectum hujus versus, superiora autem de testamenti factione tantum enunciative, aut non tam arcte dispositive sunt prolata, nam ratio quæ subjungitur in fine §. tantum ad verba posteriora accommodari potest, & sic est strictior lege, ideoque lex ad eam est restringenda per dictum textum, & famosissimam illam legem. *adigere. §. 2. n. de Iure Patronatus.*

## C A P. IX.

De variis testamenti accidentibus, & primum de testamento jurato, an id revocari possit.

- 1 Testamentum juratum est revocabile, & ratio.
- 2 Per iuramentum testamenti libertas magis constringitur, quam sine eo.
- 3 Iuramentum est accessorium testamento.
- 4 Explicatio l. 11. §. 2. ff. de jurejur.
- 5 Obiectio l. si quis major C. de transact. & solutio.
- 6 Restitutio in integrum adversus transactionem fundata est in jure singulari.
- 7 Testamentum juratum comparatur sententia arbitri cui standum.
- 8 Differentia inter hanc & illud.
- 9 Testamentum consistit in voluntate unius singulis momentis mutabili.
- 10 Authentica sacramenta puberum restrictiva interpretatio.
- 11 Iuramentum quod stat per se est immutabile.
- 12 Iuramentum est servandum.
- 13 Capit si vero aliquis extra de jurejurando. nihil decidit, sed tantum consilium dat.
- 14 Admi-

- 14 *Administratio prodigo data censetur ei per errorem esse data.*
- 15 *Prodigus debet declarari talis per sententiam judicis respectu contrahentium cum eo, non respectu ipsius prodigi.*
- 16 *Prodigus extrajudicialiter privari potest administratione, & judicialiter.*
- 17 *Objicitur. l. cum pater §. filius matrem.*
- 18 *Responsio, distinguendo testamenti irrevocabilitatem.*
- 19 *Author non est sibi ipsi contrarius, & quare, distinguendo secundum diversos considerandi modos.*
- 20 *Exempla desumpta ex duabus legibus.*

**F**inis impositus est examinationi objecti efficientis, heredis institutionis, aliquando simplicis, aliquando reciprocae: diximus etiam de materia testamenti, pia causa, probavimusque ad juris sufficientiam, ut spero, nulli horum in jure tantum efficaciae attributum esse, ut adversus regulam generalem: ambulatoriam esse hominum voluntatem, insurgere, ejusque veritatis de scintillam quidem demere possit.

- 1 Jam continuemus examinare, utrum testamentum primum juratum, per secundum, non obstante juramento sit revocabile: In affirmativa persisto, ratio est, quia nemo potest sibi illam legem dicere,
- 2 à qua recedere non licet; cum autem per juramentum magis libertas testandi constringatur, quam  
sine

sine eo, necessario concludendum est per id tanto magis à jure deviari, ergo infallibiliter sequitur, id non solum nullum robur actui testandi addere posse, sed etiam eum annihilare, cum illud sit contra leges, ideoque perinde haberi debet ac si testamento additum non esset, cum itaque magno in periculo versetur primum testamentum, ob prædictam clausulam, satis apparet sine ulteriori illatione, quid de ejus virtute revocatoria respectu tabularum posteriorum sit tenendum. Præterea illud tantum est accessorium testamento, ideoque principali pereunte, id quoque corrui- *arg. l. fin. C. de non numer. pecun.*

Hic textus ordinarie ab Authoribus allegatur, sed meo judicio melior est in *l. 11. §. 2. ff. de jurejurando*. Item in *l. 30. §. 1. ff. eod. tit.* Ex ea figuro hunc casum, si quis juraverit Stichum aliquem mihi dare debere, si is postea defuerit esse in rerum natura, nihil ex juramento peti potest, nequidem æstimatione. Juramentum quoque fieri posse super hereditate docet text. *d. l. 11. §. 3.* Sed ne objicias *l. si quis major. C. de transact.* ubi dicitur, eum, qui contravenit transactioni juratæ, non solum actione privari sed etiam notari infamia, quia ibi juramentum accedit actui difficulter mutabili, transactio enim habet vim juramenti, supple præstiti, text. in *l. 2. ff. de jurejur.* item rei judicatæ *l. 20. Cod. de transact.*

Nec refert secundum quosdam restitutionem in integrum dari adversus transactionem: Ergo cum hæc mutari potest, etiam sequetur juramentum mutari posse, & sic hæc videbuntur esse contra solutionem

lutionem supra datam: sed respondeo eam non fundatam esse in communi juris ordine, sed in jure singulari, quæ distinctio probatur exemplo sequenti: communis juris ordo dicitur pacta esse servanda, singulare ab iis restituit minores, feminas, & alios in jure notos. sic etiam communis juris ordo dicitur non contraveniri debere juratæ transactioni, singulare restituit quasdam personas, ultra dimidium justii pretii læsas, *Pinell. de rescind. venditione part. 1. l. 2. n. 12.* Sed vix hæc quæstio casui nostro intermisceri potest, nisi præsupponamus in testamento revocato ad securitatem relictæ eam juramento confirmatam intercessisse.

- 7 Secundo ne objicias *l. 4. C. de recept. arbit.* ibi dicitur, partes literis manifestantes, & se juramento obligantes, ut arbitri sententiæ sint staturæ, omni modo debere definitionem arbitri immutatam servare: ergo videtur etiam simili ratione testamentum juratum servandum esse quia magna sane est dissimilitudo inter sententiam arbitri & testamentum, illi enim non erant arbitratores i.e. amiables compositores, sed arbitri Juris, quibus litigatores ad judiciorum moras, & incommoda declinanda controversiam dejudicandam credebant. *l. 32. §. 15. ff. de recept. arb.* in eosque ita compromittebant, ut quicquid statuerent pro judicato haberetur. *l. 27. §. stat. eod. n. eod. tit.* Ex sententia ejusmodi condemnatoria oriri actionem dicit, & recte: quia consensum fuit in judicem, arbitria enim tunc redacta erant ad instar judiciorum *per. l. 1. ff. eod. tit.* qui consensus inducit quasi contractum,



Etum, nec licet ab ea re non amplius integra disce-  
dere. *arg. l. si convenier. x. de iurisd.* sed quid hæc com- 9  
mune habent cum testamento, quod consistit in  
unius voluntate, quæ quolibet momento mutari  
potest, ut antea probatum, cum prædictus quasi  
contractus per sententiam confirmatus firmus sit,  
& immutabilis, saltem ita, ut actionem producat.  
Eadem solutione utar ad Authenticam *sacramen-*  
*ta Puberum. C. si adversus venditionem.* Illa enim tan-  
tum locum habet in casibus, ubi ultro citroque 10  
nascitur obligatio, ut tradit glossa *hoc loc. in verb.*  
*contractibus*, item in donatione, quia & hæc aliquan-  
do contractus dicitur. *text. in l. 7. C. de his qua vi*  
*vel metus causa.*

Non etiam pro irrevocabilitate testamenti ju- 11  
rati facit *l. 11. §. 3. x. de jur. jurand.* ubi dicitur,  
quod illud quod juratum est perinde haberi debet  
ac si probatum esset. nec *l. 1. 2. & 5. ff. eod. tit.* ra-  
tio est; quia iuramentum in hisce casibus stat per  
se, & suis viribus. Est enim forma actus, nec con-  
tractui, aut alicui actui adjungitur, ideoque dat  
esse rei verum, & immutabile. *l. 4. C. de sentent. &*  
*interlocut.* item *l. 1. §. si quis ita x. de v. oblig.*

Ne instes contra hanc solutionem per *cap. si ve-* 12  
*ro aliquis. Extrav. de jurejur.* ubi dicitur iuramentum  
esse servandum qui textus loquitur in fortioribus  
terminis, nam ibi iuramentum metu contractum  
erat, & tamen Pontifex dicebat, contra illud iri  
non posse, sed absolutio dabatur à iuramento, mul-  
to magis servari debet sponte inhitum: Nam quam-  
vis verum sit, verba generalia generaliter esse in-

D

telli-

- telligenda. *l. 23. π. de servit. pradior. rustic. item arg. l. de pretio. ff. de public. action.* neque in illo jure alia est exceptio, nisi tendat in dispendium salutis æternæ, quæ in casu nostro non invenitur, ideoq; in aliis casibus confirmet regulam, per jura antea allegata; attamen solutio expeditissima est, hoc enim capitulum nullam habet decisionem, sed consilii causa omnia sunt prolata, & qui comparare vult illud cum §. 3. *Inst. de pupill. substit.* inveniet meam solutionem verissimam esse. Adde ultimum argumentum pro contraria opinione allegatum, prodigum administrationem sibi datam juramento, & postea ablatam, recuperare non posse, hinc forte, quidam delirio argumentabitur testamentum juratum non revocari, sed respondeo nunquam administrationem, vere prodigum habuisse. *arg. l. 5. π. de Reg. jur.* ideoque frustra quæri de recuperatione, quicquid enim ipsi datum est, per errorem datum fuisse est censendum.
- 15 Nec me movet in contrarium esse quosdam, qui defendunt prodigum ipso jure non esse, sed sententiam judicis expectari, ut talis declaretur: nam illi disputationi locus est, quando incertum est, utrum quis sit dissipator bonorum suorum, & obtinet respectu contrahentium cum eo, ne contra bonam fidem decipiantur, non autem respectu ipsius Prodigii, nam ab eo tempore, quo ei adempta est administratio patet ejus indoles, & status hominis æque patet per factum extrajudiciale quam per sententiam. *arg. Inst. de ingen. in pr. juncta l. 25. π. de statu hominum.*

Præterea quomodo hæc ad casum nostrum ap- 16  
plicari possunt, si enim prodigus extrajudicialiter  
privetur administratione isque acquiescat, videtur  
confiteri se ea indignum esse, si per sententiam,  
quæ transivit in rem judicatam ei standum, quia  
pro veritate habetur. *d. l. 25.* similes actus non fa-  
cile mutabiles esse unusquisque novit, testamenti  
factio autem cujus sit naturæ ad nauseam dixi.

Uterius ne objicias *l. cum pater. 77. §. filius ma- 17*  
*trem. π. de leg. 2.* Hinc argumentantur Interpretes  
juramentum testamento additum habere vim  
specificationis; ideoque eam generi derogare de-  
bere. *arg. l. in toto jure. π. de R. l.* Possent itaque di-  
cere, præsupponatur in genere testamenta multa  
esse mutabilia, attamen in hoc saltem casu speciali  
contrarium obtinere debere.

Responsio est facillima, dicendum enim est te- 18  
stamentum simplex respectu heredis esse irrevoca-  
bile; is enim necessario præstare tenetur ea quæ  
testator voluit dari, siue sint legata, fideicommissa,  
vel quid aliud; si itaque juramentum accedat ne-  
cessario id quoque immutabile esse dici debet *per*  
*d. l. fin. C. de non num. pec.* Ne objicias me mihi con- 19  
trarium esse, in superioribus enim capitibus mor-  
dicus defendi omnia testamenta mutabilia esse,  
nunc Protheum agere videor; & in varias me mu-  
tare formas, dicent forte ejusmodi jurisperitum  
ex chameleontis genere esse; sed cesset admiratio,  
in jure est modus quidam solvendi antinomias, qui  
desumitur à diverso considerandi modo, hujus di-  
stinctionis rationem dedi supra, addam pro fun-

damento ejus duas leges, prima est l. 7. §. 3. π. de obsequiis parent. & patron. praestandis. cum l. 34. §. 4. π. de jur. jurand. si enim considerem obsequia, & ea quæ ad obsequia pertinent, patri non potest deferri juramentum de calumnia, si autem considerem rem aliquam extra causam obsequii, procedit l. 34. §. 4. ratio est, quia obsequium liberorum erga parentes est juris naturalis, cui maxime contraveniret juramentum ipsis deferri debere.

## C A P. X.

De Clausula derogatoria, item Clausula cassante & irritante, item de Clausula omni meliori modo.

- 1 Transitio ad clausulas testamento inseri solitas, num ea faciant testamentum immutabile.
- 2 Opinio Bartholi circa hanc materiam & limitatio dictæ opinionis.
- 3 Objectio l. fin. ff. de leg. 2. & responsio ad eam objectionem.
- 4 Authoris nova responsio num. 4. & ratio fundata in verbis testamenti.
- 5 Error circa accidentalia actum non vitiat.
- 6 Testamentum aliquando tantum reformatur.
- 7 Testatore utente verbis futuri temporis suspenditur actus.

8 Re-

- 8 *Reprobatur glossa ab authore & Bartholus ad l. 8. §. fin. C. de jure Codicillor. argumento deducto ab absurdo.*
- 9 *Rejēta antinomia Bartholi argumento deducto ab absurdo.*
- 10 *Voluntas testandi non potest constringi.*
- 11 *Irridetur distinctio Bartholi.*
- 12 *Argumentum ab absurdo.*
- 13 *Allegans exceptionem eam probare debet.*
- 14 *Clausula derogatoria non fundatur in leg.*
- 15 *Secundum testamentum non est tintinabulum tinniens.*
- 16 *Irredetur chymereus testator : Argumentum ab absurdo.*

**P**ergamus ad alias clausulas, quæ testamentis inferi solent, nimirum clausulam derogatoriam, & cassantem, videamusque an eæ voluntatem ultimam hominis non ambulatoriam efficere possint, Practici Nostri, & præcipue Barth. *ad l. si quis in principio testamenti. de leg. 3.* tenet si prima voluntas est derogatoria ultimæ, quod prima præ-  
valet, nisi specialiter per ultimam revocetur, licet in eo nulla fiat mentio clausulæ derogatoriæ. si tamen ea sit addita præter mentem testatoris nullas habet vires, *ut tradit Covarruv. de testam. part. rubr. tom. 1. n. 70.* Exemplum in rustico quodam, qui non sciebat pater noster is fecerat testamentum primum, in quo erat derogatoria sequentium generalis, attamen id per secundum fuisse revoca-

tum, in quo non erat specialis revocatoria consu-  
luit Guilhel. Benedic. *ad cap. Raynaut. verbo testamen-*  
 3 *tum 2. n. 17. Ne objicias legem finalem in princ. . $\pi$ . de*  
*leg. 2. quia ibi volūtas testatoris erat tacita; ideo ta-*  
*eite quoq; tolli eum sufficiebat; unumquodq; enim*  
*eodem modo solvitur quo colligatum est l. secun-*  
*dum naturam . $\pi$ . de Reg. jur. Hæc est solutio Barth.*  
*ad d. l. verum ego respondeo aliter dicendo ibi per*  
 4 *epistolam non tam fuisse revocatum testamentum*  
*quam relicta quædā prælegata, quæ cum in omni-*  
*bus & per omnia exæquata sint fideicommissi s. l. 1.*  
*. $\pi$ . de legat. 1. eo modo relinqui poterant. Præsertim*  
*quia testator significasset testamento, si quid ob-*  
*signatum recepisset, id vice codicillorum valeret;*  
*Nec me movet in contrarium, quod textus dicit*  
 5 *testamentum mentionem fecisse litterarum ob-*  
*signatarum, cum tamen invenirentur non obfi-*  
*gnatæ, is enim error tantum erat circa actus acci-*  
*dentale, quod eum non vitiat l. 12. §. 1. . $\pi$ . de leg. 1.*  
*arg. l. Firmo Heliodoro . $\pi$ . quando dies leg. vel fideicom. e-*  
*dat, & sic non erit contraria. l. 39. . $\pi$ . de leg. 1. Ut me-*  
 6 *lius dicam, testamentum prædictum non fuit revo-*  
*catum, sed reformatum secundum ea quæ tradit*  
*Ceph. conf. 76. n. 19. Ne inſtes per l. 8. §. fin. . $\pi$ . de jur.*  
*Codicill. nec solutionem glossæ & Bartholi seque-*  
*re, sed dic ideo intermedios Codicillos non vale-*  
 7 *re quia testator utitur verbis futuri temporis; dicit*  
*enim se confirmaturum eos, quos novissimos fece-*  
*rit, ideoque intermedii suspendunt voluntatem te-*  
*statoris, expectandum igitur usque ad tempus,*  
*quo posteriores amplius fieri nō possunt. Præterea*  
 ridi-

ridicula est responsio glossæ, & Bartholi, ejusq; sequacium, dicentium, duas hic intervenire voluntates tacitas, primam, & ultimam, cum non sit voluntas, saltem quæ effectum habere potest quamdiu testator vivit, nullam enim ejus esse hereditatem tyrones juris noverunt, nec opus est leges, aut rationes allegare. Præterea vix possum reprimere me, quin bilis moveatur ob antinomial allegatam à Barth. *d. loc. in l. 6. §. 2. ꝑ. de jure Codicillorum*, quia ea est nullius momenti, dicit enim idem quod antea: nimirum non subsignationem codicillorum vel subscriptionem eorum postea neglectam non impedire vim juridicam, & legalem, quia posteriores codicilli derogant prioribus, ut & leges *text. in l. 26. ꝑ. de legibus*. Ad exemplificationem hujus regulæ uti quis potest legibus prædictis male pro antinomiis contra clausulam derogatoriam à Barthol. atque ejus sequacibus allegatis, ea enim in jure non est fundata. Nullæ igitur leges huic contrariæ esse possunt. Hoc delirio admisso, illa sequeretur absurditas, quod constringeretur per eam libertas testandi, contra *l. 52. §. 9. ꝑ. pro socio. l. habeat. C. de sacros. Eccles.* Sed videamus facietam distinctionem Barth. qui hunc errorem tueri conatur: aut enim inquit verba sunt derogatoria actus testandi, aut solemnitatis, aut voluntatis. primo casu inquit non valet, quia non potest se facere intestabilem: An non, quæso, id sit quando testator impeditur secundum testamentum facere, quænam hæc est macilenta libertas, quæ ad unicum actum testandi est determinata. Atqui is Au-

- 11 thor videtur distinguere velle actum à potentia, quasi diceret, testatorem sibi ipsi potestatem testandi adimere non posse; Actum autem à potentia profluentem limitare, certa adjuncta clausula, ut secundus non valeat, nisi cum speciali ejus revocatione. Testatorem unum testamentum facere posse certum est, nec disputatione eget, sed dari posse casum, quo non liceat ei à priori voluntate recedere expresse nego *per text. in l. si quis in principio testamenti.* Adde, si derogatoria habeat prædictam efficaciam, tum poterit facere, ne leges in testamento locum habeant *l. 55. §. de leg. 1. falsa quoque erit lex 32. §. 3. de donat. inter. vir. & uxor. l. 4. de adimend. vel transferend. legat. cum similibus juribus, antea allegatis.*
- 13 Non credo aliquem futurum tam exigui judicii, qui dicere audeat leges has locum habere, nisi per dictam clausulam perdant officium suum, tum enim innuens eam habere vim exceptivam probare deberet exceptionem *l. 1. de exception.* Deinde vellem mihi specificari leges, vel rationes ex iis desumptas, quæ tribuunt huic clausulæ æqualem vim, quam habet testamentum solenne. Habeat sane illa vim protestationis præambulæ ut illi volunt, tum ea quando est contraria actui nihil operatur *per gl. in l. 6. §. fin. de acquirend. vel amittend. heredit.* fit autem talis per confectionem secundi testamenti. Nam quod illi dicunt, secundum testamentum esse solummodo tintinnabulum tinniens & dans sine mente sonum, tam future est, ut ne quidem solutionem mereatur; Væ illi juris



li juris utriusque tortores nobis Chymericum testatorem depingunt, qui convocato Notario, & 16  
sufficienti numero testium ad actum testandi procedens, videtur illis apparenter complacere, & non cum effectu: & qui in articulo mortis, quando nemo præsuntur esse immemor salutis æternæ, heredibus more Aulicorum vānos fumos vendere velle dicitur. Varios quidem locos juris torquent ad errorem obtegendum, ad eos eximie respondit Faber Jurec. more suo, in erroribus pragmaticorum, *error. 18. Decad. 37. per totum*, ideoque supersedebo.

Quod attinet ad derogatoriam solemnitatis, 17  
recte dicunt interpretes eam non valere: nemo enim potest facere ne leges in testamento locum habeant, *Iurib. vulg.*

Restat ut nonnihil subjungamus de clausula 18  
cassante & irritante, de qua mentionem facit Barthol, in *l. si quis in principio testamenti* x. de leg. 3. num. 10. qui tenet, quod si testator diceret, cassans, & irritans omne aliud testamentum quod fecissem, etiamsi in eo essent verba derogatoria, tum primum censeretur esse revocatum, sine revocatione speciali dictæ clausulæ; sed satis diu hasce nugas tractavimus; concludam itaque secundum testamentum revocare primum habens dictam clausulam, etiam sine ejus mentione, vel generali vel speciali, ea enim habetur à me pro superflua, & perinde ac si in testamento scripta non esset.

Tandem quæro, an testamentum primum re- 19  
vocetur per secundum, si in primo posita est clau-

fula *omni meliori modo*. Respondeo: quod sic. Nec me movet error Barthol. & ejus sequacium ad l. 1. §. *si quis ita* π. de verb. oblig. qui volunt clausulam omni meliore modo æquipollere clausulæ derogatoriæ; verum tamen quam futilis sit hæc eorum traditio ipsa latinitas satis docet eam non secundum opinionem juris civilis inciviles D. D. habere vim ademptionis docent; inter quos est Barthol. in l. *si quis in principio testamenti*. verbo, *quaro de prima voluntate*, 6. π. de leg. 3. Clausula autem *omni meliori modo* videtur habere naturam suppletivam, & actum perficiendi, cui aliquid deesse videtur.

21 In fine hujus capitis probatum est opinionem de clausula derogatoria ex jure exterminari debere, & sic etiam vires amittit clausula *omni meliori modo*. Interpretum schola plurimos ei tribuit effectus, primus est, quod relicta simpliciter filiis censeantur relicta iis esse titulo institutionis, vide Mantic. vol. 3. conf. 3. n. 8. qui citat. Bald. in l. *quoties*. C. de hered. instit. quem tamen invenio contrarium tenentem in d. l. num. 9. postea iterum ab ea opinione resilientem. Audiamus ipsius rationes ad validum intellectum, & non ad invalidum verba sunt trahenda. Parrant mihi ipsius manes; errat. An non est validus intellectus verborum, si quis dicat testatorem filiis relinquere debere titulo. Institutionis, cum juris receptissimi sit legitimam eis titulo institutionis relinquendam esse: Ulterius dicit, verba aptanda esse personis de quibus loquimur; nec ipsi prodest, l. *qui jure militari*. π. de mili-

*militari testamento*, ibi enim dicit, militem si eo animo fuit, ut aliquem sibi vellet heredem esse, non obstante omissione formæ testamenti pro tali habendum: diversa sane est persona pagani, & militis; Ille magis præsumitur arma, quam leges scire, in hoc contrarium obtinet; Is enim præsumitur leges scire, aut scire debet; idque favore juris communis, à quo ne miles quidem in dubio deviare velle præsumitur, arg. l. si milites. 3. in verbo, sed magis. de jur. militari; sed harum nugarum finem faciam, nec lectorem diutius hisce obtundam.

## C A P. X I.

Utrum Clausulâ in testamento secundo non solemniter posita, qua vocantur successores ab intestato, revocetur primum,

- 1 Clausula qua vocantur intestati nullius est momenti.
- 2 Ratio, positionis & ejus ratio authoris.
- 3 Tertia ratio. 4. Item quarta.
- 5 Explicatio opinionis Bartholi ad l. si jure. ff. de leg. 3. & Baldi ad l. Saneimus C. de test.
- 6 Vtriusque opinio rejecta.
- 7 Ratio, & demonstratio clara quod clausula prædicta non habeat jus solemniter testamenti.
- 8 Interpretationes leg. pro Bartholi opinione, reorta contra eundem.
- 9 Ratio differentia inter leg. & casum nostrum.
- 10 Com-

- 10 *Comparatio testamenti militaris, & ejus in quo vocantur intestati.*
- 11 *Propositum in mente retentum nihil operatur & explicatio l. 24. ff. de testam. militari.*
- 12 *Iasonis opinio.*
- 13 *Quod mutatu non est non prohibetur stare.*
- 14 *Error ejus quod causa testati adjuvet causam intestati.*
- 15 *Voluntas testatoris minus solemniter inter liberos est servanda.*
- 16 *Objectio d. l. 82. ff. de hered. instit. & ejus solutio.*
- 17 *Objectio tertia & ejus solutio.*
- 18 *Objectio quarta & interpretatio l. hac consultissima. §. fin. C. de testam. & opinio Bartholi longum recitata.*
- 19 *Verba textus secundam voluntatem non valere tanquam testamentum Bartholi opinioni non favent & quare.*
- 20 *Analysis & resolutio textus.*
- 21 *Explicatio verborum finalium textus.*
- 22 *Objectio 5. desumpta ex l. 1. §. 8. ff. si tabul. testam. nulla exstab. unde liber. & solutio cum interpretatione verborum finalium textus ad enervandam prædictam opinionem Bartholi.*

**A**Dhuc continuamus in examinatione clausularum testamenti, & præcipue, an prædicta clausula in secundo posita, hac vi polleat, ut primum revocare possit.

Respondeo quod non: ratio est, quia testamentum primum non potest tolli, quam per secundum æque perfectum §. *ex eo inst. quib. mod. testam. infirmantur*. Atqui hoc secundum est imperfectum ratione solemnitatum, ut Interpretes præsupponunt: Ergo contra eos concludo per illud primum revocari non posse, Est enim conditum contra leges, ideoque perinde habendum ac si gestum non esset: quoties enim vitiose aliquid est factum perinde habetur ac si non esset factum *text. est. in l. 6. ꝑ. qui satisfacere. l. 1. §. 5. ꝑ. ne vis fiat ei l. 1. §. 3. ꝑ. de Collat.* & per optimum textum *in l. non dubium. C. de legibus*.

Forma hæc testamenti consistens ex heredis institutione, Notario, & sufficienti numero testium, dat esse rei, & ad unguem est servanda *per text. in l. 25. §. 10. ꝑ. famil. eriscunda, arg. l. 3. §. fin. item l. 4. §. ꝑ. de jurejur. item per text. in l. 46. ꝑ. mandati cum similibus*. Hæc regula præcipue obtinet ubi forma est introducta ad occurrendum dolo, ut in casu nostro *per text. in l. 32. C. de fideicommissis. verb. lex enim*, quem præcaveri Reipublicæ interest.

Sed hic mihi iterum duo saltus magni sunt faciendi: opponunt enim mihi Barth. *in l. si jure 18. n. 3. ꝑ. de legat. 3. & Bald. ad l. sancimus C. de Testamentis*. Primus tenet per ejusmodi vocationem dari jus succedendi ab intestato, quod per additionem here-

heredum confirmatur: Hanc clausulam nullam  
 aliam requirere solemnitatem tradit dictus au-  
 thor. Jason in dicta l. *sancimus*, vult, quod tale te-  
 stamentum non valet proprie ut testamentum, sed  
 rem venire ad causam intestati, etiam quando non  
 6 fuit facta mentio heredum ab intestato. Miror sa-  
 ne interpretum proterviam eo progressam, ut ad-  
 versus tot expressa juris loca insaniam suam mundo  
 obtrudere fuerint ausi: Et magis miror esse adhuc  
 hodie, qui eos in consulendo & judicando sequun-  
 7 tur. Dixi antea testamentum secundum non tolle-  
 re primum nisi sit æque perfectum. Jam monstren-  
 tur mihi jura, quæ supradictæ clausulæ tribuunt  
 eandem perfectionem, quam habent testamenta  
 solemniter facta, quoad revocationem. Bart. alle-  
 8 gat. l. *si ita quis*  $\pi$ . de Hered. instituendis, item l. 2.  $\pi$ .  
*de injust. rupt. & irr.* & l. 12. §. 1.  $\pi$ . de bonor. possess.  
*contr. tabulas*. Sed proposito suo neutiquam inter-  
 viunt text. in l. *si ita quis*, dicit heredem institutum  
 in re certa, nullo coherede ei adjuncto heredem  
 esse sine partis mentione: ratio posset addi, quia  
 hereditas est nomen juris, & sine ullo corpore in-  
 telligitur, text. est in l. *hereditas*  $\pi$ . de petit. heredita-  
 ris, sed quid hæc ad institutum Bartholi, quæ nam  
 9 hic fit mentio primi testamenti, & secundi, an mi-  
 nimo quidem verbo revocationis hic text. utitur?  
 loquitur tantum de uno testamento non de pluri-  
 bus: sed stultus labor est ineptiarum. Pergamus ad  
 reliqua loca examinanda l. 2.  $\pi$ . de injust. rupt. &  
*irr. fac. testam.* majorem difficultatem habet, quia  
 primo ponit regulam ordinariam in ruptione te-  
 sta-

stamenti, postea ponit exceptiones duas, prima est in testamento militari, illud enim non requirit talem solemnitatem quam testamentum factum inter paganos. *tot. tit. π. & Cod. de militar. test.* secunda æquiparatum primæ, nimirum quando vocantur heredes ab intestato. Sed dicendum eos non absolute, sed secundum quid æquiparari, nam sicut testamentum militare potest subsistere sine solemnitate ordinaria, ita & potest testamentum, in quo venientes ab intestato sunt scripti: verum inde non sequitur testatorem non debere illos expressse instituere, sed sufficere eum simpliciter declarare (ut illi in jure errantes volunt) se velle vocare succedentes ab intestato: clarum est, propositum in mente retentum nihil operari: proboque in terminis, quando quis dixit alicui: *Ego te heredem facio: aut bona mea tibi relinquo*, non oportere hoc pro testamento accipi, sunt verba expressa *textus in l. 24. verbo dixit alicui π. de test. m. militari*, quo concessio sequitur illud non posse aditione confirmari. *l. quæ ab initio inutilis fuit instit. π. de R. l.*

Hoc igitur errore pragmaticorum detecto, restat attingere leviter ea quæ tradit Jason *add. l. sancimus*, dicendo, tale testamentum valere tanquam successionem ab intestato. Miror hunc transitum inauditum à successionem testamentaria ad successionem ab intestato. Primum enim *testamentum*, cum non ut ante probavi legitimo modo sit mutatum, cur stare prohibetur per *text. in d. l. sancimus*, constat enim hæc opinio ex duabus partibus, ex improbatione primi testamen-

menti nuda voluntate facta, quam non posse testamentum annihilare ante dixi; & ex declaratione testatoris, se velle vocare successores ab intestato.

- 14 At subjungit author causa intestati adjuvat causam testati: id sane contra jus dicitur, quod dicat provisionem hominis tollere provisionem legis. *text. in l. quando π. de R. l. item in l. finali. Codice ad exhibendum,*

- 15 Ne objicias *l. finalem Cod. fam. l. erciscunde*, ibi dicitur voluntatem etiam minus solemnem esse servandam, ergo illa clausula sufficit ad testamentum revocandum; respondeo, ibi Imperator loquitur de ultimo elogio facto inter liberos, quod non tam est successio, quam hæreditatis divisio, per ea, quæ tradit Tulden in suo *Cod. de testam. n. 3.* Præterea ibi ex textu apparet tantum unum testamentum fuisse factum.

- 16 Secundo, ne objicias *l. 82. π. de hered. instituend.* ibi enim pater in primo testamento extraneum instituerat heredem, postea secundo minus solemni vocaverat venientes ab intestato, extraneus non adiverat, intestatos dicit textus succedere, & recte, quia primum erat destitutum.

- 17 Tertio ne objicias *l. 6. §. 1. π. de inoffic. testam.* quia ibi quis de inofficioso egerat, & obtinuit, tum enim res devenit ad causam intestati: ex inofficioso enim nequidem debentur legata, olim debebantur. *l. 8. §. 16. π. de inoffic. testam. text. in cap. 38. de Reg. jur. l. 6. & ibi Dyn. n. 4.*

Quarto non obstat *l. hac consultißima §. fin. C. de Testamentis.* quia ibi quidem dicitur, testamentum



mentum minus solemnne, in quo vocantur illi, qui  
 ab intestato venire possint prævalere testamento  
 solemniori, in quo extranei instituti sunt: verum  
 tamen id nihil facit ad defensionem opinionis  
 Bartholi, qui vult per simplicem declarationem  
 testatoris se velle mori intestatum revocari prius  
 testamentum, quia hæc voluntas æquivalet volun-  
 tati solemniori, nam leges hanc æqualitatem intro-  
 duxerunt, solemnitas enim est de iure civili, ideo-  
 que mutari potest. Non me offendunt verba tex- 19  
 tus sequentia, secundam voluntatem non valere  
 quasi testamentum, quia ea intelligenda sunt non  
 absolute, sed comparative; idque ex analysi tex- 20  
 tus luce meridiana clarius apparet: primo enim  
 loquitur de ultima voluntate habente plenissi-  
 mam solemnitatem, secundo dicit de modo, quo  
 ea tolli potest per æque solemnne: tertio dat exce-  
 ptionem à regula, nimirum; quod illa, quando fit  
 inter succedentes ab intestato, non requirat tan-  
 tam solemnitatem, quam prior: ratio est, quia ea 21  
 potius est divisio hæreditatis, ut antea dixi. Multo  
 minus me dimovent à sententia mea, nec opinioni  
 Bartholi adhærere faciunt ultima verba §. Quod  
 sc. illud valeat tanquam ultima voluntas intestati.  
 Primo quia testator hoc modo vocavit venientes  
 ab intestato, non nuda voluntate, sed solemnita-  
 te quinque testium vestita.

Quinto ne objicias l. 1. §. 8. π. si tab. testament. 22  
 nulla exstarent, quia ille textus non dicit duo esse  
 testamenta, quorum primum per prædictam de-  
 clarationem revocatur, sed de uno rupto, vel irritato

facto: verba postrema hujus §. *vel qua alia ratione voluit discedere intestatus* non adjuvant sententiam Bartholi, ea enim connectenda sunt cum superioribus, in quibus enumerantur duo modi, quibus testamentum mutatur, postea subjungit prædicta verba, quasi dicat, si id sit rasum, vel si testator in ignem tabulas testamenti projecerit, ea confregerit, vel dilaceraverit, tum sane luce meridiana clarius apparet eum voluisse discedere ab intestato, qui enim aliquid vult, etiam velle videtur, quod ex eo sequitur, *arg. l. 2. §. de jurid. & l. 25. §. 8. §. de Edilit. edict.* Præterea rubrica ipsa indicat veritatem meæ explicationis: oportet enim tabulas testamenti nullas esse, antequam huic remedio juris prætorii locus sit.

## CAP. XII.

In quo tractatur illa quæstio: utrum per declarationem contrariæ voluntatis cum solenni numero testium facta testamentum primum censeatur esse revocatum.

- 1 *Opinio Bartholi refutata remissive.*
- 2 *Sententia Baldi approbata, & rationibus authoris novis confirmata.*
- 3 *L. nihil tam naturale &c. explicatio, & ejus limitatio rejecta.*
- 4 *Objection contra hanc legem, & solutio per allegationem rationis differentia.*

§ Ratio

- 5 Ratio diversitatis causat diversitatem dispositionis.
- 6 Contrariorum contrariam esse naturam, etiamsi non sint expresse contraria.
- 7 Testamentum non solemne nullum est.
- 8 Testatore injungente fideicommissum alicui, fideicommissarius potest heredem suum rejurando ad confessionem adigere.
- 9 Casus particularis.
- 10 Cur pupillus personaliter teneatur restituere.
- 11 Explicatio l. 3 §. ff. de fideicom. libertat. l. 2. C. de fideicom. & l. fin. ff. de rebus eorum.
- 12 Iure naturali unusquisque est rerum suarum moderator & arbiter.
- 13 Omnis licentia naturalis est subiecta legi.

**Q**Uæstioni superiori est affinis hæc, quam 1  
examinare suscepi. In ejus decisione variant  
Interpretes. Barth. in l. si jure ꝑ. de leg. 3. vult testa-  
torem addere debere, se ideo revocare, quia vult  
decedere ab intestato: verum hunc errorem capi-  
te superiori, ut spero, profligavi. Salycetus, autem  
ad l. sancimus C. de testamentis dicit Baldum sentire  
oppositum; cujus sententiam ego approbo, ratio- 2  
nes apud eum nullas legi, quibus eam tucatur,  
at ego dabo, primum allegando l. nihil tam natura-  
le est. ꝑ. de R. jur. quæ regula non solum locum ha-  
bet in contractibus, sed etiam in ultimis voluntatibus

3. tibus per ea quæ tradit *gl. in l. cum proponeretur. 64. §. de leg. 2.* quam cum in finem allegat Decius *ad d. l.* Ea quoque quæ jure facta sunt contrario jure pereunt. *l. 100. §. de Reg. jur.*

Nec ad stipulari possum iis qui dictam legem ad solam materiam possessionum limitare volunt, quia Paulus Jurisconsultus *in lib. 65. ad edictum de possessione* dicitur solummodo egisse. Nec me movet *l. 154. §. eod. tit.* ex iisdem libris desumptam esse quia *lex 100.* supra allegata eadem dicit de verbo ad verbum; & tamen est desumpta ex libris regularum, qui omnis generis materias juris synoptice continebant: adeo ut ex hisce conjecturis nihil certi statui possit.

4. Hæc monui per transfennam, sed ad rem redeamus: textus *in l. 1. §. 5. §. de liberis exhibend.* ostendit actum semel perfectum, non æque facile destrui posse, ac est astructus. Inde igitur videtur apparere illam regulam non esse inviolabilem, quod unumquodque eodem modo dissolvitur, quo colligatum est; sed respondeo, hunc textum non esse contrarium nostræ intentioni, verum continere diversum casum, quæritur enim hic de testamentis duobus; utrum, & quibus casibus primum per secundum revocetur; at in antinomia allegata dicitur de matrimonio, & quod illud liberis submixtum, non possit prætextu patriæ potestatis dissolvi. quænam hic est consonantia inter prædictos textus: ratio diversitatis est magna, ergo etiam dispositio: talis esse debet textus *in l. adigere. §. 2. §. de jure Patronatus.*

Adde

Adde contrariorum eam esse naturam, ut contrariæ ejus sint consequentiæ. *l. 3. de sepulch. violat.* Imo hæc regula procedit, etiamsi non expresse contrarium ordinatum est; Inde fit ut pure legatum, si sub conditione sit ademptum, sub contraria conditione relictum intelligatur. Hinc etiam est, quod sicuti disponitur in *l. fin. C. de fideicom.* per juramentum hæredis probari posse fideicommissum, ita etiam per juramentum legatarii probabitur illud revocatum fuisse, per ea quæ tradit Baldus ibidem. Nec refert in testamento præcise requiri heredis institutionem, quæ est basis & fundamentum testamenti, per *l. 10. §. de jure codicillorum*, quæ deficit in testamento prædicto modo revocato: quia, ut ante dixi, etiam tacite contrarietas induci potest, ideoque cum totum testamentum revocatur, etiam heredis institutio revocata esse censetur, quæ toti suo tam arcte est conjuncta, ut ea sublata, ejus interitum secum trahat. *l. 1. in princip. §. de hered. instituendis.*

Huic conjuncta est quæstio, utrum testamentum sine ulla solemnitate factum revocet primum; Respondeo per *§. penultimum. instit. quibus modis testamenta infirmantur*, id esse nullum, ideoque nullum effectum producere, ergo nec primum revocari est necesse. Iusuper videatur *l. 17. C. de fideicom.* ibi dicitur voluntatem juri subnixam etiam effectu non secuto parere exceptionem, ergo si ea juri non sit subnixa nihil operatur. Non facit vacillare meam sententiam *l. ult. C. de fideicom.* ubi Justinianus constituit, cum cui testa-

- tor injunxit fideicommissum, posse à fideicommissario delato jure jurando, ad confessionem impelli, quia hic specialiter ejus religio, & fides à fideicommissario electa est eodem modo, quo in aliquibus casibus electa est industria personæ *l. inter artifices. ff. de solution. & §. 5. Inst. pro socio. & arg. l. testituta 37. §. 1* pondera verba, quia nec mandare,
- 9 Hic itaque Cajus habet aliquid prærogativi, & magis ad speciem directus est, quæ in toto jure, ut ante dixi, derogat generi. Per transennam hic animadvertendum est, cur in casu hujus legis pupillus
- 10 teneatur personaliter restituere, quia hic actus est indifferens, non enim prodest, nec obest ei: item cur addantur illa verba: *non tamen sine tutore*, nimirum ad præcavendum, ne forte nimium restituat. Sed ad rem redeamus. Non me movet textus
- 11 *in l. 38. c. de fideicommiss. libertat.* inde infertur legata ex testamento imperfecto deberi: quia ibi erant soluta vi obligationis naturalis, quæ impedit indebiti repetitionem. Eodem modo solvendæ sunt *l. 2. Cod. de fideicom. & l. fin. c. de reb. eorum qui sub tutela*: concludendum itaque testamento non solemnni institutionem solemniter factam revocari non posse. Sed objici posset, hæc non parum
- 12 adversari juri naturali, quo nemini jus suum debet detrahi, & unusquisque est rerum suarum moderator & arbiter, textus est *in §. 3. in verb. nam quamvis dominorum. instit. de his, qui sui vel alien. l. in re mandata C. Mandati.* Item textus est magis proposito nostro accommodatus *in l. 2. ff. si quis à parentibus manumissus est* in hæc verba. ingenuo homi-  
ni

ni non esse denegandam rerum suarum alienationem, quando quidem testamentum est species alienationis. Sed respondeo vel de ipso jure naturæ tam effrenem licentiam non dari, quin sit subiecta legibus: id manifeste apparet ex d. §. 3. Ibi enim Imperator dicit dominos de jure antiquo potuisse servos crudeliter tractare, quod hic §. inrigat. Præterea ipsa libertatis definitio, quæ dicitur Naturalis facultas faciendi quid libet, nisi si quid vi, aut jure prohibeatur, indicat meæ solutionis veritatem, quam ideoque ulterius amplificare necessarium non esse duco.

## C A P. XIII.

De revocatione testamenti, quæ sit ex vi l. sancimus C. de testamentis : Item per secundum testamentum factum ad Interrogata.

- 1 *Transitio & assertio opinionis authoris.*
- 2 *Quomodo intelligendum sit quod testamenti confectio debeat esse perfectissima & conciliatio verborum sequentium legis cum præcedentibus.*
- 3 *Superlativum pro positivo aliquando sumitur.*
- 4 *Quando in legibus sit mentio culpa ea ultra levem non est extendenda.*
- 5 *Merito superlativum dici potest quod ab*

uno Imperatore juvenitur, & ab alio non  
ampliatur.

6 Continuatio enarrativa legis.

7 Explicatio l. 44. §. 1. ff. de oblig. & Action.

8 Argumentatio per dilemma.

9 Temporalia legata de jure Codicis valent.

10 Tria requisita ad rumpendum testamen-  
tum ex hujus legis beneficio.

11 Duo vincula fortius ligant quam unum.

12 Item fortius dissolvunt.

13 Duo imperfecta faciunt unum actum per-  
fectum.

14 Ut duae confessiones judiciales faciunt unam  
judicialem.

15 Voluntas manifestata apud acta aequivalet  
voluntati solenni.

16 Hac debet habere cursum decem annorum  
quomodo autem hoc tempus sit compu-  
tandum nova est authoris distinctio.

17 Inter legis mentem & verba.

18 Testamentum secundum ad interrogatio-  
nem alterius factum revocari potest.

19 Non sufficit si ad interrogata constringat  
manus.

20 Nil interest utrum quis nomine proprio  
nuncupet heredes, vel ad interrogata  
respondeat.

Ex-



- 21 *Explicatio l. 1. si quis ita ff. de V. O. & l. servo invito §. penult. ff. ad SC. Trebel. & Bartholi opinio excusata.*
- 22 *Mutus suo periculo potest adire hereditatem, dummodo adsint debita requisita.*
- 23 *Excusatio authoris de quo mutus sit intelligendus.*

**T** Andem perveniamus ad ultimum modum <sup>1</sup> revocandi testamentum, consistentem in actu juris, ex beneficio legis sancimus. C. de Testam. Dicamusque per dictum modum primum testamentum revocari per text. in d. l. verb. *sin autem medio tempore*, continuando ad verbum *ipso jure*. Nec obstat Imperatorem hic dicere, secundi testamenti confectionem debere esse perfectissimam, & postea addere, sufficere ut testator suam contrariam voluntatem coram tribus testibus declaraverit, cum tamen de jure civili testamentum debuerit habere septem testes: responderi <sup>3</sup> potest dupliciter, & neutra solutio secundum meum judicium à jure erit aliena: prima, superlativum poni pro positivo. Textus est in l. *si merces. §. penult. ff. locati*. hic verbum *diligentissimus* sumendum pro *diligenti*, ibi enim dicitur diligentissimum de levissima culpa teneri, cum tamen conductur tantum de dolo, & levi culpa teneatur <sup>4</sup> per l. 9. §. 3. *locati*. Fateor in d. l. tantum fieri mentionem culpæ, sed ea ultra levem non est extendenda, ut docet Carocius de locat & conduct. part. 2. <sup>5</sup>

*tit. de incend. ruin. & naufrag.* Secunda est; huic confectioni tribui vim superlativam, quia hic modus  
 6 testamenti revocandi ab Imperatore Theodosio  
 fuit inventus, & à Justinano ampliatus. Pergam,  
 in d. l. duo requiruntur ut primum testamentum  
 revocetur: contraria voluntas coram tribus testi-  
 bus manifestata, & cursus decennii; sed ob stare  
 7 videtur l. 44. §. 1. *de oblig. & Action.* Ibi dicitur  
 tempus non esse modum finiendi jus, non igitur  
 erit modus finiendi testamentum: Respond. illum  
 textum loqui de obligatione, quam dicit Jurisc.  
 8 Paulus ad certum diem contrahi non posse; hæc  
 enim non est ex actibus liberis: si enim sit ultro  
 citroque obligatoria, non, nisi utriusque partis  
 consensu revocari potest: si non, ut in mutuo &  
 comodato, tum à die traditionis rei, ea fit reci-  
 proca; testamentum autem quam facile revocari  
 possit ad nauseam dictum est: adde hoc jus esse  
 9 correctum per l. *finalem C. de legat.* secundum illam  
 enim temporales contractus, & temporalia legata  
 fieri possunt; Insuper adde dictum Jurisc. ibi loqui  
 10 de solo tempore: In casu autem nostro concurrunt  
 tria contraria: Voluntas, ejus probatio sive solem-  
 nitas, tertio cursus decennii: duo itaque vincula  
 magis ligant quam unum, per text. in §. 1. *Inst. de*  
*adopt. in verb. manet jus patriæ potestatis, & §. 2. §. eod.*  
 11 *tit.* Hæc regula etiam obtinet cum unum vinculum  
 confirmat aliud; verbi gratia si quis emit à non  
 domino, quem tamen dominum esse putabat, &  
 per tempora, usucapioni præfinita possederit, tum  
 ejusmodi emptor verum rei dominiū nanciscitur.

• Duo

Duo vincula etiam fortissime dissolvunt nego- 21  
tium, ut in casu nostro, in quo contraria voluntas  
seorsim considerata nihil efficeret, per leges an-  
tea à me allegatas, nec tempus separarim conside-  
ratum etiam est alicujus momenti, ut antedixi.  
Præterea notissimum est duo imperfecta facere 13  
unum actum perfectum, si simul juncta tendant ad  
eundem finem, per ea quæ tradit *gl. in l. 2. in princ.  
in verb. legitimis. ꝛ. de Excusat. tutorum.* Adde duas 14  
confessiones extrajudiciales æquivalere uni Judi-  
ciali, per ea quæ tradit Menoch. *de præsumpt. lib. 1.  
quest. 41. n. 6.*

Ulterius quæritur an hæc contraria voluntas, 15  
manifestata apud acta revocet testamentum pri-  
mum: Respondeo, quod sic, quia ea, & testamen-  
tum solemne pari passu ambulant, per hanc le-  
gem, & *arg. l. scripturas, C. qui potior. in pigor. ha-  
bentur. in fin.* Imo in aliquibus casibus Instrumenta  
publica præferuntur Instrumentis privatis, ut ha-  
betur *in d. l. scripturas. in medio.*

Hanc confectionem apud acta concomitari de- 16  
bet cursus decennii, computandus à tempore pri-  
mi conditi testamenti, ut communiter tenent. Do-  
ctores *ad. d. l. sancimus*, sed rationes non addunt:  
Ego conabor dare: Imper. Justinianus in hoc legis  
principio stat pro firmitate primi testamenti, vult-  
que id modis omnibus conservari, ut ex principio  
textus aparet: corrigendo tamen constitutionem  
Theodosii, *lib. 4. Constit. 6. C. Theodosii*; quæ  
præcipiebat testamentum primum, solo tempore  
decennii profluente non mutatum vacuum rema-  
nere,

nere, ut mihi videtur immune à contradictione : additur demonstratio contrariæ voluntatis, coram tribus testibus, vel apud acta facta, idque per modum exceptionis, qui apparet ex phrasiologia legis, in verbis, *sin autem*, qui autem ita utitur, demonstrat se in casibus non exceptis à regula recedere non velle; sed potius eam confirmare per leges rationes antea à me allegatas.

- 17 Secundum itaque mentem legis-latoris hæc opinio est tenenda, sed si verba legis considerentur, prout jacent, tenenda esset posterior opinio. Id est tempus hoc computandum esse à tempore mutatæ voluntatis; Nam de jure gentium, ex quo testamentorum origo petenda, nullæ solemnitates requiruntur; Ideoque sola declaratio contrariæ voluntatis infringit primam, quia tam jus civile fuit studiosum ad præcavendas fraudes, ideoque prædictum remedium invenit ad malitiis obvian-  
dum.
- 18 Sed ulterius quæro: an primum testamentum per secundum ad interrogationem alterius factum revocari possit: Respondeo, quod sic, dummodo sequatur articulata testatoris responsio. Bald. Jason. & D.D. ad l. jubemus. C. de testamentis. Nec sufficit si ad interrogata stringat manum, *l. as. d. loco*. Hoc axioma non obtinet, quando testator loqui non potest. *ead. auth. d. loco*. Ratio est, quia
- 20 ille, qui pollet judicio, an ore proprio nuncupet heredes, an ad interrogata alterius respondeat, nihil interest; Justum enim est, voluntatem testatoris potius attendere, quam scrupulosas ver-  
borum

borum formulas *l. 3. C. de liber. prater. l. 3. C. quæ res pignor. obl.*

Hic iterum mihi res esse debet cum Bartholo *ad 21*  
*§. si quis ita. in fin. π. de verb. oblig.* qui simpliciter re-  
 spondet, nihil interesse, utrum mutus actum legi-  
 timum peragens, nutu intentionem suam decla-  
 ret, vel an ille, qui potest fari, loquatur; utiturque  
 textu *l. servo invito §. penult. ad Senatusc. Trebellian.*  
 Sed videtur illam legem non ita intelligere sicut  
 verba ejus demonstrant, non enim ea definit, quid  
 circa nutum (utar verbis legis) definiendum sit.  
 Sed videtur Jurisconsultus Marcianus requisita *22*  
 quædam velle recensere, quibus mutus possit suo  
 periculo adire hereditatem, si auditus capax, vel  
 nutu significare possit, se id velle facere: adeo ut  
 male tractet jus civile Bartholus, quod ex parti-  
 culari casu velit constituere regulam generalem,  
 quæ fallacia multis ejusmodi formæ textoribus ju-  
 ris communis est; verum tamen ne videamur  
 omnino velle esse hostes omnis antiquitatis, excu-  
 semus ipsum, dicendo quod intelligenda sit ejus  
 doctrina de tali muto, qui propter magnam per-  
 spicaciam homines quantumcunque secrete lo-  
 quentes intelligit, de quo narrat *in pr. legis. 1. n. 7.*  
 Præterea animadvertendum, illum non manere *23*  
 in ea opinione, quod muti nutus, & sermo pari  
 passu ambulent: quia dicit se credere contrarium,  
 concludendum itaque illis nugis non diu esse in-  
 hærendum. Finivimus sane modos revocandi te-  
 stamenta recensere, capite sequenti de effectibus  
 revocationum agemus.

## CAP. XIV.

De effectu testamenti revocati.

- 1 Revocato testamento revocantur etiam legata & fideicommissa.
- 2 Legis, si non jure. ff. de leg. 3. explicatio.
- 3 Objectio desumpta ex verbis legis videndum esse &c. cum solutione.
- 4 Testator hic loquitur de mente testatoris aperienda.
- 5 Testamentum nullum & legitimo modo revocatum paripassu ambulant.
- 6 Institutio heredis est basis & fundamentum testamenti, habetque rationem formæ.
- 7 Iurisconsultus Proculus in l. 124 ff. de V. S. loquitur de contrariis.
- 8 Per ablationem formæ introducitur in subiecto contrarietas.
- 9 Fideicommissa sunt odiosa nec censentur esse repetita.
- 10 Ratio cur ea non censcantur esse repetita.
- 11 Qui allegat repetitionem voluntatis, eam probare debet.
- 12 Leg. 3. ff. de probat. loquitur de fideicommissis tacito, quod non presumitur mutatum.
- 13 In dubio quando disputatur quo animo quid factum sit. non presumitur delictum.
- 14 Qualitas accidentalis cum semel adest fit sub-

*substantialis.*

15 *Explicatio l. cum hic status §. 4. ff. de donat. inter vir & uxor.*

16 *In dubio judicandum actum stare potius quam perire debere.*

17 *Donatio causa mortis morte confirmata habet naturam provisionis hominis.*

18 *Obiectio & solutio quatenus hac donatio equiparetur fideicommisso.*

**N**on opus est repetere ea, quæ sub finem capituli præcedentis diximus; ad rem itaque redeamus: brevis esse laboro: defendam itaque revocato testamento legitimo modo, simul revocari omnia legata, & fideicommissa in eo contenta.

Varix sunt rationes, quibus meam sententiam 2 defendo & quidem prima est in l. si jure ꝑ. de leg. 3. ubi dicitur, si testator fideicommissum reliquerit in primo testamento, postea secundum fecerit validum, tum id non debetur, non enim confetur esse repetitum. Non mihi scrupulum movent verba 3 sequentia legis: videndum esse, utrum mens testatoris facientis postea testamentum ea fuerit, quod nolit ratum esse primo testamento relictum. ergo non videbatur necessaria secundi testamenti confectio. Sed respondeo, Jurisconsultum Pomponium hic præcipere modum, eumque specificare, quomodo testator voluntatem suam declarare possit per confectionem secundi testamenti æque valituram. Non igitur hic loquitur de con-  
jectu-

jecturata mente testatoris, ut exemplificat. *l. 102. de condit. & demonstrat.* Sed de mente aperienda.

4 Adde textum in *l. 29. de testam.* nam quamvis ibi loquatur de testamento nullo jure perfecto, dicendo fideicommissa ex eo non deberi, tamen  
5 identitas rationis est in testamento tali, & legitimo modo revocato; illa enim pari passu ambulant.

6 Sed inveniamus rationem nostræ sententiæ, & ex jure, & ex philosophia: nam hæc duò magnam habent affinitatem. *l. 1. de just. & jur. & l. 11. C. de his quæ ut indign.* præmitto itaque institutionem hæredis esse basin & fundamentum testamenti *l. 1. in princ. de hered. instituend.* quæ basis habet respectum formæ; ideoque ea sublata totus actus corrumpitur, arg. *l. 124. de verb. significat.*

7 Non diffiteor Jurisconsultum Proculum ibi loqui de contrariis, Itaque videretur hæc lex parum quadrare proposito nostro: sed respondeo per ablationem formæ hujus introduci in nostro subje-

8 cto contrarietatem, sicut enim ea posita totum corpus testamenti vivit cum omnibus suis qualitatibus, legatis nimirum, & fideicommissis, ita ea remota, totum interire est necesse: præsertim quia

9 fideicommissa sunt valde odiosa, ideoque non repetita esse præsumuntur, per ea quæ tradit Menoch. *lib. 4. præsumpt. 67. n. 26.* Testatorque faciendo aliud testamentum censetur noluisse præstari in

10 primo contenta. *Cephal. lib. 1. consil. 77. n. 19.* Ratio rationis est, quia repetitio non censetur facta de uno actu ad alium, sed tantum quando sunt præparatoria sequentium, ut tradit Bald. in *l. per retentionem. C. de usuris.* Non



Non etiam censetur facta de una lege ad aliam  
 Barth. in l. 1. §. *meminisse.* π. *de vent. inspic.* ergo nec  
 de uno testamento ad aliud, ideoque qui dicit fa- 11  
 ctam esse, probatio, incumbit. Sed fortiter in con-  
 trarium videtur urgere textus in l. 3. π. *de probationi-*  
*bus.* ibi dicitur voluntatem, quoad fideicommissum  
 non præsumi mutatam, sed cum qui agit id probare  
 debere: Respondeo dictam legem loqui de fidei-  
 commissio tacito, & non de expresso: inter hoc &  
 illud sane magnum est discrimen; hoc ad veros  
 heredes fideicommissarios perveniebat, illius vero  
 semis, ei, qui se deferebat, reliquum fisco vindi-  
 cabatur. *text. in l. cum tacitum.* π. *de iure fisci,* uxore 12  
 vero deferente, semissis heredi, reliquum fisco ce-  
 debat; adeo ut in odium ejusmodi fraudum, leges  
 id voluerint, ne fideicommissa ejusmodi mane-  
 rent impunita: Atqui iterum quis instabit hoc  
 modo etiam præsumptionem prævalituram, quæ  
 secum trahet delictum, contra l. *merito* π. *pro socio.*  
 Sed respondeo: in dubio quando disputatur quo 13  
 animo aliquid factum sit, nunquam præsumi de-  
 lictum intercessisse. *arg. l. 51. π. de donation. inter*  
*vir. & uxor.* verum in casu d. l. *cum tacitum* non  
 est ejusmodi præsumptioni locus, quia ibi præsup-  
 ponitur fideicommissum tacitum revera factum  
 fuisse, sed tantum quæritur de præsumptione conti-  
 nuationis, quam recte d. lex dicit dari, donec con-  
 trarium probetur. qui enim semel est malus sem- 14  
 per præsumitur esse talis in eodem genere mali.  
 Iterum insta hanc qualitatem esse accidentalem,  
 quæ semper præsumitur à subjecto abesse; sed sol-

ve, illam, cum semel adfuit degenerare in qualitatē substantialem, & tum semper ei præsumi adesse.

- 15 Præterea in contrarium urget *l. cum hic status. §. 4. π. de donat. inter vir. & uxor.* ibi dicitur in dubio procliviores nos esse debere ad comprobandum actum; sed ibi loquitur de donatione inter vivos, quæ morte erat confirmata: ex mente hujus textus apparet controversiam motam fuisse inter donatariam & heredem donatoris, illa petebat rem sibi donatam, hic pænitentiam donatoris objiciebat; judex dubium esse utrum donatorem pænituerit judicans pro donatione pronunciavit, rectissime, quoniam ea morte confirmata habet naturam provisionis hominis, quæ regulariter tollit provisionem legis, *per gloss. in l. fin. C. de pact. convent. tam super dote*; Nec refert hanc donationem æquiparari fideicommisso, unde forte subtiliter magis, quam vere argumentari quis posset, etiam in dubio, si non apparet evidenter fideicommissum revocatum esse, id debere probari; quia comparatio hæc tantum fit eo respectu quod utroque casu posterior voluntas tollit priorem, quod non disputatur.

## C A P . X V .

In quo proponitur ratio supradicti effectus,  
& ulterioribus legibus defenditur.

- 1 *Corruente testamento corruunt fideicommissa.*
- 2 *Fideicommissa sunt odiosa, & quare, probatur exemplo & legibus.*
- 3 *Filius non potest habere onus sine commodo.*
- 4 *Conditio quæ adversatur utilitati publicæ non est servanda.*
- 5 *Fideicommissum repugnat legitima.*
- 6 *Præsumptio tendens in benigniorem partem est amplectenda.*
- 7 *Testator magis præsumitur deligere institutum quam substitutum.*
- 8 *Vir magis uxorem quam ullam rem totius mundi.*
- 9 *Bona dotalia sunt uxoris propria bona.*
- 10 *Præsumptiones in jure non sunt admittende quibus viro liceret bona uxoris alienare.*
- 11 *Fideicommissa tantum inducuntur verbis expressis.*
- 12 *Id probatur per vocem proponi.*
- 13 *Favorabilia tacite juri se insinuant.*

- 14 *Fideicommissum non censetur esse repetitum per l. 3. §. 7. ff. si cui plus quam per leg. falcid.*
- 15 *Retinentia fideicommissi in secundo testamento inducit interitum primi.*
- 16 *Omnia præsuntur esse libera.*
- 17 *Ampliatio hujus regula.*
- 18 *Exemplo illucidatur.*
- 19 *Præsumptio pro actus subsistentia locum non habet, quando ex testamento non potuit intelligi quem actum valere testator voluerit.*
- 20 *Fiduciarius cogi potest ad fideicommissi restitutionem.*

1 **S**uperiori capite diximus, corruente testamento corruere fideicommissa: hoc autem capite proponemus rationem nostræ sententiæ, ea est, quia fideicommissa sunt odiosa, continent enim  
 2 onus; nam si pater filium exheredaverit, cumque nihilominus voluerit fideicommisso gravare, id non tenebit, per l. coheredi. §. 3. π. de vulg. & pupill. substit. ratio est, quia tum filius haberet onus sine  
 3 commodo, quod pugnat contra l. Secundum naturam. π. de Reg. iur. & §. unic. Institut. de legitima parentum tutela: Odiosa interpretatione non sunt adjuvanda, per textus in l. 19. in fin. π. de lib. & posth.

Neque mihi obijciat quis l. hoc modo. 64. π. de condit.

*condit. & demonstrat.* ibi aliquis legati conditionem non observavit, quod est odiosum; & tamen Jurisc. Terentius dicit eam rescindi: respondeo id ibi fieri ob specialem favorem Reipublicæ; qui casus ad alios extendendus non est: erat enim ibi condicio de non nubendo, & talem placuit non esse servandam, sobolem enim minueret.

Adde quod fideicommissum ea ratione sola potest dici onus, & quidem rectissime, quia è diametro repugnat legitimæ, *l. cum in antiquioribus. C. de inoffic. f.* Nullo enim modo in uno & eodem actu cum illa potest concurrere. Hanc conclusionem non parum confirmat. *l. 34. §. 5. π. de leg. 2.* ubi dicitur in dubio testatorem voluisse heredem quam minimum gravare, hinc primo inferendum præsumptionem illam esse amplectendam, quæ tendit in benigniorem partem, *arg. l. merito. §. fin. π. pro socio, cum similibus antea à me allegatis*, benignius autem est heredem quam minimum gravare, per hunc textum, & per *l. 2. π. de dote prælegata*, ubi dicitur, mulierem, dote ei prælegata, & fideicommissum ab ea relicto non cogi aliud restituere, quam quod quantitatem dotis excedit: hæc autem benignitas est favorabilis quoad heredem in prædilectione. Magis enim præsumitur testator dilexisse heredem institutum, quam substitutum, per ea quæ tradit Fusar. *de substit. quest. 468. n. 7.* Et quoad uxorem, etiam est favorabilis, quia vir eam magis præsumitur diligere, quam ullum alium, ut ante dixi. Præterea bona dotalia sunt ejus propria bona, in quibus maritus habet tan-

- 9 tum dominium civile, imo dos tantum dicitur in bonis ejus esse *per l. 75. §. de jure dotium*. Adeo ut esset contra naturam ejusmodi præsumptiones in jure admittere velle, quibus vir intelligeretur bona uxoris posse alienare: cum itaque ut ante dixi
- 10 parum heredem onerare sit favorabile, sequitur heredem multum gravare esse odiosum, contrariorum enim sunt contrariæ consequentiæ, ut est juris notorii.
- 11 Præterea fideicommissum ea ratione quoque censendum est non esse favorabile, quia nunquam nisi expressis verbis inducitur, textus est in *l. lucius §. tres heredes. π. ad Trebellianum*, inde infertur, fideicommissum debere proponi, quod verbum in
- 12 jure passim dēnotat publicam aliquam manifestationem, ut actiones proponi dicuntur quia publicabantur, fideicommissa quoque proponi sunt dicenda, quando ex testamenti verbis apparet, illa inducta esse; & est modus loquendi Jurisconsultorum, quando quædam proponuntur, quorum consilium ab iis petitur; quomodo autem tale dari possit nisi de iis rebus, quæ aperte proponuntur, non video. Insuper lex hæc est Jurisconsulti Scævola, qui passim his verbis usus est, ut notabiliter in *l. 32. §. 6. π. de servitute legata*, ex cujus verbis finalibus manifesta fit mea explicatio, item in *§. 7. ejusd. leg. item in l. 33. in pr. & §. 2. h. t.* & passim in aliis locis.
- 13 Favorabilia sane facillime juri sese insinuare solent, & quidem tacite: exemplum est in signe in celebri illa *l. 102. π. de condit. & demonstrat.* Item favore dotis stipulatio, quæ est stricti juris, sit bonæ

na fidei. Tertio in computatione ætatis quoad munera annus inceptus habetur pro completo: plura alia exempla in jure passim legentibus occurrere possunt. Supra Capite XIV. dixi fideicommissa non censi esse repetita, quod verum est per l. 3. §. 7. π. si cui plus quam per l. falcidiam, quam ad sententiam meam fundandam invenio esse tam claram, ut non credam aliquem inventum iri, qui ei possit contradicere: textus innuit præstantem legatum ex primo testamento debitum, id evincere posse, quia in secundo non fuit repetitum, repetere autem est, idem iterum petere in memoriam l. 10. π. de pactis. l. 14. π. de iur. Codicill. id autem non fit nisi verbis expressis; quibus non demonstratis, necessario sequitur, argumento ducto à contrario illam reticentiam in secundo inducere interitum primi, c. 43. de Reg. Iur. in sext. præcipue quando tacens legem testamenti secundi poterat dicere apertius. Præterea in dubio omnia censi esse debent libera, per ea quæ tradit Gail. lib. 2. obs. 69. n. 42. quia libertas est juris naturalis, §. 1. Institut. de iure personarum.

Quæ regula non solum locum habet in rebus corporalibus, & immobilibus, sed etiam in jure, per ea quæ tradit dictus Author dicto loco: ut exempli gratia in testamento, quod in dubio liberam habere dispositionem, & nullo onere affectam omnino est censendum. Imo si duobus aliquid est legatum, & uni ademptum, censetur utrisque esse ademptum, l. 10. vers. sed & si. π. de rebus dubis; valde igitur odiosa sunt relicta per fideicommissum,

quia interitus unius partis alterius quoque ruinam ad se trahit, per hunc textum. Nec obstat in dubio potius accipiendum esse, ut res, de qua agitur valeat, quam pereat: quia testator in casu dictæ legis duobus ejusdem nominis aliquid reliquit, postea uni ademit, nec apparet, de quo senserit; non igitur potuit intelligi quem actum voluit valere, 19 recte itaque totum corruere dicit, per textum allegatum l. 30. π. de testament. tutel. Præterea fideicommissa sunt odiosa, quia heres fiduciarius cogi potest ad restitutionem hereditatis, l. cogi. π. ad 20 Trebell. ad quod enim cogimur, id onus est respectu coacti. Ne mihi objicias Auth. ex causa. C. de liberis præteritis, quia de ea dicam inferius: ideo ibi lectorem remitto.

## CAP. XVI.

An repetitio fideicommissi censeatur intervenisse, si in secundo testamento adjecta fuerit clausula codicillaris.

1 *An odium fideicommissi cesset per interventum clausula Codicillaris. Fusar. de subst. quest. 45. num. 11. affirmat.*

2 *Hic author sibi contradicit.*

3 *Hec opinio pugnat cum l. si jure.*

4 *Nulla leges tribuunt clausula vim. testamenti.*

5 *Interpretatio l. 88. §. 17. ff. de leg. 2.*

6 *An per Codicillum secundum primum anni-*



*annihilatum possit reviviscere? disputatur.*

- 7 *Legum, quibus hanc opinionem quidam conantur defendere, explicatio, & primo leg. querebatur ff de militar. testamento.*
- 8 *Miles fidei heredis committere potest, ut primum testamentum valeat.*
- 9 *In casu l. 12. §. fin. ff. de injust. rupt. prima voluntas suis tracta ad secundam.*
- 10 *Prolixa examinatio & explicatio l. 2. C. de jur. Codicillor.*
- 11 *Ratio explicationis.*
- 12 *Explicatio l. 2. ff. cod. tit.*
- 13 *Loquitur de Codicillis integris, non de sona clausula codicillaris.*
- 14 *Author remittit lectorem ad tractatum de erroribus pragmaticorum Anth. Fabri.*
- 15 *Obiectio desumpta ex l. Scavola, cum responsione remissive.*
- 16 *Obiectio ex l. 3. ff. de jur. militari, prater ea urget author hanc objectionem.*
- 17 *Varia solutiones.*
- 18 *Textus ille loquitur de Codicillis testamento immixtis.*
- 19 *Testamentum perfectum trahit secum irrevocabilitatem temporalem, quamdiu non revocat testator institutionem.*
- 20 *Conclusio quod fideicommissarius.*

- 1 **Q**uidam interpretes putant odium prædictum cessare per interventum clausulæ Codicillaris, inter quos est Fusarius *de substit. quæst. 45. n. 11.* remittens lectorem ad Mantic. *de conjectur.*
- 2 *ult. volunt. lib. 12. tit. 1. n. 39.* verum hunc authorem sibi contradicere demonstrabo. Postea juribus & rationibus hunc errorem è republica Juridica eradicare conabor. Nam *num. 37. dicto tit.* hanc regulam ponit, quod revocato testamento, revocentur omnia in primo contenta: ergo etiam clausula codicillaris in primo contenta, ut recte tradit Peregrinus. *de fideicom. art. 2. n. 18.* si itaque totum ultimum elogium penitus sit sublatum, quomodo hoc heredes institutos in priore onerare potest, ut secundis hereditatem ex fideicommissio restituerent, quod enim nullum est, nullum effectum producere potest. Præterea hæc opinio pugnat cum
- 3 *l. si jure ꝛ. de legat. 3. in verb. si posterius valiturum sit.* Adde non dari leges, neque jura, quæ nudæ huic clausulæ tribuant vim testamenti: nam quod at-
- 4 tinet ad *l. 88. §. 17. ꝛ. de legat. 2.* ubi dicitur Lucius Titius testamentum scripsisse sine ullo jurisperito, addens quod si minus aliquid legitime fecerit, pro jure legitimo haberi debere sani hominis
- 5 voluntatem. Respondeo secundum omnes Doctores, eum testatorem ibi codicillos facere voluisse, quos fieri posse, & per eos fideicommissa restitui nemo negat, neque hoc in casu nostro est controversum; sed an per codicillum secundum primum annihilatum possit reviviscere, quod nulla jura di-
- 6 cunt, neque dicere possunt. Non diffiteor aliquos,  
inter

inter quos est Fabius Turetus, *de claus. codicill. effect. & defect. quest. 1. effect. 1. n. 2.* diversis legibus conari hunc errorem defendere; verum ego, ut spero, eum debellabo. Prima quam allegat, est 7  
*l. querebatur x. de militari testamento. in pr. in verbis finalibus.* Nam quamvis ibi dicatur testatorem prioris testamenti in causam fideicommissi, & codicillorum vim convertisse, tamen responsio est expedita: Ille enim textus loquitur de testamento militari; differentias autem inter hoc, & testamentum pagani referre velle, mentis esset insanæ; ab uno igitur ad aliud argumentari nemo potest. Sed ponamus nullam inter utrumque differentiam esse, tamen conclusionem suam dictus author auxilio dictæ legis defendere non posset: ibi enim dicitur, militem fidei heredis committere posse, ut primum testamentum valeat: secundo quod tum 8  
hoc valeret jure fideicommissi; sed inde non poterit inferri conclusionis superioris veritas, eaque stabiliri, quia militi licet duo facere testamenta, ut apparet ex hoc ipso textu, in verbis: *ut sint duo testamenta*, quod pagano non licet facere per textum, *in d. l.*

Sed in contrarium fortiter urgere videtur textus 9  
*in l. 12. §. finali x. de injust. rupt. & irr. fact. testamento:* Nam quamvis inde posset concludi oppositum, tamen hic est sensus hujus legis, quod hic prima voluntas sit tracta ad secundam, & sic ex duabus una fuit conflata: Insuper ibi per testamentum secundum solemne confirmavit primum solemne, non autem per clausulam codicillarem, quæ adhuc  
non

non est probata vim solemnitis testamenti habere, quod prius erat faciendum, antequam textus hic commode allegari posset.

- 10 Secundo dictus Author allegat. *l. 2. C. de jure codicillorum*, in verbis, *unde inefficaciter*, usque ad finem. Sed hujus legis, quia est alicujus momenti, verba prædicta accuratius examinare decrevi, Imperator Philippus hic aliquem testamento portionem quandam fuisse assecutum, post codicillos factos valere cupiens, quibus is jubetur, certis rebus sibi (ex ea nimirum retentis) illam alteri tradere;
- 11 non sine ratione; quandoquidem suprema judicia ordinans potest rem in primo testamento legatam in secundo adimere, *l. 13. in fin. de adimend. legat.* cur non & potuit in secundo id reformare, *arg: l. 28. ꝑ. cod. tit.* sed quid hæc ad statum nostræ quæstionis? rationem differentiarum non repetam, ne nauseam legenti moveam.
- 12 Tertio *l. 2. §. 4. ꝑ. de jure codicillorum* ab auctore allegata nihil pro eo facit, quia illa vult hereditatem ex inutili testamento datam, vi codicilli postea facti per fideicommissum peti posse, quod non est absolum à jure, quia illud censendum est eodem jure, ac si non esset in rerum natura: proinde hoc fideicommissum non petitur ex nuda vi clausulæ codicillaris, sed oportet, ut petenti illud
- 13 in secundo codicillo sit relictum: Illi enim textus loquuntur de codicillis integris, in quibus legata, vel fideicommissa relinquuntur, non de nudo sonò clausulæ codicillaris à practicis invento, ad subsellia judicum litigiis implenda, & lites ex litibus ferendas,

rendas, donec cæ fiant immortales, & hominum memoriam excedant. Eodem solvendæ modo sunt leges sequentes ab authore allegatæ.

Porro hunc errorem egregie detexit Antonius 14  
Faber *in error. pragmaticorum part. 1. centur. 20.*  
*errôr. 5.* ubi eam opinionem, utar ejus verbis, de-  
ridet dentibus nudis, quia primum testamentum  
condens, ut ipse dicit, habet intentionem testandi:  
quæ intentio tam diu durat, donec per testamen-  
tum æque perfectum revocetur; codicillum au-  
tem testamentum perfectum esse nemo dicit. At 15  
insistet quis, codicillum satis perfectionis habere,  
si verba directæ in eo posita convertantur in fidei-  
commissaria, *l. Scævola. n. ad Trebell.* sed respon-  
dendum cum Peregrino *de fideicommissis, lib. 2. art.*  
*34. n. 68.* cui solutioni omnino acquiesco.

Adde, quod *in l. 4. §. 3. n. de vulg. & pupill. sub-* 16  
*stit.* dicitur, ad quam lectorem remitto. At fortiter  
in contrarium videtur urgere textus *in l. 3. in*  
*fin. n. de jure militari*, ibi dicitur paganos cum testa-  
mentum faciunt per scripturam adjicere velle hoc  
etiam vice codicillorum valere, ut tum imperfecto  
testamento dicit Jurisconsultus Ulpianus codicil-  
los esse: Hinc istius erroris patroni argumentari  
possent, clausulæ codicillaris (qualem verba su-  
pradiçta continent) eam esse efficaciam, ut possit  
actum testandi invalidum validum facere, ea au-  
tem validitas in eo consistit, quod hereditas forte  
in testamento imperfecto relicta trahatur ad fidei-  
commissum; si itaque illud in testamento primo,  
cur non etiam in secundo fieri poterit? Responsio- 17  
nes

nes varias dabo. Eligat benevolus lector eam quæ suo palato convenit ; primo dicendum *d. l.* facere similitudinem inter militem, qui incepit jure communi testari, utrum testamentum ipsius saltem de jure militari valeat, & inter paganum, qui de jure communi fecit testamentum imperfectum, quod hujus respectu tantum pro incepto est habendum, & voluit illud valere tanquam codicillus. Hanc similitudinem dicit lex convenire in uno tertio deciso in textu, sed inde non infertur intentio in-  
 18 terpretum antea relata. Adde, quod textus illi loquantur de codicillis, tabulis testamenti immixtis, non de nudo sono, ut ante dixi : sed de hoc latius infra, ubi de favore fideicommissi agemus; dicam legem loqui de uno actu testatoris, quem jura volunt in tantum conservari quantum fieri potest, per jura postea alleganda; casum autem nostrum loqui de duobus testamentis. Ratio differentiae est maxima, quia primum testamentum de jure perfectum secum trahit respectu testatoris  
 19 statum irrevocabilitatis temporalis. Actio heredis ad hereditatem sibi relictam cessit, & quidem firmissime, quamdiu testator eam non mutavit, etiam quoad ipsam basin testamenti, id est, heredis institutionem directam : ergo multo fortius idem obtinere debet in fideicommissio, quod habet respectum accidentis; sed facto secundo testamento, cessat prius cum odiosis ejusmodi accidentibus, ut postea longe lateque probabo. Jam pergemus ad refutanda argumenta, quibus freti defendere quidam audent fideicommissa favorabilia esse, & in-  
 terpre-

interpretatione adjuvanda. Sed de iis capite sequenti dicam.

## C A P. XVII.

Quo objecta contra hanc sententiam  
refutantur.

- 1 Fideicommissum continet onus, & objectio contra regulam.
- 2 Opinio Iasonis enervata, & propositio casus in dicto consilio.
- 3 Ratio cur auctori affirmativa placeat.
- 4 In l. ex ea §. penult. ff. de V. O. certa forma institutioni fuit adjecta qua aequipollentiam non admittit.
- 5 Distinctio in l. 46. ff. mandati, proponitur & applicatur ad casum, probaturque applicatio.
- 6 Institutus ex parte nullo coherede adjuncto est institutus sine parte, datur ratio cur locum habere debeat Iasonis opinio.
- 7 Fideicommissum est favorabile quod non causet destructionem voluntatis testatoris in una persistentis; sed hac nihil contra sententiam auctoris, & ratio dilucide explicata.
- 8 Legittima debetur jure natura: Trebellianica jure positivo.

In

- 9 *In generali alienatione non venit legitima.*  
 10 *Argumentum pro confirmatione regule à majori ad minus.*  
 11 *Quanam non possunt capi pro executione sententia.*  
 12 *Argumentum à toto ad partem, lex fundans illud, extensa, ratio cur legitima continetur in bonis testatorum.*  
 13 *Legittima est juris naturalis.*  
 14 *Legittima continetur in bonis testatoris respectu juris.*  
 15 *Exheredatio est juris, & ratio.*  
 16 *Bona parentum ad liberos pertinent si illis obediant.*

**N**on utar longis transitionibus, neque apparatu verborum in hoc tractatu; sed rem ipsam tangam.

- 1 Antea dictum probatumque est fideicommissum continere onus: At obijciunt quidam illam propositionem absolute veram non esse, non enim tale: esse respectu testatoris, aut heredis honorati, Jason vol. 2. *consil.* 203. n. 15. recte consuluit quidem secundum casum ibi relatum, qui nihil facit  
 2 ad subjectam materiam, ut postea probabo: in dicto enim consilio quærebatur, utrum vigore substitutionis fideicommissariæ tertia soror Catharina una cum filiis natis ex duabus sororibus ante testatorem mortuis potuisset pervenire ad hereditatem patris; auctori affirmativa placet, quamvis  
 3 forma-



formalis casus fideicommissi non evenerat, sed is qui ex verbis concipi poterat : hæc paria esse docet textus in famosissima lege *Gallus §. 1. π. de liberis, & posthumis*. Huic dicto non adversatur *l. ex ea. §. penult. π. de verb. oblig.* quia ibi certa forma institutioni fuit adjecta, quæ æquipollentiam non 4 admittit : Exemplifica, ut in *l. 46. π. Mandati*, ibi enim pulchra est distinctio : aut inquit, certa forma mandato est præscripta, aut non : primo casu ab ea non est recedendum *per d. l. cum similibus*, secundo licet illud per æquipollens adimplere *per l. 53. π. de manumissis testamento*. Hæc egregie faciunt ad casum nostri authoris : Ibi enim ut ante dixi Catharina Maphei soror cum filiis natis ex duabus prædictis sororibus erat substituta ; quibus ante testatorem mortuis, aut fieri debebat, ut duæ illæ partes hereditatis essent caducæ, aut Catharina debuit admitti ad totam hereditatem. primum concedi non debet propter jus caducitatis sublatum, *tot. tit. Cod. de caducis tollendis*. secundum itaque obtinere debebat : præsertim quia ibi quæstio erat de fideicommissio universali, totius hereditatis, quæ est nomen juris, & sine ullo corpore intelligitur, *l. hereditas. π. de petit. heredit.* Insu- 6 per in jure est notissimum, quod quando aliquis ex parte heres institutus est, nullo ei coherede adjuncto, idem esse, ac si sine parte heres institutus esset, textus est in *l. 9. §. 13. π. de hered. instituendis*. Ex supradictis itaque apparet, voluntatem testatoris non habituram fuisse exitum, sed interituram, nisi supra dicta secundum consilium, & men-

tem authoris intelligerentur, qui casus cum sit admodum particularis, & magis sit directus ad speciem, generi derogat, ab uno igitur ad alium non est argumentandum, neque illé ad alios est extendendus. Sit igitur fideicommissum favorable eatenus, quod non causet destructionem voluntatis testatoris, attamen id nihil facit contra meam sententiam. Ego enim non loquor de interpretatione conservativa, sed de suppletiva. Clarius me explicabo: quæro an ea sint ejus efficacix, etsi in testamentis, codicillis, aut aliis actibus ultimæ voluntatis posterioribus, nulla eorum mentio facta fuerit, sed tantum in primo, utrum tum virtute sua, etiam sine ullo facto hominis ita influant in dispositionem secundam, ut formæ rationem, aut saltem proprii quarto modo naturam induere possint, vel an non potius jura quandam aversionem ab iis passim demonstrent. Ultimum verum esse antea probavi, neque adhuc rationem video, qui à mea sententia dimovear.

Sed pergamus ad alias objectiones. Superiori capite dictum est fideicommissum non intrare legitimam, sed objiciunt quidam *l. 6. in fin. . de fideicommiss. libertat.* ubi summa quædam legata erat, ut pro ea aliquid ematur, quod si sine detractione Falcidix, aut Trebellianicæ fieri nequeat, solidum legatum debetur; si itaque Falcidia nec Trebellianica detrahatur, cur legitima detrahatur?

8 Sed respondeo magnam inter hanc, & illam differentiam esse: hæc enim debetur jure naturæ, per ea quæ tradit Cephalus, *consil. 408. num. 32.*

et 412.

¶ 412. n. 32. sed Trebellianica, & Falcidia debentur jure positivo.

Adde quod in generali alienatione non venit 9 legitima. *Præses consil. 76. num. 5.* cedit enim loco alimentorum *per gloss. in l. cum ratio. §. de bonis damnatorum* : ratio, quia sub generali alienatione non veniunt ea, quæ quis verisimiliter alienaturus non fuisset, *l. 6. §. de pignoribus.* atqui nemo præsumetur 10 voluisse alienare alimenta sua, aut quæ eorum loco cedunt. Si enim pater, qui filiis alimenta denegat, videtur eos necare, *textus in l. necare. §. de agnoscendis, & alendis liberis* : multo fortiori ratione videretur alimenta alienans se ipsum necare velle, quod non est præsumendum ; quia ea, quibus sine ruina suæ familiæ quis carere non potest, difficulter alienationi subjiciuntur : Ideoque fit 11 quod pro executione sententiæ non possint capi boves aratorii, item ligones, & instrumenta ferrea, *l. executores C. quæ res pignori obligari.* Sed infisto, dicoque ea paria esse : nam si pater in totum 12 possit filium suum exheredare, cur non & eum legitima privare poterit ? quo posito, cur absurdum erit, si ea fideicommisso gravetur ? vis hujus argumenti fundatur in eo, quod elici potest *ex l. 113. §. de Reg. Jur.* quæ non solum locum habet in toto habente partes integrantes, sed etiam in eo, quod facit partes per unionem multarum qualitatum, quæ se habent in relatione totius tanquam majus, & minus, *arg. l. 110. §. de Reg. Jur.* quod autem legitima virtualiter contineatur in bonis testatoris inde apparet, quod quando is minus legitima he-

redi reliquerit, possit agere ad supplementum,  
*per Novell. 117. cap. 6.*

- Hæc quidem prima facie speciosa esse videntur,  
 attamen contrarium est tenendum; consequentia
- 13 major minime procedit: magna est enim differ-  
 rentia inter gravamen legitimæ, & exheredatio-  
 nem: quia illa est juris naturalis, ergo factio homi-  
 nis tolli non potest, ea enim jura sunt immutabi-  
 lia, §. *fin. inst. de jure natur. gent.* quod autem dicitur  
 legitimam virtualiter contineri in bonis testato-  
 ris, verum est, si sane intelligatur: subtiliter enim
- 14 distinguendum est inter jus, & factum, ut utar  
 distinctione Illustris Jurisconsulti Bernardi Scho-  
 tani in examinatione juridico ubi de modis concii-  
 liandi antinomias tradit. Hoc continetur in bonis  
 testatoris, illud vero non, sed inheret personæ filii,  
 simul atque natus est, tum enim cedit, id est, deberi  
 incipit, sed post mortem testatoris venit, id est, peti  
 potest; sunt enim quædam jura ab initio pura,
- 15 quæ ex re capiunt dilationem, *arg. l. 73. §. de verb. oblig.*  
 Exheredatio autem non fit, nisi ob causas in  
 jure expressas, quæ eo collimant, ut demonstrent  
 filium merito indignationem parentum in se exci-  
 tasse, ideoque intulisse vim juri naturæ, à quo des-  
 cendit honor, atque reverentia, quæ à filiis paren-  
 tibus debetur, *arg. l. 2. §. de just. & jure*, quod si  
 fuerit violatum, pater quoque uti jure suo potest,  
*text. est in l. 3. §. 5. de bonor. possessione contr. tabulas.*
- 16 Nec obstat, quod naturalis ratio dicet, bona  
 parentum ad liberos pertinere, quia id tantum ob-  
 tinet in casu superius relato, & non ulterius.

Si

Si tamen testator declaret in ultima sua voluntate se privare velle filium legitima in pœnam inobedientiæ, mihi videtur id eum facere posse: si enim licet patri, ut supra dictum est, eum in totum exheredare, cur non idem erit in parte, *arg. l. 4. C. de his, quibus ut indignis, & l. 113. de Reg. Iur.* Hoc sane casu, & quidem unico, ut memoria mea fert, fideicommissum intrare posset legitimam, & contra plures objectiones adferre possem, & refutare, sed instituti mei ratio, utpote brevitati studentis, id non requirit.

## C A P. XVIII.

In quo refutatur opinio dicentium fideicommissa esse favorabilia.

1 *Relatio eorum quæ scripta sunt cap. 14. & 15.*

2 *Authoris intentio ad refutandum opinionem illam quæ tenet fideicommissa esse favorabilia.*

3 *Favor injure quintupliciter consideratur, sed nihil ad casum nostrum: favor de quo quaritur hic, in quo consistit.*

4 *L. 12. ff. de R. I. intelligenda est tantum de heredis institutione, non obtinet in legatis, & quare.*

5 *In l. apud Iulianum §. scio ex factoff. de leg. 1. qualitas legata in dubio restringitur*

*tur & in dubio minimum debetur.*

6 *Nisi minimum futurum esset plane inutile.*

7 *Aut nisi esset favor religionis.*

8 *Voluntas plenius interpretanda, non presumitur esse mutata.*

9 *Obiectio contra sententiam auctoris.*

10 *Exemplo illustrata.*

11 *Solutio.*

12 *Authentica ex causa, corrigit ius vetus.*

13 *Falsa causa tantum vitiat actum ultima voluntatis cui fuit adjecta.*

14 *L. eam quam C. de fideicom. explicatio.*

15 *Regula, omnia corrumpere corrumpente testamento, quo casu non obtineat.*

16 *§. Impossibilis instit. de hered. instit. limitatio.*

17 *Dicta in institutionibus censentur repetita in substitutionibus pupillaribus; non autem vulgaribus nec fideicommissariis.*

18 *Interdum voce testamenti designatur quaelibet species ultima voluntatis.*

19 *In fideicommissis masculinum continet femininum, sed non cum primum testamentum est mutatum, verum cum stat.*

20 *Nisi conversio illa causaret legatum contra naturam.*

21 *Fideicommissa sustinentur interpretatione  
supple-*

*suppletiva, non tamen eatenus ut relictum in primo testamento censeatur repetitum in secundo.*

**C**apite xv. rationem dedi meæ positionis Capite xiv. relatæ, probatæ, & generaliter ab objectionibus vindicatæ.

Positio hæc erat: Corruente testamento, corrumpere omnia in eo contenta; nimirum legata, fideicommissa, & omnes clausulas codicillares.

Ratio hæc erat, quia ea sunt odiosa; illam probavi, & amplificavi, ut ibi lector videre potuit, & Capite xvii.

Sed quia adhuc unus hostis mihi restat, nempe opinio eorum, qui tenent fideicommissa esse favorabilia, & sic interpretatione adjuvanda, eum hoc capite profligare decrevi; Proponam itaque certa argumenta hinc inde à diversis authoribus excerpta, eaque pro viribus meis refutabo.

Sed antequam eo progrediar præmittam favorem considerari in jure, respectu personæ, causæ, rei, loci, temporis, & actionis; sed de hisce omnibus in hoc tractatu nihil dicam, quia ad propositum nihil faciunt; Verum favor, quem hic aliqui authores inducere volunt, consisteret in interpretatione suppletiva, vel extensiva: statuunt igitur ea, si semel sint relictæ in ultimæ voluntate, ex æquitate ob clausulam quandam in secundo testamento additam posse continuari; sed quam juridice, postea videbimus.

Primum argumentum, quo prædicti erroris

fautores utuntur, est in *l. 12. ꝑ. de Reg. iur.* ibi dicitur voluntates testatorum plene esse intelligendas. Futile sane id est, & nullius momenti : nam ille textus tantum intelligendus est de heredis institutione, nec habet locum in legatis: quia ea sunt stricte interpretanda *l. 75. ꝑ. de legat. 3.* ubi dicitur, nummis legatis exiguiore deberi, strictum autem opponitur pleno, *ꝑ. de lib. & posth. l. 19. in fin. junct. l. 124. ꝑ. de verb. signif.* Adde textum, magis pro mea sententia militantem, in quo non ipsa quantitas sed qualitas legata in dubio restringitur in *l. apud Iulianum. §. scio ex facto. ꝑ. de legat. 1.* quam vide : in obscuris enim, quod minimum est sequimur, *l. 34. ff. de R. iur.* sicut & in dubio leviores usurę debentur, *per text. in l. tutor. §. qua autem. ꝑ. de administr. tutor.* quotiescunque itaque aliquid alicui relinquitur in dubio minimum censetur esse relictum. Sed obstare videtur textus in *l. si quis argentum. §. 2. Cod. de donationibus*, ibi dicitur legatis servis, mediocres deberi : sed responde ex ipso textu apparere, minimum illud futurum plane inutile : sed insta *per l. 38. §. ult. ꝑ. de aur. vel argent. legato*, inde concludi videtur in dubio majus deberi: ibi enim dicitur legatis statuis in templo, sine mentione materię, si tamen ibi non sunt nisi æneę, vel argenteę argenteas heredes ponere debere : sed non difficulter hæc antinomia poterit conciliari, si dicamus id favore religionis fieri, & sic ob causam publicam, cujus gratia multa contra rationem juris sunt recepta.

8 Præterea *d. l.* præsupponit voluntatem plenius inter-



interpretendam, non esse mutatam, sed stare, alioquin enim aliud sine dubio esset statuendum.

Huic assertioni pro plenitudine interpretationis legati seu fideicommissi in testamento suffragium præbet *l. in his. ꝛ. de condit. & demonstrat.* quam exemplifica per *l. Scævola. ꝛ. de annuis legatis.* exemplum tale est, testator uxore herede scripta centum annua singulis libertis reliquit in alimentum si ab uxore non recessissent. Uxor excursionibus delectata, iussit eos eam comitari, quibus recusantibus legato illos excidisse contendit. Scævola id ex bono & æquo dirimendum esse docet, Ratio est, quia hæc conditio est extra testamentum, per *d. l. in his.* Huic difficultati minime negotio satisfieri poterit, dicendo hunc casum esse facti, & quidem inopinati, (præsupponendum est enim mulierem in vita testatoris non ita vagis peregrinationibus delectatam fuisse) quo posito etiam sequitur decisionem super eo in arbitrio iudicis consistere, arg. *l. 1. §. cum dicit. ꝛ. de jure deliberandi,* leges dant formam negotiis, quæ certa sunt, non quæ raro, aut inopinato accidunt.

Secundus hujus erroris prætextus est in Auth. *ex causa. C. de liberis præteritis*: Non audeo dicere cum Fabro Justinianum hic vim juri civili intulisse: Nam si verum sit bona parentum ad liberos pertinere, necessario sequitur eos sine interitu testamenti præteriri non posse, per *text. in l. 30. ꝛ. de liberis & posthumis*; sed dicam authenticam hanc corrigere jus vetus.

Tertius est in *l. finali. ꝛ. de heredibus instituendis,*

quia illa lex nihil aliud dicit, quam falsam causam adjectam institutioni hæredis vitiare eam, non autem legata, per hunc textum *junct. §. 1. §. longe. inst. de legatis.*

- 13 *de legatis.* Non igitur est mirum secundum testamentum, quoad institutionem tantum deficere.

Non me movet in contrarium lex *Eam quam. C. de fideicommissis.* ubi dicitur testamento relicta non

adita hereditate ex eo non valere: quia illa regula in ipsa lege restringitur; nimirum cum verbis di-

- 14 *directis* adiri potuit hereditas, non cum ea fuit à successoribus ab intestato postulanda, & sic non valent legata; quatenus sunt pars testamenti, debebant tamen præstari ab heredibus ab intestato.

Secundo non refragantur supra dicta, quod corrumpente testamento corrumpant omnia in eo contenta: quia hæc non obtinent ubi probatur testatorem

- 15 alias non fuisse instituturum, nisi sub certa causa, ut est textus in *d. l. finali.*

Quantum argumentum est desumptum ex §.

- 16 *impossibilis. instit. de hered. instit.* ibi dicitur, impossibilem conditionem haberi pro non scripta, nam id verum est quo ad testamenti conservationem in dubio, non si illud revocetur per secundum.

Quinto in contrarium urget *l. 8. verb. sub conditione. de vulgari, & pupill. substitutione.* ibi dicitur, dicta in institutionibus censeri repetita in substitutionibus: hinc sane possunt contrarii commentum auctores inferre, locum esse in hac lege favori, sive interpretationi suppletivæ, adeo ut dicendum esse videatur legata quoque esse repetita, sed respondendum hunc textum loqui de substitutione

tione

tione pupillari, ut apparet ex dicto textu; ratio ulterior est, quia pupillares tabulæ pars sunt testamenti prioris, *arg. l. 2. & per textum expressum in l. 38. §. 3. . de vulgari, & pupillari.* In vulgari substitutione contrarium est, ibi enim conditio expresse est repetenda, per dictam legem: idem est faciendum in fideicommissaria, *Peregrin. art. 16. n. 7.* Neque obstat *l. Avia. . de condit. & demonstr.* quia ibi specialis necessitudo personæ, præterea favor libertatis inducit repetitionem, *l. 18. §. 1. . de condit. instit.*

Quidam dicunt, & non sine ratione, sub voce testamenti designari quamlibet speciem ultimæ voluntatis i. e. legata & fideicommissa, quid ni, concedamus: tum enim revocato uno esse revocata alia censebuntur: aut hæc inter se invicem habent rationem convertibilitatis, aut non: si primum verum sit, mea sententia fixa & immobilis erit; sin minus corrui error interpretum, & sic tam diu in tenebris hæsimus.

Sextum argumentum, quod proponam pro erronea hac sententia est, quod in fideicommissis masculinum continet fœmininum. Hic favor secundum illos consistet in interpretatione extensiva, allegabuntque ad sui erroris patrocinium, *l. qui duos . de legat. 3.* ibi testator legaverat mulas, & habebat tantum mulos, dicitque mulos peti posse, propter favorem voluntatis ultimæ conservatorem, & non destructorem. vah; quid hæc; quando testator mutavit voluntatem.

Insta ulterius, dari casus, quibus nulla habetur ratio

- ratio conservationis legati, & tamen conversio, sive mutatio illa generis masculini in foemini- num, vel contra, non admittitur, textus est, *in l. fisa 45. pondera verba finalia* *¶. de legat. 2.* Huic  
 20 difficultati satisficit nullo negotio: quia ejusmodi legatum interpretatione legum censetur fieri contra naturam, quia denominatio fit à parte principaliore. Adde quod naturam ars imitetur, quantum fieri potest. *§. 9. Instit. de adoption.* etiam ars juris civilis, quod non in totum à jure naturali discedit, neque per omnia ei inservit.
- 21 Septimus favor fideicommissis attribuitur, quod sustineatur interpretatione suppletiva: quia si aliquod verbum deficiat, quod voce non fuerit expressum, benigna interpretatione suppletur. *l. unum è familia §. penult. & ult. de leg. 2.* verum is favor non est magni momenti, tendit tantum eo ut illud conservetur: nam si non sit credendum testatorem genus testandi elegisse ad impugnanda sua judicia *l. 3. ¶. militari testamento*, non etiam est putandum testatorem elegisse in odum fideicommissi relinquendi, quo illud inutile fiat. *l. Titia §. Lucius. ¶. de leg. 2.* sed inde non sequitur, non obstante secundo testamento, nullam mentionem faciente de fideicommissio, illud in primo contentum continuari.

## C A P. XIX.

In quo enervantur responsiones ad textus,  
quibus probatur odiositas fideicommissorum.

- 1 *Scopus authoris in hoc capite declaratur.*
- 2 *Fideicommissum stricte est intelligendum.*
- 3 *Quando est incertitudo voluntatis, tum declaratio est heredis.*
- 4 *Quando verba fideicommissi sunt ambigua tum ealate sunt interpretanda.*
- 5 *Leges dicunt fideicommissum continere onus, item gravamen.*
- 6 *Legata latissime interpretanda sunt, & explicatio l. si is qui ducenta. 13. ff. de reb. dub.*
- 7 *Ducenta in dicta lege apud legatarium fuerunt deposita, & trecenta ei fuere addita.*
- 8 *Instantia contra dictam solutionem.*
- 9 *Fideicommissa relinqui per conjecturas necessarias vel admodum probabiles.*
- 10 *Ea presumuntur inesse ratione sanguinis etiam posthumi.*
- 11 *Posthumum habere pro jam nato, & quatenus.*
- 12 *In falcidia venter non habetur pro jam nato quoad augendam hereditatem.*
- 13 *Conjectura pietatis quid operetur.*

In

14 *In dubia conjectura contra fideicommissum est pronuntiandum.*

15 *Obiectio ex l. cogi ff. ad Trebell. presumptione pietatis leges prædictæ solvuntur, hac autem lex in alio casu loquitur.*

16 *Ultimum argumentum ex l. 1. ff. de leg. 3.*

**R** Esutavimus, ut credo, satis juridice argumenta pro fideicommissorum favore introducta; nunc restat, ut examinemus solutiones ad leges, quibus quidam juris civilis laceratores conantur destruere nostram sententiam: Dictum est supra

2 Capite xv. fideicommissum stricte intelligendum; ideoque esse onus; & per consequens odiosum; solvitur illud dictum per distinctionem sequentem; aut est incertitudo voluntatis; aut verba legati sunt ambigua, primo casu dicunt quidam, non tamen emunctioris ingenii Jurisconsulti, quamvis apud rudiores auctoritate polleant,

3 declarationem esse heredis qui personam defuncti representat. *per text. in l. si quis à filio. 32. §: si quis plures. ꝑ. de legat. 1.* secundo casu dicunt, verba fideicommissi late esse interpretanda; primum concedo, quia hereditas non venit, nisi deducto ære alieno, textus est satis obscurus in l. Pater filium. 54.

4 ꝑ. ad l. falcidiam, in verbis, nam ære alieno, sed quid refert cujus sit electio: quia heres debet minimum eligere, per ea quæ ante dixi; quod & ipse Cardinalis Mantica *de conjecturis ultimarum voluntatum, lib. 7. tit. 1. num. 32.* expresse fatetur: Addo de  
meo

meo per transfennam indissolubilem, textum in l. 5  
*cum acutissimi ingenii. 30. C. de fideicommissis*, ubi di-  
 citur patrem filium suum heredem institutum re-  
 stitutionis oneri subigere; item postea dicitur fi-  
 duciarius heres restitutionis gravamini subjugari.  
 Hæc verba tam clara sunt, ut eis nihil possit oppo-  
 ni: verum tamen continuabo errorem prædictum  
 funditus delere.

Secundo casu dicit prædictus author legata la- 6  
 tissime interpretanda esse, allegatque legem: *si is  
 qui ducenta*. Sed meo iudicio, hæc lex nullam  
 aliam interpretationem admittit, nisi quod quin-  
 genta debeantur; dubitatio autem, de qua ibi Ju-  
 risconf. loquitur, fundata fuit in conjunctione, &  
 ideo ibi dicitur eam incidere in ambiguitatem: sed  
 quomodo quæso? conjunctio enim disjunctive pro  
 natura negotii nonnunquam accipitur, l. *sape. 4. de  
 verb. signif.* adde quod mentio fiat hic duarum  
 summarum, quod videtur absurdum, potuisset  
 enim dicere Jurisconsultus ibi de quingentis: sed  
 responde, ducenta apud legatarium fuisse deposi- 7  
 ta, postea trecenta ei fuisse addita, adeo ut hic non  
 possim animadvertere aliquam favorabilem inter-  
 pretationem legati, vel ullam aliam, quam natura  
 ejus fert. Instant tamen prædicti erroris fautores  
*per l. qui lancem. 4. de auro vel argento legato*, ubi di-  
 citur, mediæ magnitudinis deberi: solve, minimum  
 & maximum legatario inutilem futurum, ut supra  
 notavi.

Supra Cap. xv. quoque dictum est, fideicom-  
 missa non nisi expressis verbis relinqui, contra hæc  
 insur-

- insurgere quidam possent, in iis locum esse conjecturis *text. est. l. miles. ꝑ. de leg. 2. & in l. cogi. ꝑ. ad Trebellianum.* sed respondeo, conjecturas debere esse necessarias, vel admodum probabiles. *d. l. Lucius. §. tres heredes. ꝑ. ad Trebellianum.* debent saltem virtualiter continere voluntatem fideicommissi, ea præsumitur inesse ratione consanguineorum. *l. 32. ꝑ. de fideicommiss. libertat. cum antea allegatis similibus legibus,* non solum natorum, sed etiam non natorum, ut fratris posthumi, *l. à fratris posthumo. ꝑ. de legatis 1.* quia solemnitates à jure civili sunt inventæ ad præcavendam fraudem, *d. l. ult. C. de fideicommiss.* ea autem præsumitur abesse à consanguineis *arg. l. ult. C. de adoptionibus.* ibi nullius conventionis suspicio sibi potest aliquam vindicare licentiam, avita & proavita affectione hæc omnia resecante. præcipue in non nato, qui nullius doli capax esse potest. Sed hic per transfennam movebo aliquam difficultatem, nimirum posthumum haberi pro jam nato, quoties de commodis ejus agitur; quanquam alteri antequam nascatur nequaquam profit, *textus est in l. qui in utero. ꝑ. de statu hominum,* quia si fideicommissi oneri subigi possit, dicitur illud etiam non natum alteri prodesse posse: responde eum habere Falcidiam, & eatenus sibi etiam prodesse: Atqui instari posset; in Falcidia ventrem non haberi pro jam nato; Iterum solve, id eatenus verum esse, quod partus, qui est in utero, non augeat hereditatem, ut major fiat Falcidia. Dixi fraudem præsumi abesse à consanguineis, Addo pietatem præsumi adesse, *textus est in l. cum*



*avus 102. π. de condit. & demonstr.* ibi fideicommissi  
 conditionem conjectura pietatis videri defecisse.  
 item in *l. cum acutissimi. C. de fideicomm.* Recte dixi  
 has conjecturas debere esse efficaces : nam si ali-  
 quo modo dubiæ sunt tum contra fideicommis-  
 sum est pronunciandum. *per text. in l. coheredi §. 14*  
*cum filia. π. de vulg. & pupill. substitut.* ubi dicitur,  
 substitutionem fieri irritam, si pater filiis, vel ne-  
 potibus substituit, qui post testamentum factum  
 non fuerunt in familia, *similis textus est in l. generali-*  
*ter §. cum autem C. de inst. & subst.* sed hæc è diametro  
 videntur aduersari *l. cogi. π. ad Trebell.* ibi dicitur : 19  
 interpretationem in dubio ita tenendam, ne fidei-  
 commissum intercidat : Profecto hic nodus mihi  
 est difficilis, eumque aliter solvere nequeo, quam  
 dicendo, leges meam sententiam confirmantes  
 duntaxat obtinere in personis, in quibus conjectu-  
 ra pietatis locum habet ; hanc autem loqui de per-  
 sonis extraneis, & quando testator permanfit in  
 una & eadem voluntate, non autem quando ad  
 secundam convolavit, tum enim quin revocata  
 fit prima cum omnibus appendentiis, jam ut opi-  
 nor, nemo amplius dubitabit : Et si adhuc ullus  
 in animo alicujus maneat scrupulus, efformabo  
 meo judicio herculeum argumentum *ex l. 1. π. de*  
*legat. & fideicomm. 3.* proponam verba rotunda, &  
 intelligibilia : Nihil in testamento valet, quoties  
 ipsum testamentum non valet, quid quæso clarius  
 dici potest, quod magis meam sententiam astruat :

## CAP. XX.

De modis mutandi testamenti per actus facti, & per cancellationem, abrasionem, &c.

- 1 *Transitio à modis revocandi testamenti per actus juris ad modos revocandi per actus facti, quorum referuntur species.*
- 2 *Definitio cancellationis.*
- 3 *Quis possit cancellare.*
- 4 *Effectus verae cancellationis cum exceptione in domestico; & tum distinguendum.*
- 5 *Secunda distinctio bimebris & ad quodlibet membrum solutio.*
- 6 *Praxis ejusmodi cancellationis quem effectum habere dicatur in Hollandia.*
- 7 *Contrarium obtinet in Brabantia.*
- 8 *Testamentum factum à Notario debet etiam in protocollo cancellari cum sufficiente numero testium.*
- 9 *Nisi actus sint omnino publici tum quid observetur auctor declarat.*
- 10 *Casus miri narratio & facti positio.*
- 11 *Sententia provisionalis Curiae alicujus de qua auctor judicium suum submittit.*
- 12 *Originali cancellato, & Authentico integro, quid dicendum sit.*
- 13 *Solutio objectionis.*
- 14 *Aper-*

- 14 *Apertura testamenti favorabilis.*  
 15 *Secundus modus mutandi testamentum.*  
 16 *Abrasio in loco suspecto minuit fidem, quatenus an autem locus suspectus sit quis cognoscat, item quid si abrasio inveniat in loco substantiali.*  
 17 *Interpretatio loci Cephal.*  
 18 *Actus pendente iudicio de falso debet provisionaliter executioni mandari quando de falso agitur criminaliter non civiliter: & quid in praxi obtineat.*  
 19 *Actus incompletus ne quidem valet in eo quod testator expressit, & ratio.*  
 20 *De littura in testamento inventa & si diversa manu aliquid in eo sit scriptum.*

**H** Actenus diximus de modis revocandi testamenti per actus juris, sequitur, ut jam dicamus aliquid de modis mutandi testamenti per actum facti.

Ut sunt cancellatio, discissio, vel rasura testamenti.

Cancellatio est scripti transversis lineis cancellatim ductis deletio. *arg. l. proxime. verb. omnem scripturam. de his. qua in testamento dolentur.*

Hic primo quaeritur, quis cum effectu possit cancellare. Respondeo illum, qui habet testamenti factionem: ejus enim est nolle, qui potest velle, per l. 3. de R. Juris, & arg. l. 4. de acquir. vel omitt. debet

betigitur esse testator, & quidem sanæ mentis, vel tempore dilucidi intervalli. *arg. §. 1. Instit.*

- 4 quibus non est permissum facere testamentum, tum ejusmodi cancellatio habebit effectum, de quo postea dicam: excipe nisi domesticus cancellavit, tum enim est distinguendum, aut enim id fecit consulto, vel inconsulto testatore, primo casu habet effectum mutationis testamenti, posteriori non, *per l. 1. in principio. de his quæ in testamento delentur: item l. si unus C. de testamentis*, nisi inconsulto deleta legi nequeant, tum enim, si ante consummationem ultimæ voluntatis expuncta sint, ea non debentur, postea secus. *d. l. §. 2.*

- 5 Secundo distingue, aut est casus certus, aut dubius, de primo diximus, quoad secundum iterum distingue, aut enim probatur cancellantem aliquid commodi sperare posse, aut non, primo casu non habet effectum mutationis, sed habetur pro eo, ac si tabulas testamenti subripuisset. *arg. l. fullo §. fin. & ibi Barth. de furtis*. Idem est, si domestica persona, vel etiam extranea speret se per dictam cancellationem posse liberari ab aliquo debito, verbi gratia, si heres in testamento legatorum nomina induxisset, quo casu ea nullius esset momenti *per d. l. fullo*. item si per eam tota hereditas ab intestato ad eum devolveretur: secundo casu contrarium est tenendum per jura supra allegata.

- 6 Quidam volunt moribus nostris ejusmodi cancellationem non multum operari, quia omnia testamentum apud nos censentur esse nuncupativa, inter quos est doctissimus vir Cyprianus Reynerus

in

*in sua censur. Belg. in disput. ad titul. quibus modis testamenta infirmantur n. 18.* Rationem dat, quia nuncupativorum substantia consistit in sola nuncupatione testium, & judicatum fuit ita in Curia Hollandiæ.

Diversum in Brabantia obtinet, ut refert Neostadius *decis. 1.* ubi testamenta nuncupativa videntur omnino cessare: debent enim juxta editum perpetuum Archiducis & Isabellæ editum anno. 1611. artic. 12. non solum scribi *ut tradit. Christinaus decis. 282. n. 19. 20. item decis. 340. n. 9.* sed etiam subscribi, ut declaratum est 7 Octobris 1625. ad requisitionem senatus Lutsenburgensis. Hæc ordinatio Brabantica convenit cum ordinatione Caroli IX. facta à Statibus congregatis Aureliæ, artic. 27. & ab Henrico tertio Blesæ edita artic. 165.

Uterius quæro ad probationem testamenti prædicti, si Notarius instrumentum confecisset an tum cancellationi locus esse posset, magna dubitatio est; rationes dubitandi antea propositæ. Quantum ad jus commune, cui in dubio est adhærendum, attinet, multi Doctores tenent, quod si testamentum factum coram notario, & testibus redigatur postea in prothocollum, tum non sufficit ipsum testatorem hoc cancellare, sed oportet ut id quoque deleatur in prothocollo Notarii, *ut tenet. 8 Iul. Clar. in. §. testamentum quæst. 93. & Castrenf. ad l. penult. C. de testamentis n. 7.* Verum illi requirunt, ut ille actus destruat eadem solemnitate, qua est constitutus. In actibus tamen omnino publicis

blicis aliter observatur. Exempli gratia, quando litteræ cessionum rerum immobilium hypothecatarum petuntur cassari à debitore, tum Secretarius visa quitatione (utar verbo Barbaro, quia mihi aliud non succurrit) schalpello discindit prædictas litteras, sigillum eis detrahendo, nullis Scabinis præsentibus; hæc ita mos observat. Quem penes arbitrium est, & jus, & norma loquendi. Imo ausum dicere judicandi, utrum bene vel male judicent alii, non enim volo de me dici, neque etiâ vere diceretur: tertium è cælo cecidisse Catonem.

- Sed ponamus casum mirum, & animadversione dignum, qui in curia aliqua circa materiam cancellationis, non testamenti, sed alterius instrumenti, nimirum litterarum obligatarum, evenit.
- 10 Iosias Iohannem Antverpiensem rogat, ut sibi velit pecuniam mutuo dare, Iohannes respondet sibi eam in promptu non esse, sed velle se, ut fideiussorem & debitorem principalem subsignare litteras obligatorias, quas Iosias scripsisset & subsignasset: Iosias negotium perfecit loco creditoris, nomine postea supplendo, vacuo relicto; verum tamen neminem invenit, qui ei summam in dictis literis contentam credere vellet; Id scripto nunciavit Iohanni, tum Antverpiæ degenti, qui ipsi per epistolam injunxit, ut instrumentum laceraret. Cujus voluntati morigerum se gessit Ionas, partes tamen laceratas non in ignem projecit, sed in portifolio quodam asservavit: famulus Ionæ, qui filius erat cujusdam Notarii, cui nomen Hamer-

merstedio, suspecto de falso, tabulas istas laceratas subripuit, & partibus simul junctis chartæ recenti eas agglutinavit, nomenq; patris in iis literis scriptum fuit, quo facto Iohannem Antverpiensem coram consilio aliquo in jus vocat, petens ut sibi decerneretur namptisatio summæ in obligatione contentæ, qui pro sua defensione exhibuit instrumentum prædictum. in longitudine folii per medium disrupti, summitate chartæ usque ad latitudinem pollicis integra manente: Exhibita quoque sunt literæ Iohannis, quibus cancellationem jusserat fieri. Fictus creditor contra assererat instrumentum hoc vetustate corruptum esse, & multa alia in medium protulit, vix relatu digna. Curia illa namptisationem decrevit, cui sententiæ Iohannes satisfacere coactus fuit, licet constiterit de scissura earum ad oculum, item de mutata voluntate fidejussoris, cum renuntiatio exceptionum in praxi notarum: tertio non constabat, quo titulo famulus ille earum dominium acquisivisset, quæ omnia altiore indagine requirere videbantur. Profecto asserendum est, perfectum iudicem esse Altissimum: Nos autem homines, humanique à nobis nihil alienum esse cum dolore animi confiteri debemus.

Sed perge, quid si originale esset cancellatum, 12  
& authenticum integrum, an tum voluntas testatoris illusoria reddetur? Omnimodo, quia originale est mater authentici, vitium itaque in illo inventum descendit in hoc. *Mench. de adipsend. possess. remed. 4. n. 702. 703.* Ratio tamen dubi- 13

- tandi est, quia authenticum videtur æquiparari testamento. *per text. in l. fin. ꝑ. testam. quemad. aperturiantur.* Responsionem, salva correctione melius hanc materiam intelligentium, aut qui saltem pro talibus haberi volunt, hoc exordiar modo, testatorem fecisse testamentum, & exemplum authenticum, id aliquando necessarium est ob causam relata in *l. si testamentum 23. ꝑ. qui testamentum facere possunt.* Non itaque mirum, si aperto authentico censeatur apertum originale; Præterea apertura testamenti adeo est favorabilis, ut semel facta fides ejus constet, etiam si materia, in qua primum a testatore scriptum relictum sit, perierit. *textus in l. publicati. C. de testam.* cur non itaque ea valebit, si testamento facto cum authentico, alterutrum fuerit publicatum, sive apertum.
- 15 Secundus testamenti mutandi modus est ejus confisus, sed quia habet multa affinia cum priori non diu ei inhærebo, unum tantum addam, quod quando abrasio invenitur in testamento, tum distinguitur, utrum ea inveniatur in loco suspecto, vel non: primo casu minuit, secundo non: An autem locus suspectus sit nec ne, est in arbitrio cognoscentis *l. si unus. C. de testament.* sed tum tantum minuitur fides loci prædicti. *l. si ex falsis C. de transfact.* nisi abrasio inveniretur in loco substantiali testamenti, tum enim totum vitaretur. *arg. l. proxime ꝑ. de his, quæ in testamento dolentur, & l. 1. Cod. de condict. ob causam detorum.* Et sic intelligenda sunt ea, quæ tradit Cephalus *conf. 187. num. 38. verbo, undecima*: illo enim Instrumento Emanuelis, quod



quod Marcus Bufius dicebat 'effe falſum, dictus Emanuel per reconventionis iudicium petebat à ſua parte adverſa ſcutorum 800. Ille allegans prædictam falſitatem, neceſſario eſt intelligendus, eum in finem, eam iudici in dicto conſilio relato objeciſſe, ut ſuæ partis adverſæ petitionem exclu-deret.

Sed contra ſupra dicta inſta *per. l. Divus Pius §. Divus Adrianus ꝛ. de petit. hereditatis* inde formo hanc 18  
regulam pendente iudicio de falſo; Actus ille, ſive ſit contractus, ſive teſtamentum, vel quid aliud, debet executioni mandari per provisionem, ut apparet *ex l. ſequenti d. tit. quæ videtur directe adverſari axiomati ſuperius relato. Sed reſponde diſtinguendo, aut falſitas intentatur civiliter, vel criminaliter, ut apparet ex l. qui nomine ꝛ. ad. l. Corneliæ de falſis, è qua eruitur utrumque membrum diſtinctionis: dicitur enim ibi, quod teneatur actione in factum prætoria, quæ eſt civilis, argumento l. 14. in verbo. ſi ſine cauſa ꝛ. de præſcriptis verbis: Actio autem criminalis elicitur ex illis verbis, quamvis quoque lege Cornelia teneatur. Primo caſu certifiſimum eſt, falſitatem poſſe allegari in vim peremptorii, & ſi allegans eam obtineat, tum iudex pronunciare debet ex ejuſmodi instrumento nihil deberi. Secundo autem caſu locum habet inſtantia ſupra allata. In praxi noſtra ita obſervatur, cum quis alium convenire vult ex ſyngrapha, ſi tum reus id falſum eſſe aſſerat, tum nullæ aliæ ſunt partes iudicis niſi in mandando procedi ſuper actione civili, & dando copiam Advocato ſiſci ad ſummi*

Magistratus jurisdictionem conservandam.

- 19 Ulterius quæro, quid si testator primis heredibus nuncupatis, antequam secundos scriberet, rasisset priorum nomina? Respondeo, actum incompletum esse, neque valere, etiam in eo, quod testator expressit, *l. si is qui. qui testamentum*. Nec obstat theoricæ desumpta ex *l. 1. §. 5. & fin. n. de verb. obligat.* ratio est, quia ea tantum habet locum in actibus dividuis, non in individuís, ut est casus. *d. l. si is qui.*

- 20 Si littera sit in testamento inventa, tum idem obtinet, quod in rasura, ut tradit Menoch. *in arbitrar. casu.* 187. n. 40.

Tandem finiamus cum hac quæstione, si diversa manu, diversoque atramento aliquid in testamento sit scriptum; Respondeo, totum id in arbitrio judicis consistere; sed de his plura, quando de effectibus mutati testamenti agemus.

## C A P. X X I.

De modis mutationis testamenti, provenientibus extra testamentum.

- 1 *Transitio ab actibus facti mutantibus testamentum exercitis circa testamenti figuram, ad actus facti extra eam.*
- 2 *Agnatione posthumi rumpitur testamentum etiam vivo testatore concepti.*
- 3 *Tempus quod partui magis convenit est spectandum: hac regula exemplo illustratur.*

Post

- 4 *Posthumus natus sexto mense non rumpit testamentum, & quare.*
- 5 *Secus si septimum attigerit.*
- 6 *Partus portentosus non sibi prodest sed mulieri.*
- 7 *Ob conservationem voluntatis testatoris.*
- 8 *Extensio regula supradictæ in quasi posthumo, item in posthumino nato ex aliena uxore.*
- 9 *Pater in hereditate suos extraneis censetur prætulisse.*
- 10 *Favor testamenti est de essentia ejus, nuptiarum autem ex accidenti.*
- 11 *Inconcursum ille huic præferretur & quare.*
- 12 *Posthumus Aquileianus rumpit testamentum, & ratio.*
- 13 *Filius & nepos venit ordine successivo ex sua natura.*
- 14 *Lex si quis Atteio. ff. de usufructu accrescend. dividit hereditatem in tres partes.*
- 15 *Omnia dependent à modo loquendi.*
- 16 *Non constat utrum heredes Sei testatoris fuerint conjuncti.*

**H** Actenus diximus de testamentis mutatis via 1  
facti exerciti circa ipsam testamenti figuram, jam agemus de actibus facti extra eam.

Primus actus est agnatio posthumi, ea rumpi 2  
testa-

testamentum, notum est, probaturque per legem, si posthumus  $\pi$ . de liberis. & posthu. modo vivus natus sit l. intestato §. utique  $\pi$ . de suis, & legit. licet illico, postquam in terram cecidit, mortuus sit. text. in l. 3. C. de posthumus hered. instit. tum remoratur sequentes agnatos, medio tempore decedens transit hereditas ad suos. text. in d. l. intestato.

Sed hic quæritur, an sufficiat, eum vivo testatore esse conceptum? responde, quod sic, quia conceptus quodammodo dicitur esse in rerum natura. l. 7.  $\pi$ . de suis, & legit. heredibus.

In contrarium urget l. & servorum §. §. ingenui. 2.  $\pi$ . de statu hominum, ubi dicitur nativitatem præferri conceptioni; Respondeo aliquando nati-  
3 tatis, aliquando conceptionis tempus spectandum, prout id partui magis utile est l. nuper legem. vers. his casibus C. de naturalibus liberis. Exemplo textui huic lucem adferam. Si pater sit senator tempore conceptionis, tempore autem nativitatis senatoriam dignitatem amiserit, filius dicetur esse senatoris & contra, concurrente favore cum odio, quo casu huic ille prævalet, argumento l. emancipatus, §. fin. in verb. finalibus.  $\pi$ . de senatoribus. sed si posthu-  
4 mus natus est sexto mense, nec tetigit de septimo, etiam si vivus in terram cecidisset, tamen non rumperet testamentum, quia non potest vivere l. septimo mense.  $\pi$ . de statu hominum, juncta l. 3.  $\pi$ . de suis, & legit. heredibus. paria enim sunt non vivere, & vivere non posse: si vero attigerit mensem septimum  
5 & quidem per duos dies, natusque fuerit secundum

dum cursum naturæ, attamen causa alia intervenit  
 cur vivere nequeat, rumpet testamentum, nisi par-  
 tus sit monstrosus, *l. non sunt liberi. ꝑ. de statu homi-*  
*num*, sed hic fortiter in contrarium urgere videtur, <sup>6</sup>  
*l. quæret aliquis 135. ꝑ. de verborum significatione.* ubi  
 dicitur partum portentosum, sive ostentum. *l. 38.*  
*ꝑ. eod. titul. muliere prodesse Solve,* nostrum casum  
 loqui de utilitate quam ejusmodi partus sibi ipsi  
 faciat i.e. an haberi posset jure successoris legitimi  
 antinomiam autem dicere eū prodesse mulieri: sed  
 prima facie injustum videbitur, aliquid aliis posse,  
 non autem sibi prodesse, cum charitas bene ordi-  
 nata incipiat à se ipsa *arg. §. I. verbo. Cum se ma-*  
*gis habere velit Instit. de donat. solve,* id fieri ob con- <sup>7</sup>  
 servationem voluntatis testatoris: præsupponen-  
 dum enim mulieri relictum fuisse legatum, sub  
 hac conditione, si pariat, eamque monstrum pe-  
 perisse, dicitur legatum nihilominus deberi, quid  
 nisi quia hæc conditio adjecta non erat impossibilis,  
 neque turpis. Nam imperfectiones naturæ in cri-  
 men imputari non debent, *text. in l. fere ꝑ. de Reg.*  
*jur. & in l. auxilium ꝑ. de minoribus. argum. l. qui uno*  
*testiculo ꝑ. de re militari.* alioquin enim non homi-  
 nem sed naturam accusare deberemus. *l. Maximum*  
*vitium Cod. de liberis præteritis.*

Ea quæ superius dixi non solum locum habent <sup>8</sup>  
 in posthumo vero, sed etiam in quasi posthumo,  
 illi enim duo æquiparantur *l. si quis ita §. final. ꝑ. de*  
*testamentaria tutela.* etiam in posthumo nato ex  
 aliena uxore *l. placet ꝑ. de liberis & posthumis,* Ne ob-  
 jicias. *l. boves §. hoc sermone. ff. de verborum significat.*  
 ibi

- ibi dicitur, in verbis *cum nupta erit*, primas nuptias significari, cur non instituto posthumo, etiam primus significabitur? responde in hoc casu esse actum favorabilem, qui interpretatione est adjuvandus *l. hac conditio 10. in fine. verb. benigne tamen dicendum. ff. de condit. & demonstrat.* Qui favor in eo consistit quod pater in hæreditate suos extraneis prætulit *l. cum acutissimi. C. de fideicommissis.* Urge, nuptias etiam esse favorabiles, per *l. hoc modo §. quod si ita. & de condit. & demonstrat.* Solve, favorem testamenti esse de natura actus testandi, nuptiarum autem esse ex accidenti: fundata est enim
- 9 in procreatione sobolis, quæ est accidentaria nuptiis, potest enim aliis abesse, & adesse citra subiecti corruptionem: est igitur hic & ille omnino diversus: nec ab uno ad alium argumentatio affirmative procedit: imo si concurrerent, hic illi prævaleret: potius enim natura est inspicienda quam accidens, *l. qui habet. 3. §. quia autem in verb. non ut furioso, sed ut: item, in verb. cum magis atati. π. de tutelis l. si tutor petitus §. quæ tutoribus. in fin. π. de excusat. tutorum.*
- 10 11 Sed quid dicendum de posthumo Aquileano? casus in controversia nostra est figurandus. Sejus testamentum fecit, filium heredem instituit, postea addit, si filius meus vivo testatore morietur, tum nepotem, vel neptem post mortem illius in decem mensibus proximis à morte hujus natum heredem futurum. Respondendum sane, hunc nepotem testamentum rumpere; itidem & pronepotem. *l. Gallus. 29. §. idem credendum 2. π. de libe-*

*ris & posth.* Ratio est, quia filiorum appellatione nepotes continentur. *l. iusta interpretatione. n. de verb. significatione*, non ex proprietate sermonis, sed ex interpretatione, qua filio mortuo nepotes in ejus locum suffecti sunt, per ea quæ tradit Bartholus *ad dictam l. Gallus*, præcipue in successione hereditariis, quæ sunt favorabiles, in odiosis enim contrarium est tenendum. *argumento l. quod si nepos. n. de testamentaria tutela.*

Præterea filius, & nepos venit ordine successi. 13  
*vo per l. peto. §. fratre. n. de legatis 2.* quia copulativa obtinet inter eas personas, inter quas est affectio ordinata. Sed obflare videtur textus *l. si quis Atteio. n. de usufructu accrescendo*: ibi dicitur relictum Seio Atteio cum heredibus Sei dividi in tres partes, eadem igitur videtur esse ratio, in posthumo filio, & nepoti relicto, nimirum quod debeat in duas partes dividi. Huic difficultati satisfiet hoc modo, si dicamus in casu à nobis proposito sua natura secum ferre ordinem successivum; est enim hæc lex sub titulo *n. de legatis, & fideicommissis*, quænam sit eorum definitio tyronibus notum. Hæc solutio confirmatur: quia Gallus author istius consilii volebat nepotem debere nasci post mortem filii; mors sane omnia solvit respectu mortui; sed transfert jus defuncti in superviventem, quid itaque remanebit dubii, cur non mea responsio firma sit. Textus autem in contrarium allegatus 14  
 dividit prædictam hereditatem in tres partes, & rectissime, quia hic heredes patris concurrunt cum extraneis, ideoque non est mirum eos partes face-  
 re:

- re: Rationes de provisione hominis, & legis ante tam sæpe allegatæ sunt, ut nauseam moverent, si eas cogere repeteret: faciunt tamen ad meæ sententiæ confirmationem: sed mediocriter jura intelligens poterit illa suo Marte indagari. In summa omnia dependent à modo loquendi testatoris, sive voluntate ejus: si personæ, & verba testamenti indicent ordinem successivum, tum talis erit, quia à proprietate verborum non est facile recedendum, sin minus non præsumetur esse talis: quia ex dicta lege, *si quis Atteio* per consequentiam in fallibilem evincitur: heredes Sei in vivis fuisse, & verbo heredes ibi futurum successorem designari, per textum in casu nostro peremptorium. in *l. si pactum in fine. c. de probationibus*. Adde adhuc non constare utrum illi heredes Sei, qui partem faciebant testatori fuerint conjuncti in linea descendi, vel collateralis; ideoque me non posse dimoveri ab opinione, donec hoc mihi probetur. Adde, quid si posthumus viro testatore nasceretur, rumpet testatorem statim post enim natum moriente: sed de his satis.



## C A P. XXII.

De aliis modis ejusdem naturæ mutandi  
testamentum.

- 1 Testamentum destitutum quot modis fiat.
- 2 Codicillis heres institutus, eidemque testator legata relinquens, eique substituens, quid censeatur facere voluisse.
- 3 Verba institutionis posita in instrumento censentur denotare testamenti factionem cum ex contextu legis ea apparet, secus si dubium sit.
- 4 Ratio dubitandi in l. non Codicillum C. de testam. unde oriatur, & quomodo imperfectum possit valere.
- 5 Actus deficiens valet in quantum pro
- 6 Hereditatis aditio est ultima perfectio testamenti.
- 7 Capitis diminutio facit testamentum irritum.
- 8 Moribus nostris si bona confiscentur.
- 9 Fideicommissarius præfertur fisco matre fideicommittente.
- 10 Capitis diminutio obtinet in monachis.
- 11 In perpetuum exsulans moribus Gallia desinit esse civis Gallicus.
- 12 Honor equiparatur vitæ.

- 13 *Non quoad pœnam inferendam, & ratio differentia.*
- 14 *In Hollandia licet civibus confiscationem redimere secundum diversarum urbium diversa privilegia.*
- 15 *In Brabantia jus confiscationis obtinet.*
- 16 *Præterit author dicere de testamento injusto & rupto.*
- 17 *Pergit tractare author hunc casum quando hereditas aufertur ab indigno.*
- 18 *Indignitas ab herede variis modis contrahitur.*
- 19 *Delinquentes Hollandi non possunt facere testamentum, & ratio, & ejus ampliatio.*
- 20 *Distinguendum censeat author.*

**P**ergamus jam ad alios mutandi testamenti modos, extra ejus figuram vim suam legalem exerentes.

- 1 Præter primum relatam alius modus est, quando testamentum est destitutum, id est, tale, ex quo nemo heres existit, aut quia noluit, aut quia non potuit, §. cum autem Inst. de heredit. qua ab intestato. l. filium 20. π. de bonorum possessione contra tabulas. notuit, quia repudiavit, textus est in l. 1. 2. π. de acqui- rend. vel amittend. hereditate; non potuit, utpote morte præventus, item spurius, collegium illicitum & similes.
- 2 Atqui offendiculum præbere videtur. l. 13. §. 1. π. de

*¶. de jure codicillorum.* ibi dicitur : si quis codicillis heres est institutus , & eidem testator legata reliquit , etiam illi substituendo , quod tum videatur testamentum facere voluisse ; id igitur videtur valere , prædicta institutione in codicillis facta ; Sed respondeo hunc esse sensum hujus legis ; quod quia videtur tale quid facere voluisse , ideo id sine institutione non subsistit. Ne objicias *l. Non codicillum C. de testam.* ibi dicitur verba institutionis posita in instrumento , denotare testamentum factum fuisse : Solve ; in priori lege certum erat testatorem non testamentum facere voluisse , ut apparet ex principio legis , sed codicillos ; in hac autem lege dubium erat , utrum fecisset hoc vel illud ; dicitque ex qualitate dispositionis cognosci , speciem intentionis , quæ quia melius adaptari potest testamento , ideo id factum esse censetur : sed unde oritur illa ratio dubitandi , in verbis , non codicillos , &c. valde hæreo , dicam tamen illam ultimam voluntatem habuisse aliquem defectum , puta non adfuit sufficiens numerus testium , sed quomodo tum poterit valere ? responde , quia erat testamentum aviæ respectu nepotum , in quo jura civilia de solemnitatibus non nihil relaxasse antea probavi , coque lectorem remitto.

Insta per legem : *si tam angustæ . de servitut.* inde inferitur ; actum deficientem in perfectione posse valere in quantum pro : Respondi centies , id fieri propter conservationem actus , nemo enim aliquem actum intentat ad propriam sui actus destructionem , per leges antea allegatas.

- 6 Adde ad confirmationem meæ sententiæ hereditatis aditionem esse ultimam perfectionem testamenti; sunt enim quatuor, quas videre poterit lector apud Bald. *ad l. 1. §. de testament.* quo concessio, quomodo illud sine herede subsistit: destructa forma, destruetur formatum, per iura & leges ante allegatas.
- 7 Tertio testamentum fit irritum postea testatore capitis diminutionem passio. *per l. si quis. §. irritum. §. de injusto, rupto, vel irrito facto testamento*: sed hic mos apud nos in usu non est, nisi damnati bona confiscentur, tum enim fiscus est loco heredis, *arg. l. in facto. §. fiscus. §. de conditionibus, & demonstrationibus*, & omnia bona cum suis vitiis, oneribus, & conditionibus ac successore extraneo in se transmittit. Nec difficultatem movet *l. Statius Florus. §. Cornelio. §. de jure fisci*: inde innuitur fideicommissarium præferendum fisco, quia
- 9 ibi loquitur de matre fideicommittente, quæ est causa pia, & specialis, ut ante dixi. In locis ubi Papistica religio viget hæc capitis deminutio, aut aliquid valde huic affine videtur locum habere in
- 10 monachis, quia mundo exempti videntur libertatem & civitatem amisisse, libertatem, quia serviunt monasterio, cui acquirunt, ut servus domino *princ. inst. de his, qui sunt vel alieni juris, item in cap. quod à te extrav. de conjug.* Civitatem, quia eximere se volunt contributionibus, oneribusque civibus impositis, quamvis non sint immunes à solemni, & stato tributo, argumento deducto à contrario sensu *ex l. sacro. sancta. 8. C. de sacrosanctis Ecclesiis, & Novell. 37.*  
 itidem

itidem volunt se eximere jurisdictioni secularium, quod quatenus obtineat vel non, hic referre non vacat, quia instituti mei ratio id non requirit.

Præterea in Gallia observari ajunt Doctores ejus <sup>11</sup> Regni eum Gallicum civem desinere esse, qui in perpetuum exsulat, nec succedit cognatis, nec ad tutelam vocatur: quod plane convenit cum jure civili, aquæ enim & ignis interdictio æquiparatur morti *text. est in l. Gallus 92. §. 5. π. de liberis, & posthumis*: Ratio est, quia ea, aut aliquid simile, quod in locum hodie successit, tangit honorem, qui æquiparatur vitæ; *textus in l. justa causa. 9. π. de manumissis vindicta*: Ne cursum meæ sententiæ <sup>12</sup> impediatur. *l. capitalium. §. cetera pœna, π. de pœnis*, ibi distinguitur existimatio & vita quoad pœnam, non igitur videntur inter se convenire, ut ante pro- <sup>13</sup>positum est: solutio est expeditissima *d. l. Gallus* continere casum civilem, antinomiam autem pœnam crimini destinatam: Illa nimirum successio ex *d. l. orta*, æquivalentiam admittit, cum liberi hominis nulla sit æstimatio. *l. 1. §. sed cum 5. verbo. quia. π. de his, qui effuderint vel dejecerint, cum similibus*. Hæc cum oriatur ex justitia distributiva exacerbationem vel remissionem admittit, secundum varias circumstantias relatas *in l. aut facta. §. 1. π. de pœnis*.

In Hollandia autem pœna confiscationis capi- <sup>14</sup> tis diminutionem secum non trahit, sed licet civibus eam certa pecuniæ summa redimere. Amstelrodamenses sexaginta florenis se ab ea immunes reddunt per privilegium ipsis concessum à Guil-

helmo Bavariæ duce editum 11 Martii 1540. ubi articulo. 1. ita habetur. Præterea nemo civium Amstelrodamentium, sit in servitio nostro, nec ne, deinceps amplius nobis multabitur, quam in corpore, & centum florenis.

Delphenſes octuaginta, aliæ civitates majorem, aliæ vero summam minorem perſolvunt, ſecundum privilegia, iis à comitibus ſuis data, quæ omnibus ita innotuere, ut ea referre non ſit operæ pretium.

- 15 Brabantia moribus nihil à jure civili alienum receptum eſt, conveniunt enim cum *l. in factis. §. 1. π. de condit. & demonſtrat.* antea à me allegata.

- De teſtamento injuſto nihil dicam, quia verſamur hic in terminis mutationis ultimæ voluntatis, quæ illi non quadrat, quia illud ab initio non va-  
16 luit, ideoque rectè ſiſtente dicitur eſſe nullius momenti per *l. 1. π. de injuſto. rupt. & irrit.*

De rupto autem antea longe lateque egi, quæ hic repetere non decrevi.

- 17 Reſtat ut de uno caſu agam, quando hereditas ab indigno auferitur, quid tum juris ſit; Indigni ſunt, qui jure civili heredes quidem eſſe poſſunt, ſed propter culpam, præcipue ingratitudinis, ea à fiſco privantur.

- 18 Indignitatem heres variis modis contrahit, quos apud aucthores juris civilis lector invenire poterit, unum addam hanc in Gallia eſſe abolitam, moribus enim iſtius regni nullo fere caſu, quod auferitur, fiſco vindicatur, per ea quæ tradit Autumnus, *en la conférence du droit françois avec le droit civil.*

*civil. ad tit. x. de his, quæ ut indignis.* In Brabantia autem hæc pœna indignitatis non est sublata in materia Religionis Pseudo-Catholicæ.

Sed hic quæritur an delinquentes de quibus 19  
supra dixi viventes in illis locis, ubi redimitur confiscatio, de cæteris bonis testari possint? Respon-  
deo quod non, quia per delictum efficiuntur servi  
pœnæ; imo si prius fecissent testamentum illud  
esset irritum *l. si quis filio. §. sed si quis x. de injust. rupt.  
& irrit. fact. testam.* & per ea, quæ tradit Iulius Cla-  
rus. *lib. 3. §. testamentum, quest. 21.* qui quidem dicit  
hanc opinionem de jure veriorē esse, quamvis  
volens dare æquitati locum inclinet in contra-  
rium, dicitque moribus suæ patriæ aliter observa-  
ri, nec ab ea consuetudine esse recedendum; verum  
ego assero, utramque opinionem cum jure civili  
convenire; sed distinguendum censeo, utrum 20  
testamentum fiat inter liberos, vel extraneos, pri-  
mo casu mihi videtur priorem posse defendi, *tex-  
tus in l. cum naturalis ratio x. de bonis damnatorum, cum  
similibus sapius allegatis*; secundo aliam amplec-  
tendam reor; propter dictam *l. in facto. §. 1. de condi-  
tion. & demonstrationibus.*

Multa alia possem adferre, sed ne opusculum  
hoc intentione mea majus fiat, studiose ea præter-  
mitto.

## CAP. XXIII.

De effectibus causatis ex mutatione ultimæ voluntatis per actus facti.

- 1 *Transitio.*
- 2 *De effectu cancellationis testamenti.*
- 3 *Aliquando factum prævalet juri.*
- 4 *Ordine id præcedit.*
- 5 *In successione testamentaria.*
- 6 *De habente tabulas raras.*
- 7 *Cancellata tabula æquivalent non cancellatis quoad intentatam actionem furti.*
- 8 *Instantia quod instrumentum cancellatum utrum furto ablatum sit nihil referat.*
- 9 *Maximi præjudicii esse Cancellare Syngrapham, & quare, late deducitur.*
- 10 *Tabula rasa sunt tabula, si inscio testatore à muribus vel vetustate sint corrupta.*
- 11 *Scriptum diversa manu in testamento præsumitur falsum esse.*
- 12 *Item si heres sibi in testamento aliquid ascripisset; excipe tamen ut.*
- 13 *Iussus testatoris sufficit inter personas quæ sunt in potestate testatoris.*
- 14 *Subsignatio testamenti nullius est momenti quando apparet ex circumstantia quod subsignaverit quis ut testis.*

15 Con-



15 *Confirmatio hujus sententiae.*

16 *Error notarii in testamento non labefactat fidem testamenti.*

17 *Excipe nisi tota heredis institutio fuerit omissa.*

**N**avigando per hoc juris mare pro modulo  
scientiæ meæ, summam pro viribus navavi  
operam, ut scopulos à me tot legibus & rationi-  
bus ex iis desumptis patefactos, evitarem, jam mi-  
hi è longinquo portus apparere videtur, paululum  
tantum cursum obliquabo. Agam primo de effe-  
ctu cancelationis testamenti, præmittendo hanc  
regulam, quod per illam hoc æque mutatur, ac per  
actum juris, quia æque per illam, quam per hunc  
declaratur voluntas testatoris: nihil enim inter-  
est, utrum ea manifestetur verbis, vel re, & facto. 3  
l. 32. §. fin. ꝛ. de legibus, & arg. l. fin. Imo in plurimis  
casibus factum potentius est jure, ut in l. fin. C. de  
Novationibus; in verbis *voluntate non lege novandum*,  
id est, voluntatis expressæ declaratione, quæ facto  
fit, non interpretatione legû suppletiva, vel exten-  
siva: Adde quod factum ordine præcedit jus, nam  
ex eo hoc sumitur. per l. ex plagis. §. in clivo ꝛ. ad l. 4  
Aquil. præterea facta dant ultimam perfectionem  
actibus, ut in contractibus, dominii translatione,  
quam non fieri, nisi per traditiones, vel tyro no-  
vit. Item in successione testamentaria; ibi heres  
ante hereditatis aditionem habet actionem ad pe-  
tendam eam, sed post eam primum dicere potest

se dominum ejus esse. Accedit tabulas cancellatas  
 6 vel raras habentem non frui beneficio legis finalis  
*C. de Edicto Divi Hadriani tollendo.*

Sed fortitur videtur urgere in contrarium *l. ful-  
 lo & sarcinator. 82. §. 3. de furtis*, ubi dicitur eum,  
 qui tabulas subripuit cautionesve, in ascriptam  
 summam, furti teneri, nec referre cancellatæ sint,  
 nec ne. Hinc videtur esse argumentandum, can-  
 cellatas æquivalere non cancellatis, male igitur à  
 me erit dictum antea, eas per cancellationem vim  
 suam amisisse. Dic æquiparationem hanc non esse  
 7 veram absolute, sed secundum quid, id est, quoad  
 intentatam actionem furti, quicumque enim alie-  
 nam rem contrectat invito domino, fur est, *per ju-  
 ra notoria*, nec distinguitur, qualis res sit, quia ma-  
 leficia habent fundamentum in mala intentione,  
 8 & animo executioni mandato. Sed instabit quis,  
 quid referat utrum quis furatus sit instrumentum  
 cancellatum, est enim nullius effectus, *argumen-  
 to deducto à contrario sensu ex l. fin. C. de Edict. Div.  
 Adria. tollendo. item per textum l. 2. de his, qua  
 in testamento delentur.*

Responde instrumentum, de quo in dicta l. 28.  
 mentio fit, non esse testamentum, sed syngra-  
 pham, continetque aliquod debitum, ut apparet  
 in verbis, *in ascriptam summam*, quod cancella-  
 9 tum habet duos effectus, primum inhærentem in-  
 strumento, & destructivum, secundum astructi-  
 vum: non enim solummodo ea syngrapha confi-  
 deratur quoad pretium ejus, sed etiam arguit ali-  
 quid extra dicti instrumenti figuram, id est, solu-  
 tionem

tionem prædictæ summæ. Eo sane respectu majoris præjudicii esse posset furto auferre instrumentum cancellatum, quam non cancellatum, ob rationem, quæ ex ultimis verbis dicti §. colligi potest. Ille itaque qui hanc comparisonem generalem vellet esse, peccatum committeret in Philosophia, quod logici facile intelligunt.

Attamen non obstantibus hisce remoris sublati, viam nundum expeditam invenio. Obistere enim mihi videtur l. 1. §. si rase. π. de bonorum possessione secundum tabulas, indicans tabulas rase tabulas esse; Ergo videtur adhuc urgeri posse meam inter rase, & non rase similitudinem à jure alienam non esse; sed responde, eas in scio testatore à muribus, vel vetustate corruptas; ideoque haberi pro integris, in tantum, ut heres in iis institutus de jure prætorio bonorum possessionem secundum tabulas petere possit: casu factum in culpam imputari non debet. De rasura & littura supra Capite xx. cgi, ita ut instituti mei ratio amplificationi istius adversetur.

Restat sequens casus, qui, ut me promisso exsolvam, est discutiendus, nimirum si diversa manu aliquid in testamento scriptum sit, quid tum sit juris. Respondeo illud præsumi esse falsum, per cap. inter dilectos. versu, tum quia subscriptio Notarii videbatur alia esse, quam subscriptio instrumenti, licet Notarius diceret se totum instrumentum manu propria scripsisse: Multo magis, si is sibi ipsi in testamento aliquid ascripsisset, tum id relictum inutile esset l. 6. π. ad l. Cornel. de falsis; nisi testa-

tor

to, & l. Error. C. de testament. Nec obstat l. finalis. r. de jure codicillorum, ibi dicitur herede nuncupato palam legatisque sine heredis institutione in tabulis redactis, eas non testamenti, sed magis esse codicillos. R. hic institutionem totam omissam fuisse, ibi tantum partem. Illa solutio patet ex verbis, 17 quando plus scriptum minus autem nuncupatum Et ideo si notarius dicat quod pater reliquit filiae jure restitutionis, cum debuerit dicere jure institutionis, nihilo minus ea erit instituta, per ea quæ tradit Bald. in l. si cum ante. r. de donat. ante nuptias sed tū ille error per tot testes probari debet, quot probatur ipsum testamentum. l. cum proponebatur 64. r. de legatis 2. & ibi Barth. textus sane meam solutionem egregie confirmat, ibi enim fideicommissio pluribus sub conditione relicto omissa erat mutua substitutio. Respondetur, id fideicommissum conjectura adjuvari posse, Nisi aliquid ita in eo sit scriptum, ut intelligi nequeat, tum enim id pro non scripto habetur, *juribus vulgatis*, sed de his egisse sufficit, pergamus ad caput sequens. & tum huic tractatui finem imponemus.

## C A P. XXIV.

De effectibus causatis ex actibus facti extra testamentum.

1 De agnatione posthumi remissive adduntur non nulla ab authore de posthumo adoptivo.

2 De

- 2 De jure Canonico obtinet cognatio legalis.
- 3 Canon, ita deligere, loquitur de scandalo evitando.
- 4 Pontifex Nicolaus prohibet filios naturales cum spiritualibus matrimonium contrahere: Alexander contrarium dicit.
- 5 Canonum inter se contrarietas.
- 6 Remissio horum ad Theologiam:
- 7 An monachis ingredientibus religionem testamentum rumpatur? & cur affirmativa videatur esse tenenda, fundaturque ea argumento à simili.
- 8 Si religio est incapax bonorum immobilium tum ingressus religionem confirmat testamentum.
- 9 Secundum Ediſta Superiorum contrarium obtinet, & diverſa Ediſta recensentur.
- 10 Ea commendantur, & incommoda recensentur quæ ab eorum non observantia oriuntur.
- 11 Secunda distinctio reprobata per Dilectum de art. testand. & remissio ad eum.
- 12 Banniti equiparantur deportatis.
- 13 Quidam putant nihil certi de iis posse statu: quare, præterea tractatur de hac materia remissive.

- 14 *Condemnatus ad mortem non potest testari.*
- 15 *Filii condemnatorum ab crimine laesa majestatis de jure civili heredes institui non possunt.*
- 16 *Sævus de praxi Gallica, & quid ibi iis relinquatur, succedunt etiam.*
- 17 *Contrarium statutum ab authore recensetur, quod confirmatur per sententiam latam contra Ravelliacum, & hujus tenorem.*
- 18 *Conciliatio horum Edictorum & rerum judicatarum.*
- 19 *In Hollandia quid obtineat circa has successiones.*
- 20 *De quarto modo mutandi testamentum ob odium religionis.*
- 21 *Rei judicate in Curia Bruxellensi tenor ab authore longe recensetur.*
- 22 *Bona mutantium religionem papisticam descendunt ad proximos agnatos non mutantem eam.*
- 23 *Praxis regni Hispania.*
- 24 *Regni Gallia.*
- 25 *Quid statuant Edicta & tractatus Brabantie diversi.*
- 26 *Litis in senatu nostro motæ & provisiona-*

*naliter decise relatio.*

27 *Finis consistens in voto ut Deus huic trad-  
Etatui benedicat, ejusque fructus uberio-  
res edat.*

**H**Actenus diximus de effectibus mutatae vo-  
luntatis, habentibus pro objecto figuram te-  
stamenti, restat ut finiamus cum effectibus muta-  
tae voluntatis occupatis extra eam.

- 1 Horum primus est agnatio posthumi, de cujus  
effectu capite superiori quædam dixi, quæ hic non  
repetam, addam tamen de posthumo adoptivo, an  
is rumpat testamentum? De jure civili nihil cer-  
tius, ea enim in omnibus imitatur naturam *per ju-  
ra vulgata*, sed hoc vix ad mores nostros accom-  
modari potest, quamvis de Jure Canonico cognatio  
legalis non plane in desuetudinem abjierit, *per*  
2 *cap. unicum. extrav. de cognatione legali*, ibi dicitur,  
quod inter adoptatam & adoptantem matrimo-  
nium non contrahitur; Nec obstat canon *ita dili-  
gere* 30. *quest. 3.* ubi dicitur inter eos, qui natura  
& adoptione filii sunt matrimonium non contra-  
hi: quia ille loquitur de scandalo evitando, non de  
3 stricto jure. Hæc distinctio mea non est divina-  
toria, quia ea non admissa trahet secum absurda.  
Comparatio hic fit inter filios naturales & spiri-  
tuales, qui dicuntur ii, qui de sacro fonte sunt su-  
scepti, hos dicit matrimonium inter se contrahere  
non posse: hoc videtur prohibere Pontifex Ni-  
4 colaus: attamen Pontifex Alexander *in Cap. 1.*  
*de cognatione spirituali*, dicit ejusmodi matrimo-  
nia

nia admitti posse, nisi consuetudo sit in contrarium: Præterea animadvertat curiosus Jurisconsultus, quam parum hæc jura Canonica sibi consent, dicit enim *in d. cap. 1.* primum Canonem natos ex suscipientibus ultro citroque ex sacro fonte conjungi matrimonio vetare, secundum autem dicit contrarium decidere, quem sequitur. Excipit tamen illam personam per quam spiritualis cognatio contrahitur, sed quorsum hæc limitatio, cum Canonistæ ipsi asserant, se nullum invenire in 6 sacra scriptura locum, in quo illius mentio fiat; Inventum itaque sive potius hoc est hominum commentum; sed hæc Theologis examinanda relinquamus; falcem enim in alienam messem immittere non volo.

Secundus modus est testamentum destitutum, ex quo nemo heres existit, de eo capite superiori egi; Addam tamen nonnulla:

De Monachis ingredientibus religionem, postquam ipsi suprema ordinaverunt, an tum rumpatur testamentum: monasterium enim habetur loco filii, ideoque sicut agnatio posthumi rumpit hoc; Ita etiam agnatio istius filii spiritualis (quasi vero) multos enim ab illis spiritualibus filios carnales procreari, ne quidem aquæ, quam benedictam vocant, ejectores negare audent: sed hæc per transennam dicta sunt. Quidam istius inveterati, crassi tamen erroris asseclæ distinguunt, aut enim religio, inquit, est incapax bonorum immobilium, aut non; Primo casu ingressus religionis confirmat testamentum; Inter hos est Julius

K

Clarus.



Clarus. in *9. testamentum. quest. 28. n. 4.* sed hæc distinctio parum convenit cum moribus nostris, 9 quia per diversa edicta superiorum harum septemdecim Provinciarum edita, omnes religiones sunt factæ incapaces bonorum immobilium; probo id per ordinationem Guîdonis Comitis Flandriæ editam anno 1293. ante eas idem præceperunt tabulæ Ducum Brabantiae, & legum Grimbergicarum de annis 1274. & 1312. & novissimè Carolus quintus promulgari curavit Edictum in eundem finem, omnium aliorum confirmatorium anno 1528. 10 Hæc omnia sapientissime à principibus illis fuere facta, & Juri Canonico non omnino adversantur; Monachi enim nihil proprii possidere possunt. *Canone, non dicatis. 12. quest. 1.* & sic ea, quæ ipsis relinquerentur, venirent in manus mortuas in præjudicium Principis secularis, qui necessitate urgente facultatibus destitueretur, quibus subditos contra vim hostium imminantium defendere posset.

Secundo autem casu iterum distinguunt, aut testator fecit testamentum non cogitans de ingressu, aut cogitans: primo casu nimirum testator omnia sua bona monasterio dicavit expresse, tum rumpitur testamentum, secundo secus. Hanc distinctionem merito reprobat Ioh. Dilectus. *de Art. testandi. tit. 3. cautel. 9. in fin.* sed aliud habet remedium, quo securitati voluntatis ultimæ testatoris ante ingressum provideat, quod apud eum videat lector, non enim hic transcriptorem ago.

Tertius modus est, quando testamentum fit irritum

irritum per capitis diminutionem testatoris supervenientem. Præter ea, quæ superiori capite dixi addam aliquid de bannito, præmittendo, bannitos æquiparari deportatis, ut tradit Carpzov. *in* <sup>12</sup>  
*criminali praxi: part. 3. quæst. 140. n. 14.* Alii dicunt nihil certi de iis posse statui, an possint testari, quia jura quædam municipalia eos comparant deportatis, alia relegatis, ut tradit viglius, *de testam. ad tit.* <sup>13</sup>  
*quibus non est permissum facere testamentum, numer. 7.* vide præterea hanc materiam satis bene tractantem Aretinum *ad inst. quibus modis jus patria potestatis solvitur. §. cum. autem n. 8.*

Sed quid dicendum de condemnatis ad mortem? respondeo, quod non possint testari, ideoque <sup>14</sup>  
testamentum eorum factum nullius est momenti per ea quæ tradit Iulius Clarus. *§. testamentum. quæst. 22.* neque habent sibi succedentes ab intestato. Curia tamen Hollandiæ pro ejusmodi testamento judicavit, non quod damnatus haberet testamenti factionem, sed quia succedebat ex liberalitate principis, per vim authenticæ *ex bonis damnatorum. C. de bonis proscript.* ita judicatum in eadem curia 7 Septembr. 1587.

Quæro ulterius, quid de filiis condemnatorum <sup>15</sup>  
ob crimen læsæ majestatis sit dicendum, an ii heredes instituti ex testamento à successione sint facti alieni? Respond. affirmativam de jure civili certissimam esse per textus *in l. quisquis, §. filii. C. de crim. læsæ Majestatis,* verû hunc rigorem Gallia mitigavit. <sup>16</sup>  
In hoc enim regno relinquitur eis legitima in bonis patris, succeduntque aliis consanguineis, & ex-

- traneis, nec efficiuntur infames, per ea quæ tradit Rebuffus *in præmio ad constitutiones Regias numer* 106. sed is heros sua auctoritate ductus loquitur, contrarium enim obtinuit secundum ordinationem Francisci, id est, de anno 1539. & litteras patentes ejusdem Regis dicti anni; item post Rebuffum curia Parisiensis aliter judicavit in sententia contra Franciscum Raveljack pronuntiata, & executioni mandata 27 Maji 1610. in verbis *la court à declaré, & declaré, tous, & chascuns ses biens, acquis; & confisque au Roy*; Ad conflictum harum rerum judicatarum, quantum fieri potest, conciliandum, dicendum est eas ita esse intelligendas, quod secundum rigorem juris ejusmodi bona ad regem quidem pertineant, verum tamen quod filii succedant, ex gratia, & mera principis indulgentia in ejusmodi bonis, secundum authenticam: *Ex bonis agnatorum*, antea à me allegatam. In Hollandia ejusmodi successionis nulla habetur ratio, quia civibus Hollandiæ licet confiscationem certa summa pecuniæ redimere, ut in fine hujus capituli dicitur: quæ privilegia etiam sese extendunt, usque ad reos læsæ Majestatis; Ita judicatum ajunt in Curia Hollandiæ in causa domini Hogerbetii contra fiscum, quæ æquitas etiam si videatur abhorrere ab expressis textibus juris civilis, tamen non est contraria rationibus, quæ ex eo erui possunt, ut luce meridiana clarius apparet *ex l. 26. c. de penis*. quæ totidem verbis relata est in *decretis. causa. 1. quæst. 4. cap. crimen*. Hanc quoque fundatam esse in jure divino, docet textus *in Deut. num. 24. cap. vers. 16.*

Quar-

Quartus & ultimus modus mutandi testamen- 20  
 tum est per indignitatem contractam ab herede,  
 hanc pœnam, ut superiori capite dixi obtinet in  
 Brabantia Hispanorum partibus addicta, certum  
 est in odium religionis. Exemplum clarum habe- 21  
 mus in re judicata in curia Bruxellensi in Maximilianum de Zeraets pro se, & nomine uxoris Marguarita de Rijdt, contra Dominum Wilhelmum de Rijdt, Dominum Brochoniæ, Oelegem, Woest-Wesel, &c. in qua instantia expresse peti-  
 tum fuit, ut dictus Wilhelmus intra certum tem-  
 pus publice abjuraret Religionem Reformatam,  
 & profiteretur eam, quæ Catholica vocatur, aut in  
 defectum hujus abnegationis dominia de Bro-  
 chem, Oelegem, & Sandthoven devolverentur in  
 familiam Maximiliani Zeraetzii. Ita quoque judi-  
 catum est in curia Bruxellensi 17 Septemb. 1644.  
 Nimirum Dominum Guilhelmuin intra sex men-  
 ses debere probare abjurationem prædictam, nisi  
 prædictis dominiis carere malit; sed in eo dissen- 22  
 tiunt prædicti Brabantii à jure civili, quod ejusmo-  
 di hæreditates non transferantur in fiscum, sed de-  
 scendunt ad proximos agnatos, ratio est, quia illi  
 æstimant reformatos incapaces esse successionis.  
 Malunt tamen Catholici eam à se quam à fisco  
 possideri, nec sine ratione, Charitas enim bene or-  
 dinata, à quo incipiat, lippis & tonforibus no-  
 tum est.

Hispani tamen durius nobiscum agunt, nolunt 23  
 enim ne quidem reconciliatorum filios, aut nepotes  
 usque ad secundum gradum in linea masculina, aut

primum in linea fæminina admitti ad aliqua officia: per tradita in secunda parte legum Regni, l. 3. *de los Hereies & reconciliados*. Non itaque poterunt succedere, ratio est, quia si aufugientes è Regno Hispaniæ revertantur, perdunt bona propria, non igitur possunt l. 2. *dist. tit.* acquirere aliena

24 Galli clementius agunt; Edicto enim Nanti edito, nemo religionis Reformatæ prætextu potest successionem privari. Edictum. 2. Aprilis 1582. in Brabantia editum eo tendit; Itidem tractatus inter urbem Bruxellensem, & Principem Parmensem de 10. Mart. 1585. & inter eundem & urbem Antverpiam eod. anno. artic. 2. 12. & artic. 22. pa-

26 cis gandavenfis. 8. Novemb. 1576. In senatu nostro habuimus litem, in qua de hac indignitate fuit mentio facta inter Levinum Lemmum Arcis Boxteliæ custodem, & Iohannem Lemmum Ministrum verbi divini Princelandiæ. Hic actoris vice functus petebat restitutionem ob læsionem ultra dimidium iusti pretii ob emptam à reo fratre hereditatem patris, Reus petebat Actorem debere, (verbo barbaro utar) declarari non receptibilem, volebatque eum repellere à limine iudicii, quia Iohannes cænobium Præmonstratenfis ordinis, de Everbode reliquisset, & per consequens factus fuisset incapax successionis. Advocatus præcipuum fundamentum defensionis in eo puncto ponebat. Senatus noster, eo neglecto interlocutoriam sententiam tulit, quæ ex officio actori injungebat, ut probaret se læsum esse ultra dimidium, quod cū innotuit reo, is stationem suam deseruit, foro-

foroque nostro usque ad hodiernum diem valedixit. Haftenus de odio Religionis, indignitateque inde contracta retuli.

## C A P. XXV.

Utrum testamentum primum revocetur per secundum signatum à testatore & post ejus mortem inventum apertum in domo mortuaria.

- 1 *Distinctio authoris.*
- 2 *Subdistinctio.*
- 3 *Testatore testamenti sigilla rumpente de jure civili id non valet.*
- 4 *Alio autem rumpente secus est.*
- 5 *Præsertim si ignoretur quis id fecerit.*
- 6 *Objectio ex duabus legibus sumpta.*
- 7 *L. heredes palam, explicatur & illicidatur exemplo.*
- 8 *Objectio.*
- 9 *Responsio Bartoli reprehenditur rationibus aliquot ab authore allegatis.*
- 10 *Axioma, nihil esse ipso jure nullum moribus nostris quomodo intelligendum sit.*
- 11 *Vera solutio authoris ad dictam legem.*
- 12 *Lex hac consultissima §. penult. quomodo intelligenda.*

13 *Secundum mores patriæ sigilla non dant  
formam testamento.*

1 **E**Xaminaturo hanc quæstionem occurrit distinctio, ut mihi videtur non contemnenda, quæ talis est. Aut enim versamur in casu juris civilis, aut secundum mores patriæ quæstionem supra dictam resolvere volumus.

2 Secundum jus Romanum subdistinguendum est, aut enim testator sigilla testamenti rupit, aut quis alius.

3 Primo casu cum certum sit & hunc & testes testamentum consignare debere *l. hac consultiissima C. de testam.* sigillis ruptis id non valere asserit *l. penult. C. de testam.* in verbis *ut pote mutato ejus voluntate*: quæ præsumptio mutationis infertur ex *l. Sancimus C. eod. tit.* præterea testamentum cujus signa turbata sunt non videri signatum docet *l. ad testium §. si signa ff. qui testam. facer.*

4 Progre diamur jam ad secundum casum quo alius quam testator rupisset sigilla, tum secundum testamentum valebit, effectus itaque omnes à legibus ipsis attributos habebit.

5 Præcipue si ignoratur quis id fecerit: ignorantis enim nullus est consensus *arg. l. de statu ff. qui testam. facer. poss.* qui necessario adesse debet ut testamentum inefficax reddatur, *arg. l. ejus est ff. de R. I.*

Deberet itaque apparere ejusmodi voluntas testatoris, eundemque in finem directa, per textum in *d. l. D. de R. I.*

6 Objice, supra dicta locum habere non posse ubi ruptu-

ruptura facta fuit post testamenti consummationem, tum enim ut illud valeat, omnia ex integro facienda sunt *l. heredes palam §. 1. ff. qui testam. facer. & l. hac consultissima §. penult. C. de testam.*

Sed ad singulas leges sigillatim respondebo.

Prima non loquitur de ruptura testamenti, sed 7 de necessariis: verbi gratia si in primo testamento duos heredes instituissem, at in secundo tres instituere vellem, tum illum unum heredem non possem adungere primo, sed propter eum deberem facere testamentum cum eadem solemnitate qua factum fuisset primum. Sed huic responsioni meæ 8 ob stare videtur, *l. si ita sit ascriptum 14. ff. de legat. 1.* Inde evincitur quod sine solemnitate mutatio fieri possit: omnia igitur ex integro non videntur esse facienda. Hanc objectionem solvit Bartholus ad 9 dictam legem; eam intelligendam esse de mutatione quæ fuit facta ante testamentum perfectum. Verum solutio tanti herois mihi videtur esse plane divinatoria. Nam etsi heredi injuncta fuerit præstatio legati, tamen non sequitur testamentum ibi fuisse imperfectum. Præcipue me movet ut ab ipso dissentiam, quia textus utitur verbo *ascribere*, quod nihil aliud significat quam adungere aliquid priori scripturæ. Quis itaque erit talis qui ex hoc textu id potest inferre.

Nec me movent verba in §. sequenti posita & hoc ante impletum testamentum fecerit quia tum ademptio ipso jure, sed si post testamentum tum ope exceptionis fit.

Verum hæ subtilitates moribus nostris secun- 10



dum opinionem Practicorum videntur adversari: quibus nihil tam in ore est quam apud nos nihil ipso jure esse nullum. Verumtamen hoc axioma sane est intelligendum, non enim succenturiari possum ita loquentibus, nisi dicant semper declaratoria judicis opus esse: qui in ipso jure nullis debet dicere ea talia esse: & in aliis. Sea debet annulla. Sed omissis istis digressionibus ad rem redeamus.

- 11 Resolutive itaque dico, & notissimum est legata exæquata in omnibus & per omnia fideicommissis sine ulla solemnitate imò vel ipso nutu relinqui posse, textus est in *L. si quis ita §. non solum in verbis: & quidem nuda voluntate ff. de adimend. vel transferend. legatis*.

- 12 Sed pergamus jam ad solutionem objectionis desumptæ ex *L. hac consultissima §. penult. C. de test.* Illa quoque lex non facit mentionem de ruptura sigilli testamentoque ob eam causam mutato vel non, sed loquitur de perfectione consistente in observatione solemnitatum testamenti. Hanc interpretationem meam veram esse juriq; consentaneam elicitur ex verbis sequentibus: ibi enim dicitur in testamento facto successoribus ab intestato requiri tantum quinque testes. Cum itaque illi tantum adhibiti fuerint ad solemnitatem, non vero ad probationem, nihil sane meæ solutioni opponi poterit.

- 13 Hæc omnia dissentiunt à moribus patriæ, nam quamvis apud nos etiam in usu sint testamenta clausa, quæ & à testatore consignantur; verumtamen ea consignatio non dat esse testamento, sed tantum

tantum adhibetur quia testator nullum scire vult ea quæ in eo continentur: textus est in dicta *l. hac consultiſſima*. Concludendum itaque est ultimum elogium, & jam sigillis ab ignoto ruptis subsistere, ideoque si primum præceſſiſſet eam habere virtutem ut hoc revocare poſſet.

---

## C A P. XXVI.

Utrum testamentum ligaturis quibus inter sigilla erat perforatum scissis subsistat.

- 1 *Casus dans causam quaestioni ab authore propositæ.*
- 2 *Status controversiæ cum responsione authoris.*
- 3 *Ratio.*
- 4 *Argumentum deductum ex ipsa ratione.*
- 5 *Refutatio opinionis contrariæ Bartholi.*
- 6 *Obiectio & solutio ejus.*
- 7 *Obiectio secunda & solutio.*
- 8 *Obiectio desumpta à virtute cancellationis testamenti.*
- 9 *Responsio.*
- 10 *Testamentum signatum resignari potest, & de intentione testatoris collecta ex signo relato.*
- 11 *Testatrix non perſiſtit in omnem eventum in revocatione prioris voluntatis.*

*Atta-*

*12 Attamen tantum cæpit testari.*

*13 Hamelia testato obiit.*

*14 Hoc testamentum primum potuisset revocare.*

- I** Ntequam hanc quæstionem resolvam, casum narrabo satis animadvertendum: Domina de Jonge matrimonio juncta cum Domino Theodoro Hamelio Societatis Indiæ Occidentalis Advocato, post annum aut circiter à die nuptiarum fato obiit, & insciis heredibus paternis & inaternis testamentum fecit, idque in arca abscondit stante in cubiculo ubi illa somnum capere erat assueta, hoc situm fuit in charta patente in quo ipsius defunctæ manuscripta erant quædam legata. Apparuit testamentum illud clausum fuisse ligaturis (quibus illud inter sigilla transfixum erat) ab omni parte scissis, adeo ut id appertum, & explicatum fuisse inveniretur. Quæsitum itaque fuit an ejusmodi testamentum habendum sit pro vero & legitime perfecto. Omnibus circumstantiis hujus casus positionis accurate perpenſis. Responsum fuit affirmative.
- 3** Primo quia amici à parte matris post defunctæ sepulturam illico amicos à parte patris per Notarium duosque testes admonebant, ut in lectione testamenti defunctæ præſentes essent. Unde manifestissime videtur colligi, hos scivisse testamentum factum fuisse, præcipue quia erant testatricis proximi heredes, qui non præsumuntur ignorare testamentum, per ea quæ tradit Sebast. Medices *de casu fortuito part. 1. quæst. 3. num. 15.*

Quæ

Quæ scientia in tantum ipsis obesse poterat, ut  
putare deberent testatricem non præsumi ab inte-  
stato mortuam esse, sed illud præsumptione sal-  
tem hominis valere.:

Posito aliquem velle adhærere opinioni Bartho-  
li *ad l. eum qui. num. 29. ff. de rebus creditis* contra-  
riam defendere volentis: ea in hoc casu non obti-  
net, non solum propter manifestas conjecturas in-  
ferentes ultimam voluntatem exstitisse, sed etiam  
quia plenarias habuit solennitates, & patefacta  
fuit. Hisce non obstat aliquem à parte patris agna-  
torum interrogasse maritum prædefunctæ utrum  
aliquod testamentum existeret, quia propter unius  
ignorantiam omnes quoque id ignorare debuisse.

Non etiam præjudicat veritati ignorantia mari-  
ti in specie facti proposita, quia non semper uxo-  
res omnia faciunt scientibus maritis.

Attamen unica difficultas adhuc restat non con-  
temnenda, prædictum testamentum aut codicil-  
lum primo clausum postea appertum fuisse inven-  
tum. Inde enim quis argumentari posset censerì  
debere jure testamenti cancellati, & quod heredi-  
bus ab intestato nullum præjudicium adferre pos-  
set. Fateri debet mediocriter in jure versatus per  
actum cancellationis æque perimi ultimam volun-  
tatem, quam per ejus revocationem ejus, nihil  
enim interest utrum quis voluntatem verbis de-  
claret vel re & facto *l. 32. §. finali ff. de legib.*

Imo in multis casibus factum prævalet juri *arg.*  
*l. fin. C. de Novat:*

Sed respondeo hoc testamentum non posse ha-  
beri

beri pro testamento cancellato, sed pro eo cuius signa inconsulto, imo omnino ignorante testatrice videntur fuisse turbata, quod cuius effectus sit in superiori capitulo longe lateque discussi.

- 10 Nam illud semel signatum resignari potest, *text. est in l. 23. ff. qui testam. facere possunt.*

Id sane testatrix facere in animum induxit suum, nam aliquot diebus post factum testamentum acta fuerint edita causam allegantia prædictæ discissionis: quæ talis fuit, quod testatrix prædicta aliquid in Codicillo voluerit mutare: nam non diu ante obitum Notarium advocari iussit, sed antequam accedere posset testatrix prædicta ab hac luce substracta fuit.

Quorsum quæso id fuisset ruptum, Notarius-que advocatus? si illa manere voluisset in priori voluntate?

- 11 Hinc sane luce meridiana clarius apparet, dato sed non concesso, testatricem sigilla rupisse, quod non permanserit in mutatione suæ postremæ voluntatis, sed aliud testamentum facere voluerit, sed morte subitanea præventa, id exitum habere non potuit.

- 12 Hinc itaque inter testatricem prædictam magis capisse testari, quam testatam fuisse *l. si is qui 25. ff. qui testament. facer.* Primum igitur non mutatum stare non prohibetur.


- 13 Resolutive itaque concludamus prædictam Dominam testato obiisse, non obstante discissione prædicta, prædictum testamentum non vitiante, utpote non circa substantialia sed circa accidentalialia


lia facta l. si mihi & tibi, in verb. angustias temporis ff. delegat. 1. Ergo si primum testamentum præexistisset secundum ejusmodi qualitatibus imbutum primum mutare posset. Hinc itaque operi finem <sup>14</sup> imponam Deo Optimò Maximo gratias agendo quod dederit mihi tempus ut possim protestari me hæc non scripsisse ductum superbia aut vana aliqua gloriola, sed ut vera incontaminata, & ab erroneis traditionibus D. D. defœcata jurisprudentia quoad hanc materiam orbi patefieret. Tu da, O fons Justitiæ, ut quamdiu me in hac lachrymarum valle relinquere statuisti, veram Justitiam, quantum imbecillitas mei ingenii fert & scripto & ipso facto promoveam. Vosque ô veri Antistites Themidis rogo, ut hunc meum laborem æqui bonique consulatis, & mecum optetis eum publico prodesse posse.

Primo itaque Justitiæ fonti, à quo illa in nos tamquam in rivulos satis tamen conspurcatos derivata, sit honor & gloria in secula seculorum Amen.

F I N I S.











12

90

